


# BAGAIMANA MENJALANKAN PACK

Di-padankan daripada  
HOW TO RUN A PACK  
Keluaran  
GILCRAFT



Di-chetak  
di Gudang Chap Malaya Publishing House, Limited.  
Singapore.  
1954.



## PENDAHULUAN

---

Ada pun kitab BAGAIMANA HENDAK MENJALANKAN PACK ini ia-lah tērjemahan daripada kitab HOW TO RUN A PACK. Akan tētapi mana2 isi-nya yang di-fikirkan tidak sēsuai dēngan kēadaan nēgēri kita ini tēlah di-pinda kapada yang lēbeh mēnasabah dēngan tidak mēngubah kēhēndak2-nya.

Dēngan tērbit-nya kitab ini dapat-lah satu bantuan atau pēmandu kapada Guru2 Anak Sērigala bagi mēnjalankan Pack-nya masing2, kērana di-dalam-nya di-hidangkan pētua2 dan chontoh2 sērta chara2 yang elok hēndak mēmajukan sa-suatu Pack. Maka Guru2 Anak Sērigala yang mēnggunakan kitab ini ada-lah di-pērchayaī tēlah mēmbacha dan ada mēmpunyaī kitab2 *Panduan Anak Sērigala* dan *Bintang2 Kēpandian Anak Sērigala*.

Zainal Abidin bin Ali.

## KANDONGAN

Muka

PENDAHULUAN	ii
BAB I DASAR2 AM	1
BAB II RANCHANGAN2	53
BAB III KERJA DI-LUAR	169
BAB IV BINTANG2 KEPANDAIAN	202

# BAGAIMANA MĘNJALANKAN PACK

## BAB I

### DASAR2 AM

Ada pun kitab ini ia-lah di-maksudkan untok orang2 baharu, ia-itu orang laki2 atau pērēmpuan yang maseh dalam pēringkat pērmulaan yang tēlah mēngaku hēndak mēnjalankan sa-suatu Pack Anak Sērigala dan sēkarang ia-nya sēdang tērburu2 ka-sana ka-mari bērtanyakan bagaimana-lah agak-nya hēndak mēmulakan kērja-nya.

Pada hari yang pērtama tuan bērhadapan dēngan kira2 sa-dozen atau lēbeh muka yang mēnaroh pēng-harapan, lēbeh2 lagi bila tuan tahu yang mēreka itu mēmērhatikan bagaimana agak-nya kēpandaian tuan, maka sudah tēntu ta'mudah rasa-nya tuan akan mēnghadapi pērkara itu, dan lazim-nya pēngagakan mēreka itu tēpat pula kēna-nya. Oleh itu clok-lah tuan sēdiakan apa2 kērja yang boleh di-buat oleh mēreka itu kērana budak2 kēchil ta'mahu dudok diam2 sahaja. Kalau tuan dapat mēnarek pērhatian mēreka itu, bērmaana-lah tuan tēlah bērbuat suatu kērja yang baik. Maka mēsti-lah tuan pikat hati mēreka mēlaluī kēhēndak hati tuan yang bērsunggoh2 dan pimpin akan mēreka dēngan tokoh dan gērak gēri tuan sēndiri.

Sa-sunggoh-nya pērkara yang mula2 sa-kali hēndak di-buat sa-bēlum tuan bērhubong dēngan budak2 itu ia-lah pēlajari sa-halus2-nya pēngētahuan bērsangkut dēngan Latehan Anak Sērigala dan apa2 yang tēlah di-susunkan yang hēndak di-buat. Tuan di-kēhēndaki tēlah mēmpunyaï akan sēmangat Latehan Anak Sērigala itu supaya dapat-lah tuan mēnimbulkan suasana yang bētul masa tuan bērhubong dēngan budak2 itu.

Langkah pērtama yang di-tēgaskan sangat2 ia-lah banyakkan mēmbacha dan talaah kitab2 *Panduan Anak Sērigala* dan *Bintang2 Kēpandaian Anak Sērigala*. Dalam kitab2 itu akan tuan dapati sēmua sa-kali pērkara2 yang di-pandang dari sēgi Anak2 Sērigala, dan yang di-kēhēndaki bagi tuan sēkarang hanya-lah mēnjalankan-nya sahaja lagi. Maka di-situ-lah sa-saorang itu bērkēhēndakkan bantuan dan di-situ-lah juga di-harapkan kitab ini akan jadi bērguna.

Tujuan Latehan Anak Sērigala itu yang sa-pēnoh-nya ia-lah mēmpērlēngkapkan budak kēchil itu untok Latehan Kērja2 Pēngakap. Ini bukan-lah maana-nya kita kēna mēnchuba dan mēnjadikan dia sa-orang Pēngakap jēnis yang lēmbut — jauh dari-pada yang dēmikian itu. Akan tētapi maana-nya ia-lah boleh kita lateh akan dia supaya hidup, sēdia dan mēngambil tahu hal di-kēliling-nya, dan mēnimbulkan dalam hati-nya akan pērasaan taat ,kapada Sērigala Tua ia-itu pangkal bagi sēmangat pasokan yang sangat mustahak kapada Kērja2 Pēngakap yang baik.

Kēgēmbiraan ia-lah jadi anak kunchi bagi kējayaan Kērja2 Pēngakap, dan hēndak mēngadakan kēgēmbiraan dalam Pack kita itu-lah jadikan tujuan kita yang pērtama. Budak2 sa-memang-nya-lah sa-jēnis kējadian yang sēntiasa bērgēmbira, jadi tidak-lah susah kērja-nya hēndak mēngēkalkan pērasaan gēmbira itu. Kēgēmbiraan ia-lah kurniaan yang di-bēri kepada sa-saorang itu sa-tēngah-nya lēbeh banyak daripada sa-crang lain, dan ada-lah ia-itu sa-jēnis mērtabat yang sangat mustahak bagi sa-barang golongan hidup manusia, jadi jikalau kita bērkēhēndakkan satu Pack yang gēmbira mēsti-lah kita sēndiri pun bērgēmbira juga. Budak2 sangat gēmar kētawa — tērtawa-lah dēngan mēreka itu, masok-lah ka-dalam sēmangat pērmainan-nya dan chuba-lah sama2 mērasa akan pērasaan hidup yang pēnoh pada mēreka itu.

Satu pērkara yang bērhubong rapat dēngan kēgēmbiraan ia-lah baik hati atau boleh di-katakan rasa pērsaudaraan. Maka di-sini lagi satu kita mēmpunyaï asas yang elok untok mēmulakan kērja kērana budak kēchil itu sēntiasa sēdia akan bērkawan2, dan kalau bētul gaya mēmulakan-nya tēntu-lah ia akan mēnunjokkan baik hati-nya itu. Barangkali mēstilah juga kita sēbutkan dēngan tērus tērang ia-itu budak2 kēchil ada yang bēngis dan kalau di-biarkan sahaja, mēreka kadang2 mēlakukan pērbuatan yang ganas, biasa-nya kapada budak2 lain yang lēmah. Akan tētapi kalau di-ajarkan pērasaan baik hati dēngan chontoh tauladan dan kata2 yang bērtērus tērang di-mana2 yang mustahak, maka kēbēngisan itu akan hilang dan pērasaan baik hati akan timbul. Sa-saorang budak itu bērasa malu kalau di-marahi

atau di-kata samsing di-tengah2 ramai, tētapi kalau ia di-nasihatkan bērsulit2, mithal-nya di-katakan kapada-nya “Si-Buyong” itu tidak bērapa kuat sa-bagai budak2 yang lain dan ta’dapat mēmbuat sa-banyak yang di-buat oleh budak2 lain, sēbab itu mēsti-lah mēreka mēnolong akan dia kērana mēreka sēmua lēbeh kuat, lēbeh chērgas dll. lagi, maka tētu-lah mēreka akan mēnurut dan pērgi mēmbantu budak yang lēmah itu. Saya pērnah mēndēngar sa-orang budak kēchil tēlah bērkata dēngan sa-pēnoh2 ikhlas dan kasehan, “Jangan di-olok2kan dia — dia ta’dapat mēmbuat dēngan bētul sēbab dia tēlah di-pēranak-kan dēngan tiada bērotak!” Sunggoh pun bunyi chakap-nya itu tidak bērapa manis tētapi ada tēr-kandong di-dalam-nya sēmangat yang kita kēhēndaki ia-itu pērasaan kasehan kapada yang lēmah. Maka pērkara2 yang bērhubong dēngan mēnalu sa-sama mēreka, budak2 itu sēndiri-lah yang baik sa-kali bagi mēnyēlēsaikan-nya; bahkan sa-saorang Akela (Guru Anak Sērigala) akan mēmbiarkan sa-bērapa banyak yang boleh hukuman dalam pērkara yang bagitu dalam tangan budak2 itu, kērana mēreka sangat sē-ronok dan pandai mēmadangkan hukuman dēngan kē-salahan-nya. Sēranah atau hamun daripada kawan2-nya lēbeh mēmbēri bēkas di-atas si-nakal itu dari-pada gētap-gērman sa-orang tua.

Maka tujuan kita mēsti-lah mēnumbehkan pē-rasaan baik hati atau pēngasehan pada budak2 itu, suka mēmbuat sa-suatu kēra, sēdia hēndak mēnolong, dan tidak mēmandang rēndah akan kēkurangan2 orang lain. Dalam Latehan Pēngakap kita bēkēra kērana hēndak mēnimbulkan budi pēkērti yang sa-

baik2-nya, maka itu-lah yang kita mulakan dalam Latehan Anak Sērigala. Sa-kira-nya dapat kita mē-lētakkan asas bagi latehan budi pēkerti yang bētul, maka bērmaana-lah kita mēmbuat suatu kērja yang baik sa-kali. Lord Baden-Powell mēnampak dēngan jēlas-nya akan mustahak-nya pērkara ini, maka ran-changan-nya yang sa-pēnoh-nya dalam Latehan Anak Sērigala dan Pēngakap ia-lah mēnuju ka-arah itu, yaani mēnimbulkan budi pēkerti budak itu dan mēnjadikan dia sa-orang anak nēgēri yang baik dan bērguna dēngan mēmpunyaï fikiran dan pēmanda-nungan yang sihat sa-masa hidup-nya. Sēmua-nya ini dapat di-lihat dēngan tērang bila di-bacha kitab2 *Panduan Anak Sērigala* dan *Bintang2 Kēpandaian Anak Sērigala*. Kērja2 yang di-sēbutkan di-dalam-nya — Undang2, Pērsētiaan, Ujian2 yang di-kēhēndaki lulus, dan pērmainan2 yang hēndak di-mainkan — sēmua-nya ini di-susunkan ia-lah untok mēluas-kañ fikiran budak itu. Ia-nya boleh mēmbantu supaya budak itu tidak tama', mēmikirkan orang lain, bērgantong atas diri-nya sēndiri bagi mēndapat kēsukaan-nya, dan mēlateh akan dia *bērfikir*, dan mērasa ni'mat hidup sa-bērapa yang boleh sa-bagai manusia biasa.

## KAWALAN

Tidak payah rasa-nya di-sēbutkan bahawa kawalan yang baik itu ia-lah satu bahagian yang mustahak dalam kējayaan mēnjalankan satu2 Pack. Dēngan tiada kawalan, Pack itu akan lintang pukang, budak2 mēnjadi jēmu, kērja2 ta'bērjalan dan tiap2 sa-orang nampak-nya mashghul.


Bila kita sēbut kawalan, bukan-lah maana-nya mēmēkek<sup>2</sup> mēmbēri pērentah atau sa-bagai-nya yang bērupa kētēntēraan; kawalan yang sa-bēnar ia-lah datang-nya dari dalam dan tidak kēlihatan pada dzahir-nya. Bukan-nya ia itu di-dapati dēngan tiupan whistle atau dēngan suara yang kuat atau pun dēngan ugutan dan dēnda; ia-nya boleh di-dapati dēngan jalan mēngētahuī apa yang di-kēhēndaki dari-pada budak<sup>2</sup> itu dan dēngan jalan mēreka pun tahu pula apa yang di-kēhēndaki itu. Bila<sup>2</sup> tērmula sahaja apa<sup>2</sup> tanda yang boleh mēnimbulkan kēkachauan, hapuskan-lah dēngan sērta mērta, maka pēr-kara itu kēlak tidak akan mēnyusahkan tuan lagi. Tunjokkan-lah yang tuan bēria<sup>2</sup> bētul, dan di-sa-balek gēlak kētawa sērta bērjēnaka di-pehak tuan itu ada tērlētak batu pējal yang tēgap, kērana budak<sup>2</sup> tidak akan mēnhormati orang yang tiada boleh mēngawal mēreka itu. Untok mēngingatkan kita balek akan hal pa'tua Anu itu, chuba-lah kēnangkan hal masa kita bērsēkolah dahulu, pa'tua itu kita fikirkan sa-orang yang lēmbab — bērat bēnar pēnanggongan-nya kita buatkan, dan tiada apa pun yang dapat kita pēlajari daripada-nya. Biasa-nya orang itu ia-lah mēreka yang tiada mahu bērgurau atau bērjēnaka dēngan kita dan sēntiasa tētap mēmbantah atau bērkata "Jangan". Budak<sup>2</sup> suka akan jēnaka, mēreka bērkēhēndakkan banyak kēsukaan; makin banyak mēreka tērtawa sa-makin-lah elok-nya, tētapi jangan-lah biarkan tērlēpas dari kawalan barang sa-minit pun.

Satu daripada sēbab yang mēnjadikan tidak tēntēram ia-lah kērana tidak chukup kērja. Budak<sup>2</sup> di-kēhēndaki sēntiasa ada sahaja apa<sup>2</sup> yang hēndak di-

buat — kata orang tua2, “Mereka yang tiada bekérja mudah di-rasok shaitan”, maka perkataan ini memang benar dan maseh terpakai hingga sekarang ini. Berilah budak2 itu sentiasa sibok, maka tuan akan senang menjaga-nya. Jikalau tuan penohkan tiap2 minit waktu yang ada pada mereka itu maka tuan akan mendapati sadikit benar kesusahan untok menjaga-nya, tetapi sharat-nya hendak-lah apa2 yang tuan suroh buat itu perkara yang menarek hati-nya.

Kadang2 sebab yang menjadikan budak2 itu payah hendak menjaga-nya ia-lah kerana mereka telah besar sangat untok tinggal dalam Pack dan jauh lebih baik kalau mereka ada dalam Troop. Pada masa mereka berumur sabelas tahun, mereka telah boleh berchampor dengan budak2 yang lebih tua. Keterangan yang menunjukkan perkara ini ia-lah bila saorang Akela yang masih muda dan sangat gemar, serta tiada mengetahu2 apa2 berkenaan dengan Anak2 Serigala, telah menerima satu Pack yang maju. Tentu-lah ia berharap akan mendapat kewujudan! Maka dengan hati yang pukal ia pergi ka-perjumpaan biasa hari Sabtu, dan ia balek dengan tidak bermaya serta sugul: Bagaimana Anak2 Serigala itu telah memainkan-nya dan betapa benci-nya ia akan hal itu! Ia ta'bérupaya mengawal-nya. Kepayahan itu terbit-nya daripada sa-orang dua budak yang menchuba hendak keluar daripada tiap2 permainan supaya mereka dapat “berkehendak hati”. Masa yang lain2 terus menjalankan permainan, yang berdua ini, terlompat2 ka-sana ka-mari di atas meja dan kerusi, atau pun merangkak2 di-bawah pentas sambil

tērjērit<sup>2</sup> dari situ. Apa2 pun yang di-katakan oleh Akela muda itu tidak mēmbēri bēkas kapada-nya,



maka akhir-nya kēsemua Pack itu pun mēnjadi tawar hati dan bēkērja dēngan lecheh. Maka Akela itu pun tērasa yang ia tidak bagus dan dēngan putus harapan lalu mēnulis kapada Pēsurohjaya Jajahan-nya minta tēmpat-nya itu di-gantikan oleh orang lain. Pēsurohjaya Jajahan itu tahu akan dia baik<sup>2</sup>; ia mēlantek akan dia itu dēngan kēpērchayaan yang pilehan-nya itu tidak salah, jadi ia mēnētapkan hati hēndak datang sēndiri dan mēnjalankan suatu pērjumpaan untok mē-nunjokkan kapada Akela muda itu di-mana salah-nya. Ia pun pērgi-lah — tētapi wah! Akela bērasa lapang, kērana Pēsurohjaya Jajahan itu pun tidak apa ubahnya dēngan dia. Akela ta'pērnah lupa akan gaya Pēsurohjaya Jajahan itu mēnonggeng mēnyorok kabawah pēntas kērana mēngējar sa-orang Anak Sērigala yang tēlah mērangkak ka-bawah pēntas itu.

Budak<sup>2</sup> itu tēlah lēbeh umor, itu-lah sēbab-nya, dan Akela pula lēmbut sadikit. Maka hasil daripada kējadian ini, budak<sup>2</sup> yang lēbeh umor itu pun di-hantarkan kapada Troop dan mēreka bēkērja dēngan baik, dan tidak bērapa lama baki Pack itu (yang sēkarang mēngandongi budak<sup>2</sup> muda sahaja sērta

Akela tambah bērakal) pun jadi-lah suatu pasokan yang bērdarjah tinggi dan bērkembangan hingga masa ini.

Daripada chontoh gērak gēri dan apa2 yang dibuat oleh Sērigala2 Tua banyak yang dapat di-jadi-kan sa-bagai alat untok mēngēkalkan kawalan dalam satu2 Pack. Budak2 kēchil mēmērhatikan sēgala gērak gēri Sērigala2 Tua, sēbab itu mēsti-lah Akela dan pēnolong2-nya mēnuruti sēgala undang2 yang di-harapkan budak2 itu mēnurut-nya. Sa-kira-nya Akela hēndak bērchakap dan mēnyuroh budak2 diam, barangkali kērana hēndak mēnērangkan sa-suatu pērmainan, maka pēnolong2-nya hēndak-lah juga diam, bagitu juga hēndak-lah Akela diam jika sa-sorang pēnolong-nya bērchakap. Bahkan jangan pērnah Sērigala2 Tua bērtēngkar sama sēndiri, atau mēyoal kētērangan2 sa-orang lain, atau pun pēchat mēmēchat di-hadapan budak2 itu. Sēmua Sērigala Tua mēsti-lah mērupakan sa-bagai satu pērikatan dan jangan sa-kali2 bērkata kapada, atau di-hadapan budak2, apa2 yang boleh mēnjadikan mēreka waswas tēntang kēbolchan kētua2-nya. Akela di-kēhēndaki mēnjadi sa-bagai suatu chontoh yang akan di-tiru, sa-kurang2-nya pada hari2 pērjumpaan; oleh itu jika budak2 mēmandang tuan sa-bagai pujaan-nya, maka bagi faedah mēreka itu, jangan-lah tunjokkan apa2 kēlēmahan tuan!

Daripada pērmainan2 bukan sadikit bantuan yang boleh di-dapati bagi mēngēkalkan kawalan. Hampir2 kēsēmua pērmainan itu ada bērkēhēndakkan budak2 itu mēmērentahkan diri sama ada di-otak atau di-anggota; maka banyak-lah faedah yang boleh di-dapati-nya daripada pērmainan2 ini jika di-chubanya bērsunggoh2 mēmērentahkan diri itu. Mithal-

nya pérmainan pasokan ada-lah pérmainan yang bēsar sa-kali pērtolongan-nya jika di-jaga bētul2 sēmua pēratoran-nya, umpama tēpat pērmulaan-nya dan elok pēnghabisan-nya dan tiada apa yang kēting-galan. Sēmua pērkara yang kēchil ini mēmbantu akan Anak Sērigala itu mēmpērchayaï diri-nya dan itu-lah sa-paroh daripada pērjuangan-nya. Oleh sēbab budak2 itu sa-bagai bēnda yang sēdang bērtumbuh, sangat banyak mēnyimpan tēnaga, yang sēlalu mēndatangkan kēsusahan kapada mēreka itu; maka Akela yang bērakal akan mēmbukakan bēberapa pintu untok tēnaga itu kēluar. Jadi bēri-lah budak2 itu pēluang bagi mēngēluarkan sa-bērapa banyak tēnaga-nya itu, dan jaga-lah biar tiap2 ranchangan mēngandongi banyak pērtukaran dan bērjēnis2 kērja sērta pēluang bagi mēngēluarkan tēnaga-nya yang bērlēbehan.

Sa-sunggoh-nya budak2 itu mēsti-lah sayang kapada Sērigala2 Tua-nya, atau sa-kurang2-nya mēnghormati akan mēreka itu, walau pun dēngan budak2 yang bērumor Anak Sērigala, mēreka itu adaloh sēmua-nya satu dan sa-jēnis. Oleh itu mari-lah kita tēgaskan lagi di-sini akan mustahak-nya tērtawa bērsama2 Anak2 Sērigala itu, kērana bila bērsuka2an bēramai2 itu tiada-lah chēlah akan bērlaku kēsusahan. Jadikan-lah sa-saorang budak tērtawa dan bērrasa sēronok bila bērsama2 dēngan tuan, maka ia kēlak mēngikut barang kamana tuan anjorkan.

Undang2 Anak Sērigala yang bērbunyi —  
“Anak Sērigala mēngikut kata Sērigala Tua. Anak Sērigala tidak mēngikut kata hati-nya sēndiri” itu sa-sunggoh-nya mēnjadi suatu asas yang ajaib bagi tēmpat mēndirikan kawalan yang baik; tētapi sa-sa-

orang itu mesti-lah lēbeh dahulu boleh mēngawal sa-dikit akan Pack-nya sa-bēlum ia mēnchuba mēng-ajarkan undang2 itu, kalau tidak, budak2 itu tidak akan mēndēngar-nya. Mesti-lah dapat mēnjadikan mēreka bērhadap bētul kapada tuan sa-bēlum mēmbēri kētērangan kapada-nya. Ta'elok jika pērgi ka-pērjumpaan Pack yang mula2 sa-kali dēngan bērapkan budak2 itu akan tērus mēnērima Undang2 itu dan langsung mēngamalkan-nya — mesti-lah tuan dapat mēmērentahkan mēreka lēbeh dahulu. Oleh itu jika di-pandang dari sēgi Akela, tidak-lah saya sifatkan mēngajar Undang2 itu mēnjadi kēwajipan *yang pērtama* dalam pērkara kawalan walau pun bila tuan tēlah mēndapat pēluang bagi mēngajarkan Undang2 dan mēnjadikan budak itu faham akan maana-nya; kēmudian kēlak tuan akan dapat jalan bagi budak itu mēnaroh kēpērchaayaan di-atas mustahak-nya taat kapada Sērigala Tua.

Maka kēsimpulan-nya ia-lah jikalau Akela mēndapati payah mēnjaga Pack hēndak-lah ia bērtanya kapada diri-nya sēndiri, "Apa agak-nya yang mēnyēbabkan kēsusahan itu?"

Ada-kah budak2 itu tēlah tua sangat?

Tidak-kah agak-nya ia sēndiri tēlah mēmbēri kapada mēreka chukup pērkara2 yang mēnarek hati?

Ada-kah mēreka bērtambah2 buas sēbab tidak mēndapat chukup pēluang bagi mēngēluarkan tē-naga-nya yang bērlēbehan itu?

Banyak sangat-kah pērentah2 yang di-bēri-nya, atau kētērangan2 yang di-bēri-nya tidak tērang dan tidak tēpat?

Ada-kah késēmua Sērigala Tua békérjasama sa-bagai satu tuboh?

Ada-kah ia ménjadikan budak2 itu gēmar ka-pada-nya atau pun ia mēngértak dēngan hukuman2 yang tidak upaya ia mēmbéri-nya?

Atau ada-kah ia mēradang? (Ini-lah pērkara yang ta'boleh sa-kali2 di-buat oleh Akela, dan itu-lah pula yang pērtama sa-kali mesti di-pēlajari oleh budak2 supaya jangan mēmbuat-nya).

Yang akhir sa-kali — jangan pērnah mēngata mana2 Anak Sērigala sa-orang budak nakal!

### BĒSAR PACK : PĒNOLONG2.

Maka sangat-lah mustahak bagi sa-saorang Akela yang baharu, mēnubohkan satu Pack yang kēchil sahaja, istimewa pula kalau ia-nya bēlum banyak pēngalaman bērkēnaan dēngan mēngawal budak2. Untok bēbērapa minggu yang awal, tērutama-lah bagi-nya mēmadakan bilangan budak2 itu had dua bēlas orang sahaja. Ini-lah bilangan yang mēnasabah yang dapat di-kawal dēngan kēmas dan ada pēluang bagi mēngambil tahu hal budak itu sa-orang sa-orang. Sa-patut-nya Akela dapat ménjadikan budak2 ini mēmulakan kērja-nya dēngan baik supaya apakala bērtambah bilangan budak2 yang masok maka mēreka akan mēmasoki satu Pack yang sēdang; bērjalan dēngan giat dalam suasana yang elok dan tinggi darjah-nya.

Budak2 yang di-bawah unmor lapan tahun jangan-lah di-tērima masok — walau bagaimana pun bērat-nya mēreka mēringit mēminta, tidak-lah bijak kalau di-tērima — mēreka itu tidak chukup tua untok mēmahamkan maana Undang2 dan Pērsētia-

an: jauh lēbeh baik biarkan mēreka mēnanti sa-hingga otak-nya sēdia untok mēnērima. Tētapi sa-baleknya pula jangan-lah di-ambil budak2 yang bērumor sa-bēlas tahun: Mērbahaya-nya sudah di-sēbutkan dahulu. Budak yang bērumor sa-bēlas tahun itu sudah lēpas tempoh Latehan Anak Sērigala bagi-nya; yang layak untok-nya ia-lah Latehan Pēngakap. Umor2 yang baik sa-kali untok mēmulakan satu Pack ia-lah dēlapan, sēmbilan dan sa-orang bērdua yang bērumor sa-puloh jika mēreka baharu sahaja masok ka-umor itu.

Sa-suatu Pack yang baharu, walau bagaimana kēchil sa-kali pun ada-lah bērkēhēndakkan sa-orang Pēnclong sama saperti Akela juga. Sangat mustahak mēmulakan-nya dēngan sēmpurna dari awal lagi. Budak2 itu mēsti-lah di-sēngajakan supaya mēreka bērgēmbira masa pērjumpaan yang pērtama — di-



kēhēndaki biar-lah mēreka bērkata "Chukup sēronok", kēmudian pada hari Sabtu datang Akela boleh-lah mēmbawa mēreka pērgi bērkelah atau pun mēmbuat satu dua jēnis pērmainan. Budak2 kēchil lēkas lupa dan masa satu minggu itu rasa-nya sangat lama bagi mēreka yang bērumor sēmbilan tahun. Masa bērkelah ini kalau mēreka mēmbawa kēledek atau ubi kayu dan di-bakar dalam bara (yang di-pasang oleh Akela atau Baloo), maka kēsēronokan mēreka akan tiba ka-punchak-nya!

Jadi-nya mulakan-lah dēngan kēchil Akela, mulakan dēngan budak2 muda, dan hēndak-lah sēmuu kērja bērjalan dēngan bētul dari pērkataan "mula".

Tiap2 sa-orang Akela jika dapat, hēndak-lah mēmpunyaï sa-kurang2-nya sa-orang Pēnolong yang bērtanggong jawab, biasa-nya pēnolong ini di-gēlarkan Baloo atau Bagheera atau salah satu daripada nama2 'Hutan yang lain. Sa-kira-nya Akela sa-orang pērēmpuan maka elok bēnar-lah ia mēmpunyaï Pēnolong laki2 (atau pun akas-nya) kērana dalam ranchangan Anak Sērigala itu banyak kērja2 yang hēndak di-tunjokkan dēngan pērbuatan dan lēbeh mēnasabah di-buat oleh sa-orang laki2. Mithal-nya lompat katak dan tunggang buyong.

Sēlalu juga di-buat, sa-orang Pēngakap dari Troop bēkērja sa-bagai Pēnolong, maka pērhubongan Troop dēngan Pack ini ada-lah suatu pērkara yang di-puji. Jikalau Pēngakap itu tidak mēndapat chukup masa untok datang tētap ka-pērjumpaan2 Pack, barangkali ia boleh di-jadikan Pēlateh Anak Sērigala ia-itu suatu jawatan yang sangat bēsar faedah-nya bagi Pack itu. Ia boleh di-bēri tanggong

jawab dalam sa-tengah2 latehan yang tertentu saperti kérja2 yang bersangkut dengan bintang2 kbolehan dalam sa-bahagian daripada kérja Pack itu, umpama sémboyan semaphore, simpulan2 atau lain2 kérja yang lēbeh ranchak yang telah disebutkan di atas itu.

Guna-nya sa-saorang Pēlateh Anak Sērigala itu, lain daripada kérja-nya ménjadi pēlateh, ia-lah yang dia itu sa-orang budak juga, jadi lēbeh hampir-lah dengan budak2 daripada jika ia sa-orang tua. Ia boleh mengérahkan mereka berbaris dalam pérmainan jika mereka lecheh, atau pun méréntikan mereka daripada menggélindang sa-bélum jadi mēlarat. Ia boleh di-béri tanggong jawab atas kérja2 yang tertentu saperti mémérhatikan kékemasan Bilek (Den) lepas pérjumpaan, dan ménjadikan diri-nya bërguna dalam bëberapa pérkara yang lain lagi. Jikalau ia-nya jénis Pēlateh yang bétul maka sangat-lah tinggi nilaiian harga-nya.

Yang sa-baik2-nya dalam satu Pack, ta'kira bërapa besar-nya, hëndak-lah ada sa-kurang2-nya dua orang Sērigala Tua ia-itu Akela dan Baloo, dan sa-orang Pēlateh Anak Sērigala. Jika dapat bagitu, boleh-lah kedua2 Sērigala Tua itu orang pérémpuan.

Bërkénaan dengan "mënggunakan" (jika pérkataan "mënggunakan" hëndak di-pakai) Pēnolong2 hëndak-lah Akela bijak dan pakai akal. Kalau sa-saorang Pēnolong itu di-kéhëndaki hanya hadzir lepas satu pérjumpaan satu pérjumpaan pula dengan tiada membéri apa2 kérja, maka ta'lama kélak ia akan jadi jemu dan memang akan jadi bagitu. Jika ada bërlaku persélisehan di-antara Akela dengan Pēnolong2-nya lazim-nya ia-lah disebabkan oleh

Akela tidak mahu menggunakan fikiran atau chadangan Sērigala2 Tua-nya masa menyusunkan ranchangan, dan tidak pula bertanyakan nasihat mereka itu dalam pērkara mēnjalankan Pack. Maka hēndak-lah di-jadikan Pēnolong2 itu mērasa bahawa mereka adalah sa-bahagian yang tērtētu dalam kērja Pack itu; mereka patut ada bērtānggong jawab dan bēri pēluang untok mēnggunakan fikiran-nya — tētapi tēntu-lah sēntiasa dēngan pērsatujuan Akela.

Ranchangan2 sa-patut-nya di-lagang lēbeh dahulu, hēndak-lah di-susunkan dēngan bantuan Sērigala2 Tua itu. Hēndak-lah di-tēntukan yang tuan sēndiri ada mēngambil bahagian bila salah sa-orang daripada-nya mēngambil giliran mēmēgang Pack, mithal-nya dalam pērmainan atau kērja2 bintang atau pun bērchērita. Pērhatikan-lah tiap2 sa-orang Pēnolong itu dalam pērkara apa yang ia baik sa-kali, maka jadikan-lah pērkara itu kērja-nya yang khas. Pērkara itu boleh jadi Kērja Tangan atau Mērmērhati Kējadian atau pun Bunyi2an, maka sērah-kan-lah kapada-nya supaya ia mērasa yang ia ada mēngambil bahagian dalam kērja2 Pack itu. Tanya akan fikiran-nya dan gunakan fikiran itu bila2 yang boleh sērta kaji-lah baik2 akan hal Pēnolong2 itu. Ada-lah sama mustahak-nya bagi Akela mēngētahuī hal Pēnolong2-nya dēngan mēngētahuī hal tiap2 sa-orang Anak Sērigala.

Kadang2 sa-saorang Guru Anak Sērigala bērasa takut barangkali kuasa-nya akan hilang jika ia mēmbiarkan Pēnolong-nya mēnjalankan sa-suatu pērmainan, atau mēngambil bahagian yang ranchak dalam pērjumpaan2. Pērasaan yang dēmikian itu karut sa-

mata2. Akela tētap Akela; pangkat-nya mēnjadikan ia dudok di atas, dan jikalau dēngan sēbab Pēnolong-nya mēnjalankan satu pērmainan, ia tidak di-hormati lagi oleh Anak2 Sērigala-nya maka nyata-lah ia ta' layak jadi Akela. Dugaan yang sa-bēnar-nya bagi mēnēntukan bagus-nya pējalanan sa-suatu Pack itu ia-lah bila2 Akela ta' ada bersama2, ada-kah Pack itu dapat mēnēruskan kērja dēngan tiada sa-barang halangan.

Tēlah di-sēbutkan juga bahawa mēngelokkan kawalan hēndak-lah sēmua Sērigala Tua bersesuaian mēnjadi saperti satu tuboh. Mēsti-lah mēreka bērsabar di-hadapan budak2 dan chuba galak mēnggalakan sama sēndiri pada sa-panjang masa. Jangan-lah Akela mēnggangguï bila2 sudah di-sērahkan Pack kapada sa-orang Pēnolong-nya, mēlainkan kalau ada apa2 chachatan hēndak-lah di-buat kēmudian dēngan sulit, dan boleh-lah di-tunjokkan apa sēbab-nya jadi salah sērta bagaimana chara yang lēbeh baik.

Oleh itu gunakan-lah Pēnolong2 tuan; lagang ranchangan2 bersama mēreka itu dan bēri sadikit tanggong jawab kapada mēreka itu dalam Pack atau pun sa-kali sa-kala bēri mēreka kuasa pēnōh untok mēnjalankan satu2 pērjumpaan.

### MĒLAWAT IBU BAPA.

Bagi kēbanyakkan Akela yang baharu, pērgi mēlawat ibu bapa Anak2 Sērigala itu ada-lah suatu kērja yang bērat lagi mulia kērana bukan-nya mudah hēndak bērhubong dēngan orang2 yang bēlum dikēnali, hēndak mēmpērkēnalkan diri, dan kēmudian-nya bērbual2 pula dēngan mēreka itu. Akan tētapi kērja ini mēsti-lah di-buat untok kēbajikan Pack itu,

jadi-nya tētapkan-lah hati tuan bagi mēnjalankan-nya dēngan sēgēra, dan tuan kēlak akan bērasa hairan kērana dalam tidak bērapa lama tuan akan mēnjadi bijak dalam pērkara itu. Sa-tēngah daripada Anak2 Sērigala itu rumah-nya, kalau tidak bērsabēlahan, ada-lah bērhampiran di-antara satu dēngan lain, jadi dalam sa-hari dapat-lah tuan bērjumpa bēberapa orang ibu bapa. Masa pērgi itu hēndak-lah bērsedia dēngan sēgala kēbijaksanaan yang ada pada tuan dan bērsiap-lah akan mēminum teh atau kopi yang bēr-macham2 gaya banchoh-nya yang di-hidangkan kapada tuan! Kēputusan-nya tuan akan mēndapati bērbual2 itu tidak menyusahkan kērana ibu bapa itu sangat bērsukachita bila mēnhakapkan hal anak2-nya. Kadang2 tuan akan bērkata "ia" atau "tidak" dan kadang2 dēngan anggok atau pun sēnyum, akhirnya banyak-lah dapat tuan kētahuī akan hal budak itu yang sangat bēsar guna-nya kapada tuan. Rumah2- mēreka itu sangat bērbedza di-antara satu dēngan lain, sama ada tēntang alatan-nya atau suasana di-kēliling-nya, dan itu-lah yang boleh mēnērangkan mēngapa sa-paroh budak itu mudah bērchampor gaul daripada yang lain. Tuan akan mēngerti mēngapa sa-tēngah-nya bērkēhēndakkan banyak pērtolongan daripada tuan dan bētapa mēndalam-nya kēbaikan dan kēpērchayaan tuan di-rasa oleh budak itu.

Lain daripada hēndak mēngētahuī dēngan tērang akan hal budak2 itu, dapat pula tuan mēmbēri tahu ibu bapa itu apa-kah kērja2 Latehan Anak Sērigala. Barangkali Anak Sērigala itu masa balek ka-rumah tēlah bērchērita ēntah apa2 bērkēnaan dēngan yang tuan sēbutkan kapada mēreka masa pērjumpaan Pack, sa-bagai yang sēlalu di-buat oleh budak2 kēchil. Ada

sa-kali, sa-orang ibu yang anak-nya akan di-lantek, tēlah bērtanya, "Si-Awang bērkata yang ia akan di-lēntek, apa-kah ērti-nya itu? Sakit-kah kēna lēntek itu?"

Tuan akan mēndapati bila ibu bapa itu tēlah faham apa yang di-katakan Anak Sērigala, mēreka sangat suka hēndak mēmbantu dēngan apa2 jalan yang tērdaya oleh mēreka, sēbab itu gunakan-lah mēreka itu sa-bērapsa banyak yang boleh. Kēmudian kēlak, bila2 tuan mēngadakan kēramaian, dapat-lah tuan mēminta ibu2 itu mēmbuat kueh, dan tuan akan tērchēngang mēlihat bagaimana mēreka bērsusah payah dan bērjēnis2 kueh yang di-buat-nya! Mēreka jadi orang2 yang bērdudi dan suka di-minta apa2 pērtolongan daripada-nya.

Dalam lawatan tuan yang pērtama boleh tuan tērangkan fasal pakaian-sama (Uniform) — bērapsa harga-nya, bērapsa yang di-harapkan daripada mēreka itu, dan buat atoran mēngansor-nya minggu2 atau bulan2 jika Pack tuan itu miskin. Tuan boleh mē-nērangkan tuan akan mēmēreksa Anak2 Sērigala bagi mēlihat ada-kah mēreka itu datang dēngan kēadaan bērseh dan kēmas, dan ada-kah mēreka mēmbērseh-kan gigi dll. Jikalau tuan dapat mēnjadikan ibu bapa itu bēkērja bagi pērkara2 ini di-rumah-nya, maka ada-lah ia-itu suatu pērtolongan yang amat bēsar di-tēmpat pērjumpaan tuan.

Pēnyudah-nya, Akela akan mēndapati bahawa ia tēlah mēndapat bēbērapsa orang kawan baharu bila ia tēlah kēnal akan ibu bapa itu dan sēdar-lah ia bētapa elok-nya pēnchubaan-nya yang awal itu.

## PĒRMAINAN<sup>2</sup>

Hēndak-lah sēlalu di-ingat bahawa Anak Sērigala itu ia-lah sa-orang budak kēchil, maseh mēnjadi abdi kapada kēmahuan atau kēbēnchian-nya, bēlum lagi tahu mēmikirkan orang2 tētangga-nya, ada pērasaan tamā', dan amat sadikit bērpērasaan tanggong jawab. Maka sēmua-nya ini ada-lah tanda2 yang bērseh mē-nunjokkan ia-nya suatu kējadian yang biasa dan ada harapan kita akan dapat kējayaan mēnjalankan kērja2 kita di atas-nya. Jalan yang sa-habis2 bērguna untuk mēnchapai kējayaan ini ia-lah dēngan bērjēnis2 pērmainan yang dapat di-adakan: pērmainan bising, pērmainan sēnyap, pērmainan pasokan, pērmainan2 kērja bintang, dan pērmainan2 yang mēnggunakan kēpandaian. Pērmainan2 ini ia-lah sa-bagai gula yang mēnyaluti quinine biji, kērana budak itu banyak dapat bēlajar dan di-lateh dēngan tidak di-sēdari, pada hal dalam masa itu juga ia mērasa sēronok yang tidak bērkēputusan. Maka makin lēbeh ia mērasa sēronok sa-makin-lah bērtambah2 gēmar-nya, dan makin bērtambah gēmar-nya sa-makin banyak-lah yang boleh di-ingat sērta masok ka-dalam otak-nya. Akan tētapi bukan-lah maana-nya yang ia mēsti bērmain sahaja. Ia mēsti bēkērja juga sadikit2, tētapi pērmainan ada-lah satu kēwajipan yang bēsar dalam pēnghidupan sa-orang budak kēchil. Kēbaikan yang di-dapati daripada pērmainan2 dalam Pack itu tidak dapat di-nilai — itu-lah chara yang sa-elok2-nya bagi latehan akhlak.

### 1. PĒRMAINAN<sup>2</sup> PASOKAN.

Dalam pērmainan ini budak itu bēlajar bērmain bukan untuk diri-nya sa-orang sahaja tētapi ia-lah untuk pasokan-nya. Ia-nya tidak bērsaorangan lagi,

m lainkan sa-orang daripada satu kumpulan; dalam pada itu bahagian kecil yang di-ambil-nya itu amat-lah mustahak, jadi k na-lah ia m mbuat sa-habis baik. Ia s ndiri tidak akan m n rima k m nangan d ngan p nhubaan-nya, m lainkan kalau m nang, pasokannya-lah yang m n rima k m nangan itu, dan itu-lah yang m sti di-jadikan tujuan-nya. D ngan jalan ini ia b lajar tidak tama', ia b rmain k rana faedah satu pasokan dan tidak m mikirkan diri-nya s ndiri sahaja.

## 2. P RMAINAN<sup>2</sup> BISING.

Ini j nis p rmainan ranchak dan di-gunakan untok m ng luarkan wap dan t naga yang b rl beh-an yang nampak-nya sudah tersimpan banyak sangat. Di-sini Anak S rigala itu boleh b rk jar2an dan k tawa s rta bersuara kuat. Biarkan-lah ia m mbuat bising sa-b rpa kuat yang di-k h ndaki-nya d ngan sharat ia akan s nyap sa-mula bila di-k h ndaki. Bising itu mustahak bagi sa-saorang budak; bersukaria itu ia-lah sa-bahagian daripada p nghidupan budak2 yang b lum bertanggong jawab. Makin banyak ia k tawa sa-makin-lah baik-nya, s bab itu biarkan-lah ia t rlompat!

## 3. P RMAINAN S NYAP.

P rmainan<sup>2</sup> ini lain j nis-nya. Ia m n rbitkan kuasa m m rentahkan diri. M m rentahkan tuboh yang k adaan-nya ta't ntu arah dan harus m nimbul-kan bising pada waktu yang tidak m nasabah. Memang susah bagi sa-saorang budak kecil akan dudok diam b rlama2an, t tapi elok bagi-nya m n-chuba, dan makin ch pat ia dapat m m rentahkan diri-nya sa-makin-lah baik bagi-nya k rana dalam

masa itu juga dapat ia mémérentahkan fikiran-nya. Mémérentahkan diri itu ia-lah satu kurniaan kapada kita, maka bētapa-kah bēsar kērja yang dapat kita buat kalau banyak orang yang boleh mémérentahkan diri-nya!

#### 4. PĚRMAINAN2 LATEHAN PANCHAINDĚRA.

Pěrmainan2 ini pun biasa-nya jénis sěnyap juga yang di-kēhēndaki Anak Sērigala itu měndēngar baik2 dan dudok bērdiam diri, atau pun ia kēna měnggunakan jari, tidak mata-nya. Kita měmpunyaï lima pancha-indéra, maka měngapa-kah tidak kita měnambahkan tajam kēgunaan-nya masing2 sa-hingga kapada had yang sa-habis2 tinggi? Kita ta' tahu bila-kah kētika-nya satu dri pada pancha-indéra itu akan rosak; dan pada masa itu makin bērtambah2-lah bēsar guna-nya yang lain2 itu.

Orang2 Red Indian ia-lah satu chontoh bangsa yang pěnghidupan-nya sangat2 bērganteng kapada kēbolehan měreka mělateh dan měnggunakan pancha-indéra-nya. Pěrmainan2 yang měnimbulkan darjah pancha-indéra sa-bagai orang2 Red Indian, pěmburu, dan pěněroka akan měnggěmarkan Anak2 Sērigala děngan sharat pěrmainan2 yang děmikian itu di-sulam děngan kērja2 yang ranchak.

#### 5. PĚRMAINAN2 MATI.

Ada sadikit waswas těntang kēelokan pěrmainan jénis ini kērana dalam-nya měnghēndaki banyak mati (kēluar dari pěrmainan) yang měnyēbabkan ramai Anak2 Sērigala itu bērkumpul di-sana sini děngan tiada apa2 kērja. Sa-balek-nya pula měreka itu ia-

lah bērpērasaan hēndak bērlawan<sup>2</sup> dan pērlawanan itu ada juga faedah-nya kapada mēreka itu. Sa-suatu pērmainan yang boleh mēnjadikan banyak di-kira mati sa-kali gus, dan chēpat habis-nya, boleh-lah di-ulang<sup>2</sup> dēngan harapan supaya siapa<sup>2</sup> yang mēnang mula<sup>2</sup> itu akan chēpat di-matikan dan orang lain pula mēnang. Jikalau budak itu juga yang sēlalu mēnang, pada hal pērmainan itu bagus, maka boleh-lah di-surohkan ia mēmērhatikan sahaja atau pun mē-nolong pēngadil dalam giliran yang kedua supaya mēmbēri pēluang mēnang kapada orang lain pula.

Bahaya-nya dalam pērmainan yang bagini ia-lah budak<sup>2</sup> yang di-kira mati itu akan "mēnggēlinjang" atau mēmbuat bising yang mērosakkan pērmainan itu atau pun mēnjadikan budak<sup>2</sup> lain bērpērasaan biar lēkas mati supaya dapat bērchampor dēngan mēreka itu! Saya sēndiri bērpēndapat bahawa bahaya ini tidak akan timbul. Kalau Akela bērakal ia akan mēnēntukan mana<sup>2</sup> budak yang di-kira mati dudok pada satu tēmpat, dan suroh mēreka mēmērhatikan pērmainan itu bērjalan sērta mēmbēri sorak kējayaan kapada yang mēnang. Jangan pērnah mēmbiarkan budak<sup>2</sup> yang di-kira mati mēnggēlinjang ka-sana ka-mari mēnjadikan kachau bilau. Di-sini-lah sa-orang Sērigala Tua yang kedua dalam Pack itu boleh jadi bērguna dēngan chontoh diri-nya sēndiri, ia-itu ia dudok dan mēnērangkan bērkēnaan dēngan pērmainan itu atau pun mēmbēri sorak pēransang bila<sup>2</sup> mē-nasabah, maka tēntu-lah Anak<sup>2</sup> Sērigala itu pun akan bērbuat dēmikian. Ini ada-lah latehan yang baik sa-kali bagi Anak<sup>2</sup> Sērigala itu, tētapi jangan-lah pula sēlalu<sup>2</sup> sangat di-buat bagitu kērana lazim-nya budak<sup>2</sup> itu juga yang mula<sup>2</sup> mati.

## 6. PĚRMAINAN2 KĚRJA-BINTANG.

Pěrmainan2 ini mustahak bagi Anak Sěrigala kěrana sěkarang ia mělakukan děngan pěrbuatan apa2 yang di-pělajari-nya dahulu. Yang sa-běnar-nya ia tidak akan sělalu kěna měnghantar khabar děngan sěmboyan semaphore masa di-luar, dan orang2 ramai tidak akan měngambil tahu sama ada ia boleh měmbuat simpulan tindeh kaseh atau tahu-kah ia akan maana bulan bintang pada běndera Persékutuan Tanah Mělayu. Kita měngajar akan dia pěrkara2 ini bukan měngutamakan guna-nya tiap2 satu itu mělainkan ia-lah kěrana hěndak měluaskan pěrasaan měngambil tahu dan biar ia sědar yang ia ada bělajar pěrkara2 yang dapat di-gunakan pada bila2 masa di-kěhendaki. Ia mula měrasa yang ia boleh di-harap dan běrguna, dan děngan yang děmikian měnjadikan ia pěrchaya kapada diri-nya sěndiri.

Pěrmainan2 ini měngandongi bětul2 běrlateh dalam kěrja2 bintang dan měnjadi ujian yang těrus měněrus untok měmasokkan dan měngingati pěngě-tahuan-nya. Ia městi měněruskan pěnchubaan-nya supaya ingat dan pěnchubaan itu sahaja pun sudah sangat běsar guna-nya.

### PĚTUA2 AM MĚMAINKAN PĚRMAINAN2

Yang pěrtama dan aula sa-kali hěndak-lah ditentukan yang tuan sěndiri tahu akan pěrmainan yang hěndak di-suroh mainkan dan tuan faham baik2 akan atoran2-nya. Ta' běrapa běrguna kalau sěmua Anak Sěrigala tělah měmulakan běrasa chěmas2, tiba2 tuan běrkata, "Oh silap, bukan bagitu", dan tuan suroh buat balek. Yang děmikian itu tidak di-sukaï oleh budak2. Kadang2 ada juga wajib-nya di-pinda

sadikit satu2 pérmainan itu bila tuan tēlah mēlihat gaya-nya masa bērlateh; pindaan bagini boleh-lah dibuat.

Pada mula2-nya pérmainan2 itu buat-lah yang sēnang2 dan rengkas2 sahaja, yaani bagi satu Pack baharu pileh-lah pérmainan yang mudah dan dapat di-pēlajari oleh Anak2 Sērigala itu sērta di-mainkan-nya dēngan bētul. Pérmainan2 yang di-buat di-sékolah hēndak-lah di-tinggalkan kērana mēreka masok mēnjadi Anak Sērigala ia-lah hēndak mēmpē-lajari pérkara baharu dan bērlainan daripada pēlajaran sékolah, dan hēndak-lah di-ingat bahawa nama2 pérmainan itu pun bērmacham2 pulā. Sa-kira-nya tuan dapat mēmasokkan ka-dalam nama pérmainan itu pērkataan2 yang bunyi-nya sa-akan2 bērpērang atau sa-barang yang bērsangkut dēngan hal pēngēm-baraan, maka ērti-nya itu tuan tēlah mēmēnangi sa-paroh daripada pērjuangan tuan sa-bēlum mēmulakan pérmainan itu.

Satu pérkara lagi yang sangat mustahak ia-lah di-kēhēndaki chukup adil dalam sa-barang pérmainan dan mēmaksa supaya sa-sama Anak Sērigala itu bērhati jujor. Budak2 sangat chēpat dapat tahu kalau tuan mēringangkan pérkara itu dan tuan akan gagal dalam pēngētahuan budak2 itu jika tuan chuba mēnipu walau bagaimana kēchil-nya sa-kali pun. Ērti-nya hēndak-lah tuan sēntiasa bērjaga2 dan pērhatikan apa yang bērlaku sa-panjang masa pérmainan itu. Jangan biarkan sahaja sa-barang pēr-chubaan hēndak mēnipu, dan jikalau tuan tēlah mēmbuat satu2 pēratoran hēndak-lah tuan tērikat oleh-nya. Jangan bēnarkan sa-saorang Anak Sērigala

bērtēlagah dēngan tuan bērtanyakan sama ada ia mati atau tidak — ta'boleh sa-kali2 bērtēlagah dēngan pēngadil!

Dalam masa mēnjaga sēgala atoran pērmainan itu hēndak-lah pula mēmbēri sa-bērapa banyak bantuan kepada budak2 itu. Mithal-nya, dalam pērmainan pasokan hēndak-lah ada tanda mula yang tērtēntu, garisan di-atas tanah pun pada-lah, bagi tēmpat tiap2 Anak Sērigala itu bērgilir2 mēlētakkan hu-jong jari kaki-nya, dan pērhatikan yang jari-nya tidak mēlampaui garisan itu. Dalam lari bērganti2 kalau satu pasokan mēnang, pada hal dalam-nya ada sa-orang yang lari tēdahulu (yaani kawan-nya bēlum tiba lagi) maka hēndak-lah pasokan itu di-kira batal dēngan diam2 sērta jangan bērganjak dari kēputusan yang di-bēri itu, dan pasokan yang dapat nombor dua di-kira mēnang. Kalau tuan suka, tērangkanlah kapada budak2 itu sa-chara bērjēnaka ia-itu jika mēreka mūlakan dari tengah antara tanda mula dan tanda pēnghabisan tēntu mēnang; katakan juga sēmua kita boleh bērmain bagitu, tētapi ia-lah pērmainan jēnis yang lain. Maka mēreka akan mēngerti apa sēbab-nya dan harus dēngan sēbab kēna kira batal yang sa-kali itu mēreka akan ingat baik2. Yang mēnjadikan mēreka hēndak mēnipu itu ia-lah kērana kēazaman dan kēmahuan hati yang bērsunggoh2 — bukan-lah tipu yang sa-bēnar-nya, jadi di-kēhēndaki ingatkan sahaja-lah mēreka itu sa-kali2.

Dalam pērmainan pasokan sēlalu bēri kēlēbehan kapada pasokan yang baik sa-kali pēnghabisan-nya yaani barisan-nya chukup lurus masa habis itu. Ta' lama kēlak pērkataan "Barisan lurus mēnang" akan

jadi chogan-kata Pack itu, dan ia itu akan mēnim-bulkan kēchērgasan dan mēnjadikan budak2 itu sēlalu sēdia.

Masa mēnērangkan satu2 pērmainan, paksa-lah supaya sēmua-nya diam bētul, jangan ada apa2 pērtanyaan hingga habis kētērangan tuan. Elok kalau masa tuan bērchakap itu Anak2 Sērigala sēmua-nya di-surohkan dudok kērana mēreka dapat mēndēngar lēbeh baik jika mēreka dudok. Kētērangan2 itu hēndak-lah rengkas dan mudah, dan pada mula-nya jangan bēri banyak sangat atoran2 atau undang2 pērmainan itu kērana biasa-nya budak2 itu ingin hēndak lēkas bērmain, jadi ta'dapat mēreka mēnērima kētērangan2 yang bērbēlit2. Elok juga kalau satu2 pērmainan yang payah, di-chuba dahulu mēnjalankan-nya bērsama2 budak2 itu, jadi apa2 kēpayahan dan mana2 yang tērsangkut dapat di-bētulkan; dan jangan-lah takut mēmbuat pērtunjokan dalam satu2 bahagian pērmainan itu jika tuan fikirkan boleh mēnjadi pērtolongan, kērana budak2 gēmar akan pērtunjokan itu dan mēreka akan jadi lēbeh bērkēmahuan bila tēlah mēlihat bagaimana gaya hēndak mēmbuatnya.

Tēlah di-sēbutkan dahulu bahwa dalam pērmainan bising patut-lah Anak2 Sērigala itu mēmbuat sa-bērapa bising yang di-kēhēndaki-nya, baik kētawa atau bērsorak atau pun mēmēkek mēmbēransangkan kawan. Masa itu jangan pērnah tuan mēnyēbut "sh" hēndak mēnyuroh mēreka diam, tētapi bila mēreka tēlah bērmain dan tēlah mēmbuat bising hēndak-lah di-tēntukan yang tuan boleh mēmērentahkan mēreka supaya diam bila2 sahaja tuan kēhēndaki. Saya pērnah mēlihat Pēsurohjaya2 Jajahan masa mēlawat pērjalanan sa-suatu Pack tēlah mēmbuat suatu pē-

mainan yang ménjadikan tersangat hingar bangar sebagai kēbakaran yang besar sedang bērlaku, kemudian ia keluar dari pérmainan itu méniggalkan Akela hēndak mēngētahuï dapat-kah ia ménjadikan Pack itu tēntēram sa-mula! Saya rasa tēntu-lah pérkara ini ménjadikan suatu dugaan yang besar di-atas Guru Anak Sērigala yang sedang bērasa chuak itu, tētapi dari situ dapat-lah Pēsurohjaya Jajahan tadi mēnyukat sama ada Pack itu bērjalan mēngikut lorong yang bētul atau tidak tersusun. Akan tētapi sa-bagai dalam pérmainan bising kita mēndapat banyak bising maka bagitu pula-lah kita bērkēhēndakkan diam dalam pérmainan sēnyap. Sa-saorang Anak Sērigala kadang2 akan mērasa sēronok jika ia bērsuara atau mēmbuat bising ta'tēntu hala masa orang2 lain bērdiam diri. Maka hēndak-lah di-diamkan dia dēngan kēras; ia sa-mata2 mēmbuat kachau dan bērfikiran salah.

Ada juga masa-nya bērlaku sa-saorang budak ta'mahu bērchampor dalam pérmainan2. Boleh jadi kērana ia baharu, atau kērana ia mēnghēndaki dipanggil atau pun kērana ia tidak chukup sihat. Jikalau ada sa-suatu sēbab yang ménjadikan sa-orang budak "tidak upaya" mēnchampori sa-suatu pérmainan kasar, maka bēri-lah sa-barang kēra yang lain umpama mēngira mata supaya jangan tērasa sangat yang ia tērkēluar daripada pérmainan itu, dan lihatlah ranchangan tuan supaya tērmasok dalam-nya jēnis2 pérmainan yang boleh di-champori oleh budak itu. Sa-orang budak yang pēmalu akan chēpat hilang rasa pēmalu-nya itu kalau tuan bēri ia ménjaga sa-orang Anak Sērigala lain; suroh ia ménjaga budak baharu itu hingga ia biasa dēngan kēra itu — budak2

yang lain akan faham pērkara ini, sa-kadarkan hēndak-lah tuan pērhatikan supaya mēreka jangan mēnsifatkan kawan-nya itu sa-orang liar atau lēmbek. Hēndak-lah di-turut kaedah yang mēngatakan "Ka-dang2 kita kēna mēnjadi orang baharu, tētapi ta'lama hilang-lah baharu itu." Maka budak2 jēnis yang sa-mata2 kērana bodoh atau bērkēhēndakkan di-pujok, payah-lah sadikit di-buatkan-nya. Sēmua kita manusia ini ada bērkēhēndakkan biar kita di-ambil tahu atau di-ambil bērat oleh orang lain kērana ia itu mēnjadi sa-bagai penggalak. Kita gēmar biar kita nampak pada orang dan di-kata kita bagus. Jadi budak yang kita sēbutkan ini barangkali datang-nya dari-pada satu kēluarga yang ramai adek bēradek-nya dan ia tiada pandai dalam apa2 pun; ia tiada mēmpunyaī apa2 kēlēbehan, jadi tidak-lah bērapa di-bērati. Tēntu-lah ia dahaga akan pujokan, dan jalan yang ia akan dapat pujokan ini hanya-lah dēngan mēnarek diri dari yang lain2. Oleh itu mēsti-lah kita faham akan pērkara ini, bawa ia bērchampor, dan barangkali jadikan ia "pēngējar". Bēri-lah pujokan yang di-kēhēndaki-nya, tētapi hēndak-lah mēngikut chara yang bētul. Bēri akan dia kērja bila2 yang boleh dan puji di-mana2 yang patut.

Bagi pēnutup-nya, biar-lah pērmainan2 tuan itu bērmacham2 jēnis-nya lagi pun sēronok mēmainkan-nya, dan yang tērutama sa-kali hēndak-lah tērator dēngan baik. Bērjaya atau gagal-nya tuan sa-bagai sa-orang Guru Anak Sērigala ada-lah tērlētak di-atas gaya tuan mēnjalankan pērmainan2.

## BUDAK YANG MĒNYUSAHKAN

Guru Anak Sērigala sēlalu mēndapati ada sa-orang budak yang chukup mēnyusahkan, dan ia bē-

fikir, "Alang-kah sēnang-nya aku mēnjalankan Pack ini kalau tiada Si-Anu itu." Tētapi jangan-lah biarkan budak itu mēnjatohkan tuan dan jangan pula bērputus asa sa-bēlum bēkērja dēngan kēras untok mēmbaiki-nya. Sēlalu pula budak2 yang "mēnyusahkan" ini bērasal dari bahan2 yang tērbaik, sakadarkan malang-nya tēlah bērlaku salah asohan pada suatu tēmpat lalu mēnjadikan mēreka sa-bagai kēadaan-nya sēkarang.

Yang pērtama sa-kali hēndak mēnēntukan kēadaan budak yang jadi masaalah tuan itu ia-lah mēngētahuī bagaimana kēadaan kēluarga di-rumah-nya. Di-situ-lah biasa-nya dapat tuan mēnēruskan pēnyiasatan. Barangkali Ēmak dēngan Bapa-nya bērsēliseh yang mēnjadikan suasana di-rumah itu kuchar kachir. Barangkali juga ia-nya sa-orang anak yang tidak dikēhēndaki dan ia sēdar akan pērkara itu. Boleh jadi ia ada mēmpunyai adek atau kakak yang sangat dimanjakan sērta mēnērima sēgala kaseh sayang ibu bapa-nya, dan ia sēndiri tērbiar bērkēhēndakkan kaseh sayang dan pujokan. Yang bagini memang sēlalu bērlaku. Atau pun barangkali ia-nya sa-orang yang bērakhhlak kuat dan bērpērasaan tidak mahu bērcham-por dēngan orang lain.

Tiap2 sēmbilan daripada sa-puloh orang budak2 yang mēnyusahkan ini ia-lah di-sēbabkan oleh bērkēhēndakkan supaya ia di-ambil tahu atau di-ambil bērat. Ia tidak di-ambil bērat kērana ia-nya tidak tērkēnal kēbagusan-nya dalam apa2 pērkara, jadi yang sēnang bagi-nya supaya di-ambil tahu ia-lah tērkēnal kēburokan-nya. Maka pērbuatan yang bagini tērjumlah kapada rēndah pērasaan, jadi mēstilah kita bērbuat sa-dapat2-nya mēmbaiki akan dia,

mēnjadikan dia bērpērasaan yang ia sa-orang yang bagus bētul. Boleh kita bagi akan dia sadikit kērja dan tanggong jawab, chari apa2 yang tērsēmbunyi dalam hati-nya supaya kita dapat tahu; bērchakap2-lah dēngan-nya, tunjokkan yang kita tērtarek hati kapada-nya, dan jangan pēdulikan kalau ia mēnunjok2 sangat. Mēsti-lah kita bēri akan dia sēgala galakan dan pujian yang boleh kērana ia ini di-gēmari oleh sēmua budak. Sadikit pērkataan pujian itu boleh pērgi lēbeh jauh daripada sēgala kēmarahan dan kata2 yang kasar walau pun barangkali dēngan sēbab mēmarahi itu hati kita sēndiri bērasa lapang sadikit.

Oleh itu usaha-lah bērkēnaan dēngan budak yang mēnyusahkan itu — hēndak-lah sabar, jangan bērubah hati, dan tēkun. Buat-lah kapada-nya sēgala yang boleh tuan buat; kita akan bērjasa kērana ia-lah yang banyak sa-kali mēndapat faedah dēngan ja-lan mēnchampori Latehan Anak Sērigala itu.

### MĒLAGANG RANCHANGAN

Saya akan mēmbēri pēnērangan yang memang sudah di-kētahuī orang akan tētapi oleh sēbab ia itu sangat2 mustahak, saya rasa tēntu-lah saya akan dibēri maaf. Tiap2 ranchangan bagi sa-suatu pērjumpaan hēndak-lah di-sēdiakan baik2 lēbeh dahulu. Amat-lah mērosakkan kalau masa pērjumpaan itu ada masa tērbuang atau tērhēnti dēngan tiada apa2 kērja dan Akela bērkata, "Apa lagi kita buat?" Masa itu biasa-nya tiada apa2 fikiran yang dapat di-kēluarkan, atau pun sēmua Anak Sērigala akan mēmbēri chadangan bērbagai2 rupa. Hasil-nya hampir2 boleh mēnjadikan huru-hara dan pērasaan tidak puas hati, serta banyak masa yang bērharga akan tērbuang.

Maka ranchangan itu mesti-lah di-lagang baik2: Akela mesti tahu apa2 pérmainan yang akan di-mainkan dan apa2 kérja yang akan di-buat. Anak2 Sērigala itu mesti-lah sēntiasa sibok dalam tiap2 satu minit masa yang ada pada-nya, dan Akela mesti-lah menjalankan kérja-nya mēngikut pērsēdiaan yang sahabis2 sempurna. Hēndak mēnghasilkan pērkara ini bērmaana-lah sēgala Sērigala Tua kēna banyak bērfikir dan mēlagang-nya lēbeh dahulu.

Bērkēnaan dēngan alatan2 pun jangan-lah dilupakan. Sa-bēlum mēmulakan satu2 pērjumpaan Pack hēndak-lah lēbeh dahulu di-pēreksa alatan2 yang mustahak untok di-pakai pada hari itu. Maka sangat-lah mēmutuskan hati Anak2 Sērigala kalau mēreka sēdang di-punchak pērasaan chēmas hēndak mēlakukan sa-suatu, tiba2 tuan bērkata, "Ah, nasib ta'baik, ta'dapat kita buat hari ini, saya tērlupa mēmbawa anu anu." Maka jikalau mēreka mēmandang tuan dēngan pandangan marah, sudah sa-layak-nya lah tuan mēnērima akan dia.

Banyak orang bila tēlah mēlihat satu2 pērtunjukan kēramaian yang bērjalan dēngan sempurna mēmikiran bila sa-saorang itu dapat mēngumpulkan bēbērapa orang maka pērtunjukan itu akan bērjalan sēndiri-nya; fikiran yang dēmikian itu salah sa-mata2. Sa-suatu kēramaian yang bērjalan dēngan tiada sa-barang halangan bērmaana ada orang yang tēlah mēnggaru2 kepala bērfikir untok mēngatorkan-nya bēbērapa lama lēbeh dahulu. Maka bagitu juga-lah di-kēhēndaki bagi Sērigala2 Tua jika mēreka ingin hēndak bērjaya. Hēndak-lah mēreka dudok bērunding bērsama2 dan kumpulkan sēmuia fikiran untok mēndapati hasil yang baik sa-kali. Elok juga mē-

lagang untok bēbērapa pērjumpaan dalam satu run-dingan itu supaya kērja dapat bērsambong<sup>2</sup> dan bēr-ansor<sup>2</sup> mara ka-hadapan sērta dēngan bērbuat bagitu dapat pula mēnyēlamatkan waktu.

Ranchangan itu hēndak-lah di-lagang sa-chara yang mēnjadikan pērjumpaan<sup>2</sup> itu hidup dan tērtarek kapada sa-orang budak kēchil, dēngan mēngandongi banyak pērtukaran dan masokkan jēnis<sup>2</sup> kērja atau pērmainan yang tidak di-sangka<sup>2</sup> oleh budak<sup>2</sup> itu. Anak Sērigala itu hanya-lah sa-orang budak kēchil dan tiada dapat mēnumpuke fikiran sa-bagai Pēngakap. Sa-sunggoh-nya kērja kita ia-lah hēndak mē-nimbulkan atau mēmulakan kēadaan yang elok ini pada budak itu, jadi boleh-lah kita pērhatikan ia mēmbuat kērja<sup>2</sup> dēngan baik dān di-buat-nya hingga habis, tētapi kita akan mēmbēri kapada-nya kērja<sup>2</sup> yang sa-padan dēngan bēsar dan kēbolehan-nya, sērta yang tidak mēmaksa ia dudok mēmbuat-nya bērlama<sup>2</sup> sangat pada satu masa.

Pērlawanan di-antara Ėnam Sakawan ada-lah mēnjadikan pēnarek dan mēmbantu kapada kēma-raan. Tētapi jangan sa-kali<sup>2</sup> biarkan sa-suatu pērlawanan itu bērjalan lama sangat dan jangan pula di-chuba mēnchamporkan sēgala<sup>2</sup>-nya, mēlainkan hēndak-lah di-jadikan pērlawanan itu alat bagi Latehan Anak Sērigala bukan akas-nya.

Kērja<sup>2</sup>-bintang yang boleh di-masokkan dalam ranchangan kita itu sa-sunggoh-nya tēlah di-lagang dēngan elok-nya bagi budak<sup>2</sup> dalam lengkongan umor Anak Sērigala. Boleh-lah kita buat kērja<sup>2</sup> ini pērlahan<sup>2</sup> supaya dapat baik pērbuatan-nya, dan mēmbēri budak itu pērasaan yang ia ada mēndapat pēlajaran dan mara ka-hadapan. Sa-paroh budak<sup>2</sup>

boleh mĕmbuat ujian2 itu lĕbeh mudah daripada budak yang lain, maka di-sini-lah di-kĕhĕndaki kĕbijakan Akela bagi mĕnĕntukan yang kĕrja itu sa-taraf dĕngan kĕbolehan budak, tĕtapi tidak pula tĕrlampau sĕnang hingga boleh mĕnjadikan budak itu jĕlak; bagitu juga mĕnggalakkan dia dan masokkan pĕrasaan mĕgah atas kĕrja yang di-buat-nya sĕrta pĕrchaya atas kĕbolehan-nya sĕndiri, tĕtapi biar-lah sĕntiasa mĕnggĕrakkan dia bĕransor2 jauh. Jangan lupa mĕmbĕri pujian di-mana2 yang layak. Pĕrka-taan2 yang mĕnggalakkan sangat jauh makan-nya dan jikalau Anak2 Sĕrigala mĕrasa yang mĕreka tĕlah mĕmbuat sa-suatu dĕngan elok maka tuan akan mĕ-nampak mĕreka itu pĕnoh dĕngan pĕrasaan mĕgah.

Lagangan am untok sa-suatu pĕrjumpaan Anak Sĕrigala ia-lah mĕmulakan-nya dĕngan Laung To' Guru dan mĕmĕreksa, kĕmudian satu pĕrmainan bagi mĕngĕluăkan wap dan tĕnaga; lĕpas itu kĕrja2-bintang, satu pĕrmainan bĕrkĕnaan dĕngan kĕria-bintang, barangkali di-turut dĕngan satu lagi pĕrmainan ranchak yang kurang sadikit bising-nya, kĕmudian satu chĕrita, dan pada kĕbanyakkan Pack pĕrjumpaan itu di-tammatkan dĕngan doa rengkas sa-bĕlum di-buat Laung To' Guru yang akhir ia-itu suatu adat yang bagus. Ini-lah satu chontoh yang elok untok di-tuladani, tĕtapi jangan-lah di-ikut bĕrlĕbeh2an sangat; jangan jadikan dia sa-bagai pĕrentah yang mĕsti di-jalankan pada tiap2 kali pĕrjumpaan pada tiap2 minggu dalam sa-tahun. Memang mudah mĕngikut gaya2 yang sudah tĕrator dan lĕbeh mudah lagi ikut sahaja apa yang tĕlah di-buat bĕbĕrapa lama dahulu daripada mĕmbuat apa2 pĕrubahan. Apa2 yang baharu ada-lah bĕrkĕhĕndakkan pĕnchubaan

dan tēnaga, dan kita jarang2 bērasa mahu mēnhuba yang baharu, tētapi kita mēsti mēnhuba—kita mēsti sēntiasa sēdar, kalau tidak, budak2 kita akan pērgi daripada kita. Jangan-lah takut mēmbuat sa-suatu yang bērlainan daripada biasa. Ini barangkali tērkēchuali daripada atoran mēlagang lēbeh dahulu itu, tētapi kalau tuan dēngan tiba2 sahaja mēndapat satu fikiran yang elok, jalankan-lah dia dēngan sēnang hati. Barangkali di-kampong sabērang sungai itu ada di-buat Pērtunjukan Kampong; kalau Anak2 Sērigala tuan bēlum lagi pērgi mēlihat-nya—bawalah mēreka pērgi; jangan bimbangkan hal pērjumpaan atau lain-nya, kērana pēluang ini bērlaku sa-kali sa-kala sahaja, jadi gunakan-lah dia sa-boleh2-nya.

Dalam pada itu ta'dapat pula kita bērharapkan sa-mata2 kapada Pērtunjukan Kampong atau lain2 kēramaian yang sa-umpama itu sahaja untok mēnukar ranchangan kita, jadi elok-lah sa-kali2 di-lagang suatu Pērjumpaan Khas Pack (Special Pack Meeting) untok mēngubah kērja2 daripada yang di-buat sēlalu. Barangkali tuan kēna mēmbēri tahu Anak2 Sērigala itu sa-minggu lēbeh dahulu supaya datang dēngan bērpakaian chara Dayak, dan tuan bawa akan mēreka itu kēluar mēmburu manusia dēngan mēmasokkan dalam-nya bērjēnis2 kēra sapērti mēmanjat pokok, mēnyēbērang sungai dsb. mēngikut kēadaan alam di-tēmpat tuan itu. Atau barangkali tuan suka hēndak mēmbuat pada hari itu bērjēnis2 pērmainan sahaja, atau pun untok mēngubah rasa, boleh tuan jēmput orang lain untok mēnjalankan pērjumpaan Pack hari itu. Satu chadangan lagi — barangkali tuan bērnasib baik mēmpunyaï kawan yang ada wayang gambar, alang-kah gēmbira-nya Anak2 Sērigala itu sa-kali2

dapat mēngubah rasa dēngan mēlihat wayang gambar pula! Bagini-lah sa-tēngah daripada chadangan2 yang sama tujuan-nya, ia-itu mēngadakan sadikit nasi tambah sa-kali sa-kala.

Itu-lah gaya mēlagang—kita mēsti mēmandang ka-hadapan, tahu apa yang akan di-buat sērta buat-lah akan dia. Sa-patah kata yang akhir—sēntiasa mulakan dan tammatkan pērjumpaan2 itu dēngan mēnēpati masa. Ta'dapat kita mēngharapkan budak2 akan mēnēpati masa kalau kita sēndiri lecheh.

## HUTAN

Masa Pēnaja, Lord Baden-Powell berfikir hēndak mēmulakan satu Pērtubohan bagi adek2 Pēngakap, ia tēlah mēmileh *Buku Hutan* karangan Kipling dan “tēlah mēnchontōhi akan chara Kumpulan (Pack) Sērigala yang mērupakan kēsunggohan hati, taat sētia dan kērjasama, sērta bērsesuaian pula dēngan kēinginan sa-mulâj jadi budak2 kēchil ia-itu sukakan chara2 kēbēranian dan pēngēmbaraan.” Alang-kah elok-nya chadangan itu—sa-jenis kērja yang bērlainan daripada Latehan Pēngakap; bagi mēngelakkan supaya latehan pēngakap itu tidak rosak kalau di-béri kapada budak2 yang muda sangat, maka di-buat-lah chara Kumpulan Sērigala ini yang tujuan dan kēgembiraan tērkandong di-dalam-nya sa-rupa dēngan latehan pēngakap itu juga.

Bila tuan bacha akan Chērita2 Hutan itu mēngērti-lah tuan bagaimana tērtarek-nya kapada pērasaan budak2 kēchil. Kita lihat di-situ satu Kumpulan (Pack) Sērigala, hidup, bērakal, tērlateh dēngan baik, dan bēkērja bērsama2 di-bawah Kētua yang bijaksana—Akela. Mēreka itu gagah dan kēkuatan-

nya tērlētak pada kērja2-nya yang di-buat oleh satu kumpulan sa-kali, tidak bērsēndirian. Mēreka bērjaya mēmbuat bagini sa-mata2 kērana kēpērchayaan pēnōh dan taat kapada Akela yang tēlah di-pileh di-antara mēreka sama sēndiri ia-itu yang mēmpunyai sērba lēngkap dan mēnjadi chontoh yang tiada sa-barang kēchachatan! Kita nampak Anak Sērigala yang tiada bērmaya masa di-dzahirkan, bēransor bēsar dalam Hutan yang pēnōh dēngan pērangkap dan mērbahaya itu, mēmpēlajari kēbijakan daripada bapa-nya; bagaimana hēndak mēmburu dan di-mana hēndak bērmain sērta siapa yang boleh di-jadikan kaw-an sa-hingga ia mēmpunyai chukup pēngētahuan, ia kēluar dari padang pērmainan Anak Sērigala ka-arah pēngēmbaraan Sērigala yang lēbeh sukar.

Suasana Hutan itu ada-lah suatu tapak yang ajaib bagi tēmpat mēmbangunkan Pack itu dan boleh mēnjadikan bantuan yang bēsar bagi mēnchapai sē-mangat pasokan yang kita chari2 itu dan juga bagi mēnimbulkan sēgala2 yang baik sa-kali pada budak2 kēchil. Pēnghidupan Mowgli itu ia-lah chontoh yang sa-elok2-nya bagi Latehan Anak Sērigala. Dia-lah budak kēchil yang banyak bēlajar daripada Sērigala2 Tua yang bijak dan baik hati dalam sērba sērbi-nya. Ia lēbeh pintar daripada Banderlog yang dēngu dan Shere Khan yang bēngis itu, dan kēinginan-nya hēndak mēnghapuskan kējahatan sērta hēndak mēnjadikan diri layak bērchampor dalam Pack itu ada-lah mēnjadikan kēinginan kapada sa-orang budak.

Maka bagamiana-kah jalan-nya kita hēndak mēndapat suasana ini supaya ia masok kapada Pack kita? Yang pērtama ia-lah jadikan diri kita kēnal

bétul dēngan nama2 yang bērlakun dalam *Buku Hutan* dan sa-olah2-nya kita ada bērhubong sērtā bērbual2 dēngan mēreka itu. Kēmudian hēndak-lah kita chēritakan chērita2 itu kapada Anak2 Sērigala supaya mēreka mērasa yang mēreka kēnal bētul2 akan Kaa, Baloo, Bagheera dan yang lain2 itu. Gunakan gambaran otak tuan sēndiri dan budak2 itu akan mēnggunakan gambaran otak-nya pula. Adakan gambar2 binatang dalam Bilek (Den) dan jadikan sēmua-nya macham bētul2 sērtā mēndatangkan rasa chēmas sa-bērapa yang boleh.

Sa-tēlah mēndēngar bērbagai2 kērja yang di-buat Mowgli dan tēlah jadi biasa dēngan pēnduduk2 Hutan itu, maka Pack itu sēkarang tēlah sēdia akan mēngambil bahagian dalam Tarian2 Hutan ia-itu mēnggaya-kan pēmandangan dari *Buku Hutan* itu. Barangkali ta'bērapa sēdap di-namakan tarian; kadang2 budak2 ta'mahu mēnchampori-nya. Jadi bila mēmulakan-nya hēndak-lah di-bēri pēnērangan bahawa ia-itu sa-jenis Lakunan atau Tarian yang di-jumlahkan kapada Bērsilat dan bukan-nya jenis tari Ronggeng atau Rhumba sa-bagai yang di-agakkan pada mula-nya. Tarian2 itu kalau di-lakukan dēngan bētul dari mula2 lagi, akan mēnjadi satu puncha kēseronokan kapada Anak2 Sērigala dan boleh mēmbantu bagi mēnimbul-kan suasana Hutan. Tētapi ada satu amaran— jangan di-bēri kepada budak2 yang bērumor sa-bēlas tahun kērana ia tidak akan tērtarek jika tidak dibawa-nya bērsama2 dari masa ia bērumor rēndah. Mulakan-lah tarian2 itu dari masa Pack itu maseh kēchil dan budak2-nya muda.

Sēdang kita mēmpērkatakan hal Hutan ini mēstilah kita rundingkan bērkēnaan dēngan mustahak-nya

membuat Latehan Anak Sērigala ini Di-luar Rumah. Tiap2 sa-orang dewasa yang bérakal memang mēngē-tahuī akan faedah udara bérseh mēngikut kēhēndak kēsihatan, tētapi sēkarang, ia-itu pada masa budak2 kēchil mēnggunakan banyak masa lapang-nya kērana kēsukaan mēlihat wayang gambar, maka bērtambah2-lah lagi wajib-nya mēmbawa mēreka itu ka-tēmpat yang lawas bila2 ada pēluang dan ajar akan mēreka itu supaya gēmar bērada di-luar rumah. Dan bukan-nya wajib yang di-katakan ini hanya mēngikut kēhēndak kēsihatan sahaja, mēlainkan kērja kita dalam lapangan Latehan Pēngakap ia-lah mēlateh budak2 supaya bersuka2 sēndiri-nya, bērfikir sēndiri, dan tidak bērgantong sa-mata2 atas bēnda2 tiruan untok pēnghiboran-nya. Kita hēndak mēnimbulkan dalam diri mēreka itu akan kēladzatan hidup—kēinginan hēndak hidup bukan-nya hanya hēndak makan. Dalam Latehan Anak Sērigala kita hanya mēnyēmai-kan bēneh kēinginan ini, tētapi biar-lah sa-kurang2-nya kita mēnjadi tukang kēbun yang bagus dan mēnyēmai dēngan elok.

Kita boleh mēmulakan budak2 itu dēngan pēr-jumpaan Pack di-luar rumah. Di-nēgēri kita ini walau di-tēngah2 bandar yang bēsar sa-kali pun dapat di-buat dēmikian itu; sēdangkan di-tēngah2 bandar London sa-suatu Pack itu boleh mēnjalankan sa-bahagian daripada ranchangan-nya di-luar rumah. Ada sa-orang Akela di-tēngah2 bandar London tēlah mēmbuka satu Pack mēngandungi anak2 orang pēr-pindahan, maka hēndak mēmbawa budak2 itu kēluar amat-lah sukar-nya, kērana mēreka tidak pērnah bēr-jalan2 yang jauh sadikit sa-umor hidup-nya. Jadi hēndak mēnyurohkan mēreka kēluar Akela pun

membéri kapada tiap2 sa-orang Anak Sērigala sa-biji ubi kēntang dan bērpēsan mēnyuroh mēreka mēmu-ngut bilah2 korek api sa-bērapa banyak yang dapat di-sapanjang jalan itu sērta mēnchuchokkan-nya kapada ubi kēntang masing2 supaya mēnjadi sapērti landak. Kēmahuan hati budak2 itu mēluap2, dan hasil-nya pun mēluap2 pula!

Maka sa-bagai pērjumpaan itu di-buat di-luar rumah maka bagitu pula-lah di-kēhēndaki kadang2 pērgi bērjalan ka-sana ka-mari dan di-harap Akela akan bērbuat bagitu. Akan datang dalam kitab ini ada ranchangan2 untok pērgi bērjalan itu—pērmain-an2 mēngintai sa-chara bēsar2an, atau kumpulan pērgi mēnangkap ikan, atau bērkelah yang sangat mēnggēmbirakan—apa2 yang mudah dan rengkas pun mēmadaï juga dēngan sharat ia-nya dapat mēmbawa budak2 itu kēluar dan mēreka mērasa sēronok.

Dalam bahagian bēkērja di-luar rumah ini tērmasok-lah *Bērkhemah Anak2 Sērigala*. Bērkhemah ini tēlah mēnjadikan pērbahathan hangat, sa-tēngah bērkata, "Mēngapa tidak di-bēri Anak2 Sērigala kēgēmbiraan bērkhemah? Yang lain pula, "Biar-lah mēreka mēnanti sa-hingga mēreka boleh mēmbuat-bētul2 dan mēndapat sa-pēnoh2 kēshukaan sa-bagai Pengakap." Jika di-bēnarkan pēnulis ini mēmbéri fikiran-nya sēndiri ia akan mēnyēbēlahi yang kēdua itu. Anak2 Sērigala ingin dan bērsunggoh2 hati hēndak pērgi bērkhemah, tētapi bila sēgala2-nya sudah di-sēbut dan di-jalankan, di-dapati sadikit bēnar chara pērkhemahan yang dapat di-buat oleh mēreka itu, tambahan pula Undang2 kita tidak mēmbēnar-

kan, maka jadi-lah pērkhemahan itu untok di-tērtawakan orang sahaja. Jauh lēbeh baik mēmbawa mēreka itu pērgi kēluar sa-kali2 sahingga sa-hari su-tok dan suroh mēreka mēnghidupkan api dan mēng-gayakan chara2 Pērkhemahan kalau mēreka suka; tētapi simpan-lah dahulu isi-nya yang sa-bēnar ia-itu kēsēronokan tidor dalam rumah kain dan dudok bērsama kumpulan budak2 yang ramai, sa-hingga mēreka bērsēdia kērana-nya sa-bagai Pengakap2. Walau bagaimana pun jangan-lah di-chuba atau mēmbawa suatu Pack yang baharu pērgi bērkhemah, dan hēndak-lah di-tēntukan yang tuan sēndiri adalih sa-orang ahli pērkhemahan yang mahir sa-bēlum mēnchuba sa-suatu Pērkhemahan Anak Sērigala.

Sēkarang dapat-lah di-kētahuī bahawa mēnē-tapkan satu pētang sahaja dalam sa-minggu untok Latehan Anak2 Sērigala tidak-lah mēmadaï. Akela mēsti-lah sanggup mēngkorbankan sa-kali2 satu pētang dan sa-kurang2-nya satu pētang yang lain ia-itu asing daripada pētang pērjumpaan Pack tiap2 minggu, sama ada untok kērja2 khas Anak Sērigala atau pun kērana bērjēnis2 Mēshuarat Council.

Dalam pada itu pun di-chadangkan bagi sa-sa-orang Akela yang baharu jangan-lah hēndak-nya ia mēnjadi tērlampau bēria2 hingga Latehan Anak Sēri-gala itu-lah sahaja lagi yang jadi kēgēmaran-nya— mudah sahaja hēndak mēndapat pērangai itu, tētapi ia ini sa-mata2 mēnjadikan ia sa-orang yang fikiran-nya satu hala sahaja dan sa-orang Akela yang tawar. Sangat mustahak tuan mēnēruskan kēgēmaran2 yang lain juga supaya jangan mēnjadi tawar itu.

## PĒRJUMPAAN2 LAIN DARIPADA HARI PACK

Pērjumpaan2 asing sa-kali2 yang hēndak di-hadziri ia-lah:

### 1. MĒSHUARAT BATU (C U B R O C K COUNCIL).

Ini ia-lah mēshuarat Sērigala2 Tua dalam jajahan itu bagi mērundingkan pērkara2 yang akan di-buat di-masa hadapan sa-umpama Hari Sukan bērsama atau mēraikan satu2 Pack yang miskin, atau pun mēngatorkan bērkēnan dēngan ujian2 Bintang dll. Akela hēndak-lah mēng-hadziri mēshuarat2 ini supaya tahu apa2 yang bērlaku dalam jajahan-nya.

### 2. JĒMAAH KUMPULAN (GROUP COUNCIL).

Satu lagi tuboh yang bērmēshuarat sa-kali2 ia-lah Jēmaah Kumpulan, dan sangat mustahak di-hadziri oleh Akela dan Pēnolong2-nya kērana di-situ-lah di-rundingkan kērja2 yang bērhubung tērus dēngan Pack, Troop atau Crew, yaani mēngēnai kēsēmua Kumpulan itu sa-kali, dan boleh jadi masa itu sa-kali2 Akela kēna bēr-chakap atas pērkara yang bērsangkut dēngan Pack. Maka Akela yang bijak akan bērikhtiar supaya ia bērbaik2 dēngan Guru Pēngakap Kumpulan.

Satu pētang, lain daripada pētang pērjumpaan Pack, hēndak-lah di-asinkan untok Anak2 Sērigala. Ini bukan-nya di-kēhēndaki tiap2 minggu, tētapi

biar-lah sēlalu2 juga, guna-nya supaya Akela dapat bersama2 dēngan Kēpala2 Ěnam Sakawan sahaja dan Pēnolong2-nya juga jika di-kēhēndaki. Itu-lah kētika-nya boleh di-chubakan sa-suatu pērmainan baharu jika susah atoran-nya; jadi pada hari pērjumpaan Pack kēlak tēlah ada bēbērapa orang yang tahu mēmainkan-nya. Atau pun barangkali Akela suka hēndak mēngajar Kēpala2 Ěnam Sakawan-nya dalam sa-tēngah kērja2-bintang supaya boleh mēreka mēnolong Ěnam Sakawan-nya pada hari pērjumpaan Pack; barangkali juga ta' bērapa lama lagi akan di-adakan Pasar sa-hari yang mēnghēndaki Pack itu mēmasokkan barang2 kērja tangan, maka ini-lah masa-nya barang2 itu boleh di-sudahkan, kērana lēbeh banyak kērja yang boleh di-siapkan oleh bēbērapa orang sahaja daripada kēsēmuu Pack itu sa-kali.

Pērjumpaan kēchil yang tidak rēsmi ini dapat mēmbantu sa-saorang itu mēngētahuī dēngan lēbeh baik akan budak2-nya, dan juga mēmbēri Kēpala2 Ěnam Sakawan itu pērasaan yang mēreka ada sadikit kēlēbehan-nya sēbab pangkat yang di-sandang-nya.

### BĒRCHĒRITA

Alang-kah gēmbira-nya budak2 mēndēngar sa-suatu chērita yang sēronok, dan alang-kah puas-nya hati orang yang bērchērita mēlihat gaya budak2 itu mēndongak mēndēngarkan tiap2 sa-patah pērkataan-nya, mata-nya bērsinar2 sa-olah2 ia-nya sēdang mēlihat orang2 yang tērmashhor di-tēmpat2 yang endah. Ia tērasa yang ia mēlakukan bahagian pahlawan yang tuan sēbutkan dan ia bērada di-tēmpat pahlawan itu, ta'kira barang di-mana pun, ia bērbuat sama saperti pērbuatan orang itu dēngan kēadaan

yang bērani, tengkas, pērwira dan tidak gēntar, sērta mēngalahkan sēgala kēsusahan dēngan kēbijaksanaan dan kēpandaian-nya. Ia-nya sa-orang pahlawan; ia-lah yang tērsēbut dalam chērita itu, dan pērasaan itu maseh ada dalam jiwa-nya sa-hingga ia lena tidor pada malam itu. Ini ada-lah kurniaan yang ajaib kapada budak kēchil itu, ia dapat mēnggambarkan sēgala yang di-kēliling-nya itu mēnjadi apa2 sahaja dari pulau lautan pasir hingga ka-landasan kēreta api, dan dapat mēnsifatkan diri-nya sa-bagai raja hingga kapada sa-orang pēmotong kayu. Pērasaan itu bērtumboh dalam diri-nya dari masa ia maseh mēntah lagi dan dapat di-lihat masa ia jadi budak kēchil: ia-nya tērlari2 ka-sana ka-mari mēnjadi bus atau kapal, tērbang. Rasa hati-nya bukan ia *mēlakun* sa-bagai bus tētapi *dia* itu-lah bus. Ia lupa sa-bēntar akan kēadaan di-kēliling-nya kērana sēmua-nya itu tēlah di-tukar-nya mēnjadi bēnda lain.

Makā pēngurniaan gambaran otak ini ada-lah mēnghēndaki di-bēri makan atau di-bajaï, kalau tidak, ia akan tērsia2. Budak itu bērhak untok di-bēri chērita2 kērana chērita2 itu mustahak kapada-nya sama saperti chahaya matahari mustahak kapada bunga2an. Kita bērkēhēndakkan tuboh badan-nya mēnjadi elok; kita bēri makanan yang bērdzat; kita bēri sēnaman dan pērmainan; maka akan kita biar-kan-kah otak-nya kēlaparan bērkēhēndakkan chērita?

Sa-saorang Akela itu, walau bagaimana pun chēkap-nya bēkērja, tidak-lah layak ia di-gēlarkan dēngan nama itu mēlainkan jika redza ia mēmbēri chērita kapada budak2-nya. Chērita2 itu ada-lah

asam garam latehan-nya, dan tidak sempurna sa-suatu ranchangan itu jika tiada termasok satu2 chērita di-dalam-nya.

Jadi bagaimana-kah kita mēmulakan-nya? Bagi sa-paroh orang, bērchērita itu tidak mēnjadikan apa2 kēpayahan; ia itu jadi sa-bagai kurniaan yang turun tēmurun kepada mēreka, kērana bērchērita ia-lah satu jēnis pēnghiboran yang tua sa-kali. Maka sa-tengah daripada kita tiada mēnērima kēbolehan bērchērita ini, tētapi sēmua kita, walau yang sa-habis2 pēmalu sa-kali pun, boleh mēnjadi pandai dēngan jalan bērlateh dan dēngan kēmahiran sērta bēkērja kēras.

Langkah yang pērtama dalam kējayaan bērchērita tērlētak di-atas pilehan bahan chērita-nya. Kita mēsti mēnimbangkan umor dan fikiran budak2 kita, dan pileh-lah bahan2 yang sa-padan dēngan-nya. Budak2 yang bērumor lapan hingga sa-puloh tahun tēlah lewat tempoh chērita sa-umpama Awang Kēnit bagi-nya; mēreka bērkēhēndakkan chērita kēbēranian dan pēngēmbaraan yang sa-bēnar. Chērita2 hantu "di-pantangkan" dalam latehan kita kērana chērita jēnis itu mēndatangkan bahaya kapada budak2 yang otak-nya sēdang dalam kēadaan yang chukup tēgang sa-bagai tali, takut putus di-buatkan-nya, dan tiada-lah bērfaedah mēnchuba mēnakut2kan sa-saorang.

Lapangan bagi tēmpat mēmileh chērita itu amat luas, dan bahan2-nya boleh di-ambil daripada sēgala jēnis puncha dan gaya sērta di-pinda mēngikut sa-layak-nya. Kalau Akela mēnggunakan gambaran otak-nya banyak-lah chērita2 yang boleh di-buat-nya.

Bila sudah di-pileh sa-suatu chērita, maka langkah yang akan tuan buat sekarang ia-lah di-kēhendaki tuan mahir bētul dēngan chērita itu dan dēngan sēgala isi-nya. Tuan tidak akan dapat bērchērita mēlainkan tuan tahu apa yang hēndak di-katakan dan bagaimana hēndak mēngatakan-nya. Mēsti-lah bērchērita kapada diri tuan sēndiri bēbērapa kali lēbeh dahulu, pileh pērkataan<sup>2</sup> yang mēnasabah sa-kali untok mēnggambarkan isi chērita itu. Masok-kan-lah dalam-nya rēmpah rampai yang boleh mē-nambahkan sēdap-nya chērita itu. Diri tuan sēndiri pun masokkan bērsama<sup>2</sup> dalam-nya ia-itu dēngan gaya dan bunyi suara dll. supaya chērita itu hidup. Kalau tērsēbut kesah laut—hēndak-lah tuan tērasa angin laut itu mēniup akan rambut tuan, dan tērasa masin-nya ayer laut itu pada bibir tuan; jikalau dalam hutan pula, rasa-lah kēsunnyian di-kēliling tuan dan tuan rasa banyak mata bintang<sup>2</sup> yang mēman-dang kapada tuan waktu sēnja di-hutan itu. Orang<sup>2</sup> atau lain-nya yang mēngambil bahagian dalam chērita itu hēndak-lah tuan bēri nyawa dan tokoh gaya-nya; gambarkan-lah rupa mēreka itu dēngan pērkataan supaya dapat di-lihat oleh pēn-dēngar<sup>2</sup>. Dēngan jalan itu tuan akan mēlukiskan gambar<sup>2</sup> itu ka-dalam otak budak<sup>2</sup> dēngan jēlas-nya dan sēntiasa akan ada bērsama<sup>2</sup>-nya sērta boleh pula mēreka mēnggambarkan-nya sēndiri mēngikut suka hati-nya.

Bila tuan tēlah bērsēdia akan bērchērita pada pērjumpaan Pack, surohkan-lah budak itu dudok dēngan sēdap dan tuan pun hēndak-lah bērasa sēdap juga. Jadikan-lah suasana masa itu bērsahaja dan

masing2 mēngharapkan sa-suatu yang mēndatangkan kēsēronokan. Mula2-nya tuan akan bērasa gēntar juga, tētapi mēsti-lah jalankan bahagian tuan, maka tidak shak lagi budak2 itu akan bērgembira. Jikalau pada mula2-nya tuan ta'dapat langsung hēndak bērchērita, maka boleh-lah tuan bachakan kapada mēreka sa-hingga tuan tidak chuak lagi, tētapi hēndak-lah dēngan sharat chērita itu di-tuliskan sa-chara yang mēnasabah bagi budak2 kēchil, dan hēndak-lah tuan bacha bēbērapa kali lēbeh dahulu supaya dapat mēmbunyikan suara dan bērhēnti pada tēmpat-nya yang bētul. Tētapi chuba-lah juga bērchērita, jangan sēntiasa mēmbachakan-nya sahaja, kērana lēbeh sēdap rasa-nya satu2 chērita itu kalau di-chakapkan daripada di-bachakan dari buku atau kērtas.

Itu-lah sahaja yang hēndak di-sēbutkan bērkēnaan dēngan bērchērita. Sa-sunggoh-nya ada fāedah-nya bērsusah payah mēmpēlajari kiat bērchērita itu kērana ia-itu boleh mēnjadikan tuan bērada di-tēmpat yang tinggi sa-lama tuan bērhubong dēngan budak2.

## RAMPAI2AN

Ini ada sadikit pētua yang bērguna bērkēnaan dēngan alatan yang di-kēhēndaki masa mēmulakan satu2 Pack. Sēlalu-nya elok mēnyimpan pēringatan bērkēnaan dēngan pērkara2 yang mustahak dalam Pack itu—kita ta'tahu ēntah2 hal itu di-kēhēndaki pada suatu masa kēlak; jadi kalau ada tērtulis, sēnang-lah sahaja mēndapat-nya dan tiada banyak tērbuang masa untok mēnchari-nya.

(a) Mesti-lah ada satu Jadual (Register) tempat ménuliskan nama budak2, alamat, umornya dan tarikh ia masok Pack itu.

(b) Mesti-lah ada Jadual Kedatangan. Jadual ini boleh-lah di-pégang oleh Akela; atau pun kalau di-pégang oleh Kepala2 Enam Sakawan hēndak-lah mereka mémēgang sa-orang satu.

(c) Bila budak2 itu sudah mulaï lulus dalam ujian2 hēndak-lah pula di-tuliskan pēringatan2 bērkēnaan dēngan-nya supaya jangan bērlaku soal jawab atau pērtēngkaran kēmudian kēlak. Daftar2 Kēmajuan yang bērbagai2 rupa boleh di-buat dan gantongkan supaya budak2 itu dapat mēlihat sēndiri bagaimana kēmajuan masing2. Mereka akan lēbeh faham bagaimana hal-nya sēkarang dan apa2 lagi yang akan di-buat-nya jika mereka sēndiri nampak akan pēkara2 itu.

(d) Sangat-lah mustahak mēnyimpan kira2 sēgala wang yang bērhubong dēngan Pack. Ada wang yuran, dan ada wang masok daripada bērmacham2 kērja sa-umpama jualan barang2 kērja tangan, pērtunjokan2, bēradu untong dsb. Bagitu juga barangkali ada wang ansoran dari pada tiap2 sa-orang Anak Sērigala bagi harga pakaian-sama-nya hēndak-lah di-tuliskan masa ia mēmbayar itu.

Sēmuia alatan yang di-sēbutkan itu dapat di-beli di-mana2 Kēdai Pēngakap (Scout Shop).

Pakaian-sama Anak Sērigala itu (lihat di-muka awal) mēngandongi songkok hijau, kain leher mēngikut warna Kumpulan, baju kurong sēmpit warna

khaki, hijau, kēlabu atau biru tua; dan tambahan-nya lagi simpai kain leher, ikat stocking, tali pinggang dll. Tidak ramai Anak2 Sērigala yang térdaya mēmbeli kēsemua pakaian-sama ini dēngan sa-kali gus, maka tiada-lah mēnjadikan apa2 kēsalahan jika mēreka hanya mēmakai songkok dan kain leher sahaja dēngan kēmeja biasa sa-hingga mēreka dapat mēmbeli yang lain2 itu.

### CHARA ĚNAM SAKAWAN

Ēnam Sakawan memang-lah maana-nya ēnam orang budak, dan Pack itu di-bahagi2kan kepada kumpulan2 yang mēngandongi ēnam orang itu supaya sēnang mēngēlolakan-nya. Satu2 pasokan yang ramai akan mēnjadi lēbeh mudah kalau di-pēchah2-kan, dan dēngan chara Ěnam Sakawan ini ada pula pēluang bērlawan2 dan juga bērmain antara satu dēngan lain, dan dapat mēmbéri sadikit tanggong jawab di-antara budak2 itu.

Tiap2 sau Ěnam Sakawan ada sa-orang kētua yang di-gēlarkan Kēpala Ěnam Sakawan dan mēmakai dua tingkat lilit kuning pada lēngan kiri-nya. Ia-nya sa-orang budak yang tērpileh kērana kēlayakan-nya sa-bagai sa-orang kētua. Biasa-nya di-pileh salah sa-orang daripada budak2 yang tērtua dan mēsti-lah ia di-gēmari oleh kēbanyakkan ahli Pack itu. Tanggongan-nya sangat ringan ia-itu sa-mata2 untok mēnolong Akela bila2 yang boleh. Ia mēngatorkan Ěnam Sakawan-nya untok satu2 pērmainan, dan mē-rentikan kalau ada yang tērlari2 ka-sana ka-mari. Ia mēmungut yuran Ěnam Sakawan-nya, dan mēmbantu sadikit2 akan budak2 yang muda sa-kali dalam kērja-bintang, sērta ia mēnjadikan diri-nya bērguna

pada am-nya. Elok bagi sa-saorang budak mĕrasa yang ia di-harap oleh sa-orang dewasa, tĕtapi jangan-lah jadikan dia sa-bagai chontoh sa-orang yang baik pĕrangai, atau pun mĕmbĕri akan dia tĕrlampau banyak tanggongan—hanya ‘itiraf-lah akan dia sa-bagai sa-orang yang chĕrgas dan tuan akan bĕrasa payah sadikit kalau ia tiada.

Tiap2 sa-orang Kĕpala Ěnam Sakawan ada sa-orang Pĕnolong yang mĕmakai satu lilit dan ia-lah yang mĕnggantikan Kĕpala Ěnam Sakawan itu bila2 ia tiada.

Ěnam2 Sakawan itu di-kĕnali mĕngikut warnanya—perang, perang muda (tawny) hitam dsb., dan budak2 itu mĕmakai tanda mĕngikut warna Ěnam Sakawan-nya tĕrbuat daripada sa-kĕping kĕchil kain tiga pĕrsĕgi di-jahitkan pada lĕngan baju kiri. Tiap2 Ěnam Sakawan di-bĕri satu pĕnjuru dalam Bilek (Den) & di-namakan Sarang. Ini-lah kawasan khas kĕpuny  an masing2 Ěnam Sakawan itu, dan hĕndak-lah tiap2 Anak Sĕrigala mĕrasa tĕmpat itu hak-nya bĕtul2. Suroh-lah mereka mĕnghias-nya dengan gambar2 binatang, pokok, burong atau gambar2 orang jika mereka suka, dan jika boleh, pakai-lah adang2 untok sarang itu supaya tĕrlindong dari yang lain. Galakkan budak2 itu supaya mĕnjaga Sarang-nya, biar kĕmas, dan lindongan tiap2 satu Sarang itu hĕndak-lah di-hormati yaani tidak boleh di-bebaskan kapada siapa2 sahaja; jadi kalau ada apa2 yang tĕlah di-gantongkan pada satu2 Sarang itu boleh-lah di-atorkan bagi lain2 Ěnam Sakawan datang mĕlawat-nya. D  engan ada-nya sarang2 ini jadi-lah ia sa-bagai pĕmbantu untok mĕngadakan dan mĕngĕkal-

kan suasana Hutan; maka supaya perkara ini tidak menjadi tawar atau basi, elok-lah sa-kali2 keluarkan hadiah kepada Sarang yang elok sa-kali jagaan-nya atau pun yang ménarek hati sa-kali.

### BAGAIMANA AKELA BOLEH BELAJAR

Banyak jalan-nya Akela boleh ménambahkan pengertahan-nya dalam Latehan Anak Sērigala dan Pengakap, walau pun jika di-pandang dengan sa-kali imbas tidak akan sempat Akela berbuat bagitu, tetapi kalau ia sa-orang yang bersunggoh2 tentu-lah dapat ia mengasingkan masa untok itu.

### MELAWAT LAIN2 PACK.

Ini ia-lah jalan yang sa-habis2 baik untok belajar. Daripada lawatan2 itu kita dapati permainan2 dan fikiran2 baharu, tetapi hendak-lah tuan bersedia akan membéri pula apa2 satu masa lawatan tuan ka-Pack itu.

### MÉMBACHA.

Térutama sa-kali bacha-lah majallah *Scouter* dan *Scout*.

Buku2 berhubong dengan permainan2 dan chérita2.

### PESUROHJAYA JAJAHAN DAN PÉNOLONG PESUROHJAYA JAJAHAN<sup>•</sup>ANAK SÉRIGALA.

Mereka ini sentiasa ada untok ménolong tuan dengan jalan membéri nasihat mengikut pengalamannya masing2, dan juga mengatorkan běberapa kérja bagi késemua sa-kali Pack dalam Jajahan itu.

## LATEHAN2.

Hēndak-lah tuan chuba mēnghadziri Latehan Pērmulaan (Preliminary Course) sa-bērapa sēgēra yang boleh. Tuan boleh mēndapat tahu akan hal ini daripada Pēsurohjaya Jajahan, dan latehan yang dēmikian itu ia-lah sa-baik2 asas untok Latehan Wood-badge yang pēnoh dēngan kēsēronokan dan satu pēluang bagi tuan mēngambil bahagian dalam Latehan Anak Sērigala sa-bagai yang di-lihat dan di-kētahuü oleh Anak2 Sērigala sēndiri. Pērhatikan-lah tarikh2 latehan itu di-adakan dan bērunding-lah dēngan Pēsurohjaya Jajahan tuan bērkēnaan dēngan hal itu.

Tētapi jangan-lah sa-kali2 bērharapkan yang tuan akan mēnjadi chukup "tērlateh". Jangan pēnah mēmikirkan yang tuan tēlah mēngētahuü sēgala2-nya bērkēnaan dēngan Latehan Anak Sērigala; bērsēdia-lah dan redza akan mēnēruskan bēlajar, sēntiasa mēnērima akan chadangan2 dan fikiran2 baharu sērtta sēntiasa mēnchuba hēndak mēnjadikan Pack tuan Pack yang sa-habis2 baik.

## BAB II

### RANCHANGAN2

Ranchangan2 yang di-atorkan di-sini bukanlah di-kēhēndaki tuan tiru bētul2 saperti itu, mēlainkan ia-lah hēndak mēnunjokkan gaya-nya ranchangan2 yang bērjaya. Ia-nya mēminpin Anak Sērigala itu dēngan lēmbut tētapi bēransor2 mara mēlaluī kēsēronokan pērmainan2 dan kēadaan Hutan hingga sampai kapada bērjēnis2 ujian. Tuan hēndak-lah mēnyusunkan ranchangan2 tuan sēndiri mēngikut sachara yang sa-suai dēngan Anak2 Sērigala dan kēadaan tēmpat sērta Pack tuan itu.

#### Pērjumpaan Pērtama

Pērkara yang pērtama sa-kali hēndak di-buat pada pērjumpaan pērtama ini ia-lah mēngēnal dan mēngambil tahu akan hal budak2 itu dan mēnēntukan bahawa mēreka ada bērgēmbira, ia-itu kērja2 yang tidak payah mēmbuat-nya. Masa budak2 itu tiba, ambil-lah nama-nya dan lain2 kētērangan yang bērsangkut dēngan-nya jika bēlum tuan dapati, dan jikalau tuan bolch mēngingati nama2 mēreka bēsarlah pērtelongan-nya kapada tuan, dan juga mēnjadikan budak2 itu mērasa tidak sēgan2.

#### PĒRMAINAN. *Sang Kēlēmbai.*

Mulakan dēngan satu pērmainan yang mudah dan ranchak saperti ini ia-itu pērmainan yang mēnjadikan tiap2 sa-orang bērgērak bērsepah2 dan bēr-

champor gaul. Tेrangkan lēbeh dahulu bagaimana gaya mēmainkan-nya, tētapi ingat-lah masa tuan bēr-chakap itu budak2 di-kēhēndaki sēmua-nya diam.

Pileh dua orang budak yang rupa-nya mēnasa-bah mēnjadi Sang Kēlēmbai yang bērkuasa mēnukar-kan sa-saorang manusia mēnjadi batu. Kērja mēre-ka ia-lah mēngējar budak2 yang lain itu, dan barang siapa yang di-sēntoh-nya hēndak-lah dudok mēn-changkong mēnjadi batu sa-hingga di-lēpaskan (di-sēntoh) oleh salah sa-orang kawan-nya dan ia boleh lari sa-mula. Tujuan kēdua2 Sang Kēlēmbai itu ia-lah hēndak mēnjadikan batu sēmua budak yang lain itu dalam satu tempoh yang di-hadkan. Di-akhir dua atau tiga minit, rēntikan-lah pērmainan itu dan kira bērpa orang yang mēnjadi batu pada kētika itu. Pileh dua orang lain pula mēnjadi Sang Kēlēmbai dan ulang-lah pērmainan itu. Pasangan yang banyak sa-kali dapat mēnjadikan batu masa di-hitong, mēreka-lah mēnañg. Barangkali tidak chukup waktu untok tiap2 orang hēndak mēnjadi Kēdēmbai, tētapi ada pēluang bagi mēreka di-waktu yang lain Hēndak-lah di-tēntukan yang pēnolong2 tuan masok bēr-champor dalam pērmainan itu, dan tuan sēndiri pun main bērsama2 — pērmainan itu kēlak jadi bērtam-bah2 mēriah.

## PĒNGAJARAN.

Sēkarang Anak2 Sērigala itu tēlah mēngēluar-kan sadikit wap dari tuboh-nya, maka surohkan-lah mēreka dudok dan bērchērita-lah kapada mēreka itu chērita Mowgli sa-bagai yang tersēbut dalam Pan-duan Anak Sērigala, hidangan yang pērtama, supaya mēreka mēngerti apa ērti-nya Pack Anak Sērigala.

Térangkan apa maksud pérkataan Baloo, Bagheera dll. dan ajar mèreka měmbunyikan pérkataan2 itu. Luaskan lagi chérita itu dan galakkan-lah mèreka měmbéri fikiran dan pěndapatan masing2.

Tunjokkan kapada mèreka bagaimana měmbuat Bulatan Pack (Bulatan Batu dan Bulatan Běsar), jangan masokkan Laung To' Guru dahulu, lihat *Panduan Anak Sērigala*, hidangan yang pěrtama. Suroh mèreka běrlateh měmbuat-nya běběrapa kali, suroh-kan mèreka pěrgi běrsepah2 dalam kawasan itu, kěmudian těriak, "Pack, Pack, Pack," dan suroh mèreka běrlari děngan chérgas pěrgi ka-těmpat masing2. Kěmudian sěbutkan kapada mèreka itu bahawa Anak2 Sērigala ada chara ia měmbéri hormat (salute) sama sěndiri, dan Sērigala2 Tua hěndak-lah měnunjokkan bagaimana gaya měmbuat-nya děngan kěmas.

#### PĚRMAINAN. *Dalam Kolam, atas Těbing.*

Gariskan satu bulatan běsar atau tandakan děngan kapor di-atas tanah měnjadi sa-bagai kolam, dan Anak2 Sērigala běrdiri běrkěliling di-luar kolam ia-itu di-atas těbing. Bila di-běri pěrentah, "Dalam kolam," městi-lah mèreka mělompat ka-dalam "kolam", dan bila tuan kata, "Atas těbing", městi-lah mèreka mělompat balek ka-těmpat-nya yang asal. Ulangi-lah pěrentah ini běběrapa kali, chěpat2 sadikit, dan kěmudian buat2 pěrentah yang těrsilap, sama ada "Atas kolam" atau "Dalam těbing"; kalau bagitu bunyi pěrentah-nya siapa2 pun ta'boleh běrgěrak, dan barang siapa běrgěrak di-kira mati. Pěrmainan itu di-těruskan sa-hingga tinggal sa-orang Anak Sērigala dan ia-lah měnang.

Oleh sēbab banyak budak2 yang di-kira mati tiap2 kali di-bēri pērentah itu, maka pērmainan ini tidak mēngambil masa yang lanjut dan boleh-lah di-ulang sa-kali atau pun dua kali lagi.

Satu jalan lagi mēmainkan-nya, budak2 itu tidak di-kira tērus mati, tētapi tiap2 sa-kali ia tērsilap di-kira hilang satu nyawa-nya.

### KĒRJA-BINTANG. *Simpulan.*

Anak2 Sērigala itu tēntu hēndak mērasa yang mēreka tēlah bēlajar satu2 pērkara khas masa mēreka pulang kēlak, ia-itu sa-suatu yang tidak di-kētahuï oleh kawan-nya yang bukan Anak Sērigala, jadi ini-lah masa-nya bagi mēngajar mēreka bagaimana gaya yang bētul mēmbuat simpulan. Simpul buku sila sēnang mēmpēlajari-nya, oleh itu mulakan-lah dēngan simpulan ini, bēri tiap2 sa-orang budak sa-utas tali. Bēnar juga sa-barang budak tahu mēmbuat simpulañ, siapa yang ta'tahu? Tētapi apa-kah jēnis simpulan-nya, sa-tēngah-nya mēmakai tali yang bēr-jela2 panjang-nya dan bērjam2 pula lama-nya masa hēndak mērungkai-nya, kadang2 tērungkai pula sēndiri-nya pada hal kita bērkēhēndakkan ia tērsimpul. Ini ada satu simpulan yang amat sēnang dan tidak pērnah tērungkai sēndiri-nya sērta amat bērguna pu-la..... yang dēmikian tuan dapat mēnarek hati budak2 itu, dan boleh pula di-tambah asam garam-nya masa tuan mēngajar itu dēngan mēnunjokkan simpulan2 yang bērputar bēlit atau salah masok pun-cha-nya yang di-buat oleh orang2 yang tidak pērnah jadi Anak Sērigala. Maseh banyak lagi orang yang mēngajar Anak Sērigala bērkata bagini, "Buku sila, puncha kiri di-atas puncha kanan, puncha ka-

nan atas puncha kiri”, kemudian mereka membiarkan budak2 membuatnya sendiri. Barangkali yang demikian itu betul juga, tetapi sangatlah menjadikan bosan kapada budak2 kecil.

Jikalau Anak2 Serigala tuan lekas pandai-nya membuat buku sila, chuba-lah duga siapa yang boleh siap dalam masa tuan menghitung dari satu hingga sa-puloh. Kemudian chuba pula membuat simpulan itu di-belakang atau dengan pujam mata atau pun sambil berbaring dll. supaya menjadikan kerja itu seberapa seronok yang boleh.

#### PERMAINAN. *Sebat kawan.*—

Sekarang budak2 itu sedia pula untok satu permainan lagi, maka beri-lah permainan ini, dan saya perchaya ta’lama kelak ia akan jadi satu permainan yang di-gemari.

Buat satu bulatan besar; semua-nya membongkok, tangan ka-belakang. Sa-orang budak keluar dengan memegang sa-helai kain leher yang bersimpul puncha-nya. Ia lari berkeling di-luar bulatan, dan dengan perlahan2 meletakkan kain leher itu dalam tangan salah sa-orang Anak2 Serigala itu serta ia lari balek ka-tempat-nya dengan seberapa cepat. Anak Serigala yang dapat kain leher itu chuba menyebat budak yang di-kanan-nya sa-belum ia sempat keluar dan lari berkeling hingga sampai balek ka-tempat-nya. Penyebat itu boleh menyebat sa-bberapa kali yang dapat hingga yang di-kajar terselamat di-tempat-nya; pengajar terus berlari untok meletakkan kain leher itu ka-tangan Anak Serigala lain pula. Teruskanlah permainan itu hingga seberapa lama yang

di-kēhēndaki, atau pun sa-bērpa pendek yang di-sukai, tētapi hēndak-lah di-rēntikan sa-bēlum budak2 itu jēmu.

## CHĒRITA.

Sēkarang panggil-lah budak2 itu ka-Bulatan Pack dan sēbutkan sadikit bērkēnaan dēngan kēkē-masan diri, bēri tahu mēreka bahawa pada pērjumpaan yang akan datang mēreka itu akan di-pēreksa, ia-itu tangan, kuku, lutut dan gigi-nya, jadi tuan boleh-lah mēngharapkan suatu kumpulan budak2 yang kē-mas minggu hadapan. Sēbut juga fasal yuran, dan tēgaskan mustahak-nya mēmbayar yuran dēngan tē-tap; tērangkan sa-kurang2-nya ka-mana sa-paroh daripada wang itu akan pērgi, ia-lah mēmbēli pērka-kas umpama tali dan kapor sa-bagai yang digunakan oleh mēreka pētang itu. Boleh jadi mēreka mēmi-kirkan wang itu hanya masok saku tuan kalau tidak di-tērañgkan ka-mana pērgi-nya!

Kēmudian boleh-lah budak2 itu pulang, dan uchapan “Sēlamat malam” daripada Sērigala2 Tua kapada tiap2 sa-orang budak itu boleh mēnjadikan mēreka mērasa bahwa tuan ada mēngambil bērat akan mēreka itu, dan yang dēmikian itu amat-lah elok-nya.

Tuan tēlah mēndapat pēluang mēmērhatikan budak2 itu dan mēnandakan siapa2 yang tuan fikir mēnasabah di-jadikan Kēpala Ėnam Sakawan. Rundingkan-lah pērkara ini dēngan Pēnolong2 tuan, akan-tētapi jangan-lah di-tētapkan dahulu jawatan itu sa-hingga tuan dapat mēngētahuï akan hal budak2 itu

dengan lēbeh jēlas lagi. Tuan boleh mēmileh sa-orang budak bēkērja sa-bagai Kēpala Ěnam Sakawan bērgilir<sup>2</sup> bagi satu minggu sa-lama sa-bulan dua.

## Pērjumpaan Kēdua

Boleh jadi Anak<sup>2</sup> Sērigala itu ingat atau tidak akan sēgala pēngajaran tuan pada minggu yang lalu bērkēnaan dēngan bērkumpul dalam satu bulatan, sēbab itu hēndak-lah sēbutkan dahulu kapada mē-reka bahawa tuan hēndak mēlihat siapa<sup>2</sup>-kah yang elok pēringatan-nya, kēmudian laung-lah "Pack, Pack" Pack, dan pērhatikan apa<sup>2</sup> yang bērlaku. Kalau elok pēringatan mēreka, tēruskan-lah kērja<sup>2</sup> tuan. Tērangkan bērkēnaan dēngan Ěnam Sakawan dan Sarang sērta pileh Kēpala<sup>2</sup> Ěnam Sakawan untok pētang itu. Kēpala<sup>2</sup> ini mēmileh ahli<sup>2</sup> Ěnam Sakawan-nya dēngan jalan bērgilir<sup>2</sup> mēngambil lēpas sa-orang sa-orang budak<sup>2</sup> yang lain itu. Namakan satu<sup>2</sup> Ěnam Sakawan itu mēngikut satu<sup>2</sup> warna bagi pētang itu dan bēri pula satu tēmpat bagi sarang masing<sup>2</sup>.

Pērkara yang akan di-buat lēpas itu ia-lah jadi-kan barisan bērbuntut<sup>2</sup> di-bēlakang Kēpala Ěnam Sakawan. Barisan bagini sangat mustahak bagi mē-mulakan mēndapat kēchērgasan, kērana ia-itu sēlalu di-gunakan dalam pērmainan<sup>2</sup>. Boleh tuan suroh-kan Kēpala Ěnam Sakawan itu bērdiri pada sa-barang tēmpat, dan bila tuan sēbut "Lari" hēndak-lah Anak<sup>2</sup> Sērigala itu bērlari dan bērator dēngan chērgas di-bēlakang-nya; barisan yang lurus sa-kali mēnang. Ulang-lah bēbērapa kali sa-hingga pērbuatan-nya chukup linchin dan chērgas.

## PĚPĚREKSAAN.

Surohkan budak2 itu pěrgi ka-sarang-nya masing2 kérana pěpěreksaan ini. Untuk di-pěreksa, Anak2 Sērigala itu bērbaris mēmanjang dēkat sarang-nya dēngan gaya bērsēnang diri; bila tuan sampai ka-situ, Kēpala Ěnam Sakawan mēmērentahkan Ěnam Sakawan-nya sēdia dēngan pērkataan "Merah (atau lain2 warna), alert". Tuan pun mēmbēri hormat (salute) kapada Kēpala Ěnam Sakawan itu (dan kalau Kēpala Ěnam Sakawan itu tēlah di-lantek ia akan mēmbēri hermat kapada tuan), kēmudian pēreksla-h tangen, kuku, gigi, lutut-nya dll., lēpas itu pē-reksa pula ahli2 Ěnam Sakawan-nya, buat-lah sa-chara bēria2 supaya mēnarek kēpērchayaan Anak2 Sērigala itu sērta dapat mēnchapai darjah kēbērsehan dan kēkēmasan yang tinggi. Anak2 Sērigala sēlalu sarong kaki-nya bērlubang, akan tētapi yang dēmikian itu bukan-lah kēsalahan mēreka sēndiri, jadi tēntang ini tērgulang-lah kapada Akela sēndiri mēnyēlēsaikan-nya mēngikut apa yang baik pada fikiran-nya.

Pěpěreksaan itu patut di-adakan di-awal pēr-jumpaan, kérana kalau mēreka tēlah lama mēmula-kan kērja tēntu-lah kēbērsehan-nya tidak sa-bagai mula2 ia sampai tadi lagi.

## PĚRMAINAN. *Bērlaga kambing.*

Jadikan dua pasokan. Kēdua2 pasokan itu di-bawah kētua masing2 bērdiri bērhadapan sa-jauh ki-ra2 ēnam ela. Hantarkan sa-orang Anak Sērigala dari tiap2 satu pehak kēluar bērkētinting di-atas sa-bēlah kaki, tangan-nya di-sēngkēlingkan ka-bēlakang. Kērja masing2 ia-lah hēndak mēnjadikan lawan-nya bērdiri di-atas kēdua bēlah kaki, atau pun supaya

tangan-nya tērlēpas dari bēlakang. Mēreka bērkē-tinting itu boleh mēnukar kaki dēngan sharat tidak kēdua2 kaki-nya sa-kali mēmijak tanah. Bila sa-sa-orang budak tēlah di-kalahkan ia mēmehak kapada lawan-nya. Pehak yang ramai orang-nya masa dibunyikan whistle ia-lah mēnang.

Lēpas pērmainan ini, surohkan Anak2 Sērigala itu pērgi ka-sarang masing2, tuan panggil Kēpala2 Ěnam Sakawan dan bēri kapada-nya chukup tali un-tok sa-orang sa-utas supaya bērlateh mēmbuat sim-pulan buku sila barang sa-minit dua. Sērigala2 Tua boleh-lah bērchampor dēngan Ěnam Sakawan itu dan bēri pērtolongan jika mustahak.

## BĒRGANTI2. *Simpulan buku sila.*

Ěnam2 Sakawan bērator bērbuntut2 di-bēlakang Kēpala Ěnam Sakawan dan dudok. Sa-utas tali bagi tiap2 satu Ěnam Sakawan lētakkan di-atas tanah jauh di-hadapan, dan Akela bērdiri jauh lagi dari situ. Bila di-bēri hukum “Mulai”, Anak Sērigala yang pērtama dalam satu2 Ěnam Sakawan itu lari ka-tēmpat tali, buat simpul buku sila, lari dēngan-nya kapada Akela; yang tiba mula2 dēngan buku sila yang bētul dapat satu mata. Anak Sērigala itu mērungkai sim-pulan-nya dan lētakkan balek tali itu pada tēmpatnya dan ia balek dudok di-bēlakang pasokan-nya. Ulangi pērmainan itu sa-hingga tiap2 sa-orang Anak Sērigala mēndapat giliran-nya; kēmudian sēbutkan jumlah mata masing2 pasokan dan bēri sorak kapada Ěnam Sakawan yang mēnang. Kēpala2 Ěnam Sakawan boleh mēngira mata itu, tētapi di-kēhēndaki juga sa-orang Sērigala Tua mēngira sama kalau2 ada yang tērsilap.

## PĒNGAJARAN. *Undang2 Anak Sērigala.*

Ini ia-lah kērja yang khas bagi Akela. Ia sa-orang sahaja-lah yang boleh mēngajar Undang2 dan Pērsētiaan Anak Sērigala.

Amat mustahak mēmasokkan bētul2 sēmangat Undahg2 itu kapada budak2 itu dari mula2 lagi, kērana pada-nya-lah banyak tērlētak burok baik Pack tuan itu. Biasa-nya pērkara Undang2 ini di-tērangkan kapada sa-orang bērdua budak sahaja pada satu2 masa, tētapi bila mēmulai satu Pack dēngan budak2 baharu dan muda bēlaka, boleh-lah di-ajar bēramai2. Biarkan mēreka bērkumpul bērkēliling dan dudok dēngan sēdap sērta sēbutkan yang mēreka akan bēlajar satu pērkara yang sēlalu kēna di-pēlajari dari sēmēnjak Anak Sērigala di-mulakan lagi.

Tērangkan kapada mēreka apa-kah undang2 itu, dan bagaimana undang2 itu di-buat supaya mēnjadi-kan orang þersukachita. Ini-lah Undang2 mēreka:

Anak Sērigala mēngikut kata Sērigala Tua,  
Anak Sērigala tidak mēngikut kata hati-nya sēndiri.

Hēndak-lah tuan tērangkan maana-nya. Untok bahagian yang pērtama boleh-lah tuan mithalkan kapada binatang dēngan anak2-nya — kuching dēngan anak2-nya, sērigala dalam hutan dēngan anak2 sērigala-nya — askar2, kēlasi2 dll., sēmua-nya kēna tundok kapada sa-orang yang bērkuasa pēnōh untok kēbaikan mēreka sēndiri dan dēngan itu sēgala2-nya boleh bērjalan dēngan lichin. Maka bagitu juga-lah kēadaan-nya dēngan Pack. Tērangkan yang “Sērigala Tua” itu ia-lah sa-saorang yang bērkuasa — Emak, Bapa, Guru dll., dan Anak Sērigala yang tulin ia-lah

budak yang taat kepada undang2, baik ada orang mēmērhatikan-nya atau tidak.

Bahagian yang kedua Undang2 itu — “Anak Sērigala tidak mēngikut kata hati-nya sēndiri” maana-nya kita tētap mēnjauhkan satu2 pērkara itu walau pun hati kita ingin sangat hēndak pērgi kapada-nya. Barangkali ada satu kērja yang bosan kita hēndak mēmbuat-nya, dan rasa hati kita ingin hēndak mēmbuat satu kērja yang lain, tētapi oleh sēbab kita Anak Sērigala maka kita tidak akan bērganjak hingga kērja itu siap. Dan lagi dalam jiwa kita ini ada suara yang sēlalu mēnyuroh kita bērbuat pērkara yang kita tahu salah, umpama mēnipu di-sēkolah atau mēmbuat satu2 hal yang kēji atau pun apa2 yang kita tahu boleh mēndatangkan aib. Kita tidak mēngalah dēngan mudah mēlainkan kita bērkata “Tidak” dan bisekkan kapada diri kita sēndiri: Anak Sērigala *tidak* mēngikut kata hati-nya sēndiri. Bagitu-lah sa-tērusnya. Korek-lah pērasaan dan fikiran budak2 itu bērkēnaan dēngan hal ini, maka ta’lama kēlak dapat-lah tuan mēngētahuī ada-kah mēreka faham apa2 yang tēlah tuan katakan. Suroh-lah mēreka mēngikut tuan mēnyēbut Undang2 itu supaya mēreka hafadz.

Sēkarang sa-sudah waktu yang tidak ranchak ini Anak2 Sērigala itu akan bērsēdia bagi satu pērmainan yang hidup, jadi bēri-lah mēreka bērmain “*Shere Khan dan Mowgli*”.


#### PĒRMAINAN. *Shere Khan dan Mowgli.*

Bapak Sērigala, Ėmak Sērigala dan sēmua Anak2 Sērigala buat barisan bērbuntut2 dēngan Mowgli (ia-itu budak yang kēchil sa-kali) di-bēlakang. Tiap2 sa-orang mēmēgang pinggang orang yang di-hadapannya.

Kēmudian datang-lah Shere Khan sang harimau. Ia hēndak mēnangkap Mowgli — tētapi tiap2 kali ia mēnchuba hēndak mēnangkap-nya, Bapak Sērigala pun mēngadang akan dia dan Anak2 Sērigala yang bērangkai2 itu mēnchuba mēlindongkan Mowgli dibēlakang-nya. Ada pun Mowgli itu ada mēnyēlit-kan sa-hēlai kain leher di-chēlah baju kurong dibēlakang-nya jadi sa-bagai ekor; maka jikalau Shere Khan dapat mērampas ekor-nya itu dalam tempoh tiga minit, mēnang-lah ia dalam pērmainan itu; kalaupun tidak, Sērigala-lah mēnang.

## BĒRGANTI2. *Pusing kēliling.*

Ēnam2 Sakawan bērbaris bērbuntut2 dēngan Kēpala ēnam Sakawan di-hadapan sa-kali tēntang tanda mula. Jauh ka-hadapan bersatēntang dēngan tiap2 satu ēnam Sakawan lētakkan satu halangan sa-pērti kērusi atau songkok untok di-kēlilingi oleh Anak2 Sērigala itu.



Bila di-bēri alamat, Anak Sērigala yang pērtama dari satu2 ēnam Sakawan pun lari-lah ka-hadapan bērkēliling halangan tadi, kēmudian lari balek sēntoh orang yang kēdua; orang yang kēdua ini lari sa-

bagai yang pertama tadi. Bagitu-lah bĕrgilir<sup>2</sup> hingga habis. Tiap<sup>2</sup> sa-orang Anak Sĕrigala itu masa balek ka-pasokan-nya hĕndak-lah pĕrgi ka-bĕlakang barisan supaya dapat di-tentukan Ěnam Sakawan yang mĕnang ia-itu yang mula sa-kali bĕrdiri tĕgak dan bĕtul susunan-nya.

### PĒRMAINAN. *Pérmainan Kim.*

Untuk pérmainan ini hĕndak-lah di-sediakan kira<sup>2</sup> sa-puloh jĕnis barang yang biasa di-tengok oleh Anak<sup>2</sup> Sĕrigala — pisau lipat, sumbat botol, songkok dll., dan juga sa-batang pencil dan sa-kĕping kĕertas bagi tiap<sup>2</sup> satu Ěnam Sakawan. Lĕtakkan barang<sup>2</sup> itu pada suatu tĕmpat yang dapat Anak<sup>2</sup> Sĕrigala itu bĕrkumpul bĕrkĕliling-nya dan mĕlihat sĕrta mĕ-ninggati akan bĕnda<sup>2</sup> itu dĕngan sĕnyap sa-lama kira<sup>2</sup> dua minit. Kĕmudian di-tudong atau ubah bĕnda<sup>2</sup> itu ka-tĕmpat lain, dan surohkan Anak<sup>2</sup> Sĕrigala itu pĕrgi ka-sarang masing<sup>2</sup> lalu mĕnuliskan nama sa-bĕrapa banyak bĕnda itu yang di-ingati-nya. Mĕnuliskan ini boleh di-buat bersaorangan atau oleh Ěnam Sakawan sa-kali di-tuliskan oleh Kĕpala Ěnam Sakawan. Chara yang kedua itu di-agakkan lĕbeh baik untuk kali yang pertama. Surohkan Kĕpala<sup>2</sup> Ěnam Sakawan bĕrtukar kĕertas jawapan untuk mĕ-mĕreksa-nya, dan masa itu juga barang<sup>2</sup> tadi di-tunjokkan sa-mula. Pérmainan ini lain daripada mĕ-nyukakan hati luar biasa pula faedah-nya bagi mĕlateh Anak<sup>2</sup> Sĕrigala itu bĕrkĕnaan dĕngan mĕnumpu-kan fikiran dan mĕlateh pĕringatan.

*Tambahan.*— Kalau ada apa<sup>2</sup> kĕnyataan kapada budak<sup>2</sup> itu boleh-lah di-sĕbutkan dan langsung lĕ-paskan pulang.

## Pérjumpaan Kétiga

Pileh Képala Ěnam Sakawan yang lain untok pētang itu.

Pépereksaan. Mémungut yuran.

### PĒRMAINAN. *Bisa.*

Dirikan satu Indian club, sa-kétul kayu, atau lain2 yang sa-umpama itu di-atas tanah, dan Anak2 Sērigala bērdiri bērpēgang2 tangan di-kēliling-nya. Mēreka mēnarek tangan kawan-nya dēngan kuat supaya salah sa-orang tērsepakkan dan mēnumbangkan kayu itu. Siapa2 yang mēnumbangkan kayu itu di-kira mati, hingga tinggal sa-orang sahaja dan ia-lah mēnang. Bēnda yang di-tēngah itu hēndak-lah yang mudah tumbang dan tinggi-nya sa-kira2 payah hēndak mēlompati-nya. Bulatan itu hēndak-lah bērgērak bērkēliling bēnda itu, mula2 ka-satu arah kēmudian ka-satu arah lagi.

Pērmainan ini boleh di-mainkan lēbeh daripada sa-kali kalau chēpat habis-nya supaya ada pēluang kapada budak2 yang lēkas di-kira mati.

### KĒRJA-BINTANG. *Simpulan.*

Sēkarang kita akan bēlajar sa-jēnis lagi sim-pulan yang hēndak di-pakai bila2 simpulan buku sila tidak dapat di-gunakan. Simpulan ini di-namakan bunga gēti, yang guna-nya untok mēnhubongkan tali yang tidak sama bēsar. Kalau kita gunakan buku sila bagi mēnhubongkan tali yang bagini tidak kuat simpulan-nya (chuba tunjokkan) jadi kēna-lah kita pakai simpulan khas yang sangat sēnang mēmbuat-nya ini. Simpulan ini-lah juga yang baik sa-kali di-pakai masa mēngikatkan tali pada tanjul.

Masa mēngajarkan bunga gēti kapada Anak2 Sērigala, chuba gunakan tali2 yang tidak sama bēsarnya, tētapi kalau tidak dapat tali2 itu gunakan-lah tali yang bēlainan2an warna, atau pun sa-utas tali kasar dēngan tali yang halus. Barangkali simpulan ini payah sadikit bagi Anak2 Sērigala itu mēmpēla-jari-nya daripada buku sila, tētapi siapa2 yang chēpat pandai-nya boleh-lah di-surohkan mēmbantu mana2 yang lambat, kēmudian bēri-lah sadikit pērlawanan di-antara mēreka sa-bagai yang di-buat pada buku sila.

### PĒRMAINAN. *Chari bēnda.*

Kalau chuacha baik, hantarkan-lah Anak2 Sērigala pērgi mēnchari bērbagai2 bēnda sa-panjang2 tēpi jalan, sēbutkan pada mēreka itu yang tuan hēndak mēnengok siapa yang tajam sa-kali mata-nya dan pantas sa-kali kaki-nya. Bēri tiap2 satu Ěnam Sakawan satu daftar bēnda2 yang hēndak di-chari umpama sa-kēping ticket bus, kotak korek api, buah ru, biji gētah, dan sa-bagai-nya, kira2 sapuloh atau dua bēlas jēnis bēnda yang tidak bērapa payah mēndapat-nya, dan janjikan-lah suatu hadiah kēchil kapada Ěnam Sakawan yang mula2 sampai balek sērta chukup bēnda2 sa-bagai dalam daftar. Kalau tēmpat pērjumpaan itu di-dalam kampong, boleh-lah tuan masokkan dalam daftar itu bēnda2 yang lēbeh mēnasabah saperti ekor lēmbu, batang padi, bunga hutan dll. Ini boleh mēnjadikan budak2 itu bērlari sērta mēnghisap udara bērseh, dan apabila sēmua-nya tēlah sampai balek sērta mēnchēritakan hal bēnda2 itu, maka mēreka pun bērasa pēnat dan dudok diam bērsedia untok kērja yang akan da-

tang. Hadiah kēchil yang di-janjikan itu barangkali dua biji gula2 bagi sa-orang dalam Ėnam Sakawan yang mēnang, dan kalau chukup gula2 itu untok sēmuanya sa-kali, sa-orang sa-biji bagi yang lain2 itu, suka bēnar-lah hati mēreka.

### PĒNGAJARAN. *Pērsētiaan Anak Sērigala.*

Pērsētiaan ini pun sa-bagai Undang2 juga ia-itu mēnjadi tanggongan Akela sēndiri bagi mēngajar-kan-nya, maka hēndak-lah ia mēnēntukan bahawa Anak2 Sērigala itu mēngerti bētul apa yang hēndak di-sētiakan-nya dan mustahak-nya mēnunaikan sa-suatu pērsētiaan bila sudah di-buat. Pērsētiaan bukan chakap2 mulut atau sumpah pēlēsu yang sēlalu di-sēbut2 orang itu, mēlainkan ia-lah suatu pērkara yang tidak boleh di-main2kan, oleh itu hēndak-lah kita mēmbuat pērsētiaan yang kita tahu dapat kita mēngērjakan-nya, tētapi bila kita buat sahaja pērsētiaan itu kēna-lah kita mēmbuat sa-habis2 upaya bagi mēnyēmpurnakan-nya.

Kita buat habis baik — maana-nya chuba sa-habis2 *upaya*; tidak akan mēngalah walau bagaimana susah sa-kali pun nampak-nya kērja itu, dan kita tidak akan bērpuas hati sa-hingga kita siapkan dēngan chukup bagus. Habis baik kita mēsti-lah sē-lalu “chukup bagus”.

“*Kēwajipan kita kapada Tuhan.*” “Kēwajipan” maana-nya ia-lah sa-suatu yang mēsti di-buat, kērana ia-itu sudah di-undang2kan atau pun sa-suatu yang sudah mēnjadi amalan kērana pērkara itu elok. Kita mēmbuat kēwajipan kita kapada orang lain kērana kita hormati atau kaseh akan mēreka itu. Itulah sēbab-nya tidak pērnah kita mēmbuat sa-suatu yang boleh mēnyakiti Emak atau Bapa kērana kita

kaseh kapada mereka itu, dan ada-lah mēnjadi kēwajipan kita mēnurut pērentah-nya dan baik hati kapada-nya.

Tuhan ada-lah amat murah lagi mēngasehani. Ia sēntiasa mēmēliharakan kita, Ia mēlihat barang apa yang kita lakukan dan mēngētahuī apa2 yang tērfikir oleh kita. Oleh itu kēwajipan kita kapada Tuhan ia-lah kērjakan sēgala surohan-nya dan jauhi sēgala tēgahan-nya. Shukor-lah kapada-nya pada sa-barang masa dan sēlalu-lah minta pērtolongan-nya pada masa kita dalam kēsusahan.

*Kēwajipan kita kapada Queen dan Raja* maana-nya hēndak-lah kita mēnurut undang2-nya kērana ia-lah yang mēnjadi kētua di-dalam nēgēri tēmpat kita tinggal. Kalau di-mithalkan kapada satu Pack yang bēsar maka ia-lah yang mēnjadi Akela. Undang2 itu di-buat dalam sa-sabuah nēgēri untok mēmbantu supaya kērajaan nēgēri itu bērjalan dēngan lichin dan elok sērta isi nēgēri-nya bērsukachita dan nēgēri itu kuat. Sama-lah kēadaan-nya sa-bagai dalam pērmainan bola sepak — kalau ahli2-nya tidak mēngikut undang2, maka rosak-lah pērmainan itu dan tiap2 sa-orang bērkēlahi sērta tiada siapa pun mahu mēlihat-nya. Undang2 itu tēlah di-atorkan supaya orang bērsukachita, jadi hēndak-lah kita turut akan dia. Kita sēntiasa mēnunjokkan hormat kita kapada Queen dan Raja dēngan bērdiri tētap bila2 Lagu Kēbangsaan di-bunyikan, dan dēngan jalan mēnggunakan bahasa yang bēradab masa mēmpērkatakan hal mereka itu.

Kita tēlah bēlajar akan *Undang2 Pack Anak Sērigala* dan kita tēlah chukup faham akan maana-nya, jadi kita akan mēmbuat habis baik untok mēnunai-

kan-nya. Kalau sa-kira-nya sa-kali2 dēngn diam2 kita buat jari kita sa-bagai mēmbēri hormat masa tangan itu lurus ka-bawah maka ia akan mēngingat-kan kita dua Undang2 itu dan mēmbantu supaya kita mēnjaga Pērsētiaan kita.

*Mēmbuat baik pada orang tiap2 hari.* Maana-nya ini sa-kurang2-nya satu kēbaikan, dan biasa-nya ada sahaja satu kērja yang boleh kita buat bagi mēno-long sa-saorang walau pun dēngan tidak di-chari2 di-sēbabkan kita lēbeh suka hēndak bērlari ka-lain dan pērgi bērmain2. Rasa kita, kalau kita buat2 tidak nampak akan kērja itu, hati kita akan bērasa lēbeh sēnang kērana dapat lēbeh waktu untok bērmain, tētapi yang sa-bēnar-nya tidak bagitu. Kita akan mērasa sērba salah, fikiran kita tidak sēnang dan mēnjadikan pērmainan itu tidak sēronok, dan walau bagaimana pun bērsunggoh2-nya kita bērmain sērta bagaimana pun kuat-nya kita tērtawa, ada-lah juga tērdēngar kapada kita suara halus sayup2 bunyi-nya yang bērkata, "Kamu bukan-nya sa-orang Anak Sērigala yang baik, sa-patut-nya kamu bērhēnti dan mēmbuat kērja itu tadi." Tētapi sa-balek-nya kalau kita tidak mēmikirkan hal diri kita sahaja, mēlainkan mēnchuba mēnjadikan orang lain bēr-sukachita dēngan pērtolongan dan baik hati kita maka ia-itu akan mēmbēri kita pērasaan puas hati yang pēnōh dan kita rasa badan kita tēlah mējadi dua kali ganda bēsar-nya. Kita mērasa pēnōh sē-mangat dan sēgala2-nya mēndatangkan kēsukaan dēngan tidak payah mēmēkek2 — kēsukaaan itu datang sēndiri-nya sahaja kapada kita.

Amat banyak kēbaikan kēchil2 yang boleh kita buat, dan tiap2 sa-orang Anak Sērigala dapat mēmi-

kirkan sa-kurang2-nya satu kēbaikan untok di-buat-nya. Sēkarang mari-lah kita sēbut sahaja lagi akan Pērsētiaan itu dan fikirkan apa maana-nya tiap2 satu bahagian.

## PĒRMAINAN.

Sēkarang di-kēhēndandaki-lah satu pērmainan yang ranchak dan elok-lah di-suroh Anak2 Sērigala itu mēmileh satu daripada pērmainan2 yang tēlah di-pēlajari-nya.

### Pērjumpaan Kēēmpat

Pēpēreksaan dan Mēmungut yuran.

## ISHARAT2.

Hari ini kita tidak tērus mēmbuat pērmainan, tētapi bagi ganti-nya kita akan mēnchuba mēmbuat isharat2 yang boleh mēngantikan kita bērkata2. Orang2 Red Indian ada mēmpunyaï isharat2 yang boleh mēngantikan bahasa-nya, mithal-nya dēngan satu gērakan jari atau tangan boleh mēmbawa maana satu ayat sa-kali. Mari-lah kita chuba buat sadikit. Akela akan mēmbēri isharat dan Anak2 Sērigala mēn-tērjēmahkan-nya.

1. Tangan lurus ka-hadapan sama tinggi dēngan bahu, tapak tangan ka-dalam, maana-nya — Ėnam Sakawan bērbaris bērbuntut2 di-bēlakang Kēpala Ėnam Sakawan.
2. Tangan bērsilang — Dudok.
3. Tangan di-tēngah2 antara bahu dēngan pa-ha — Dudok mēnchangkong.
4. Tangan dēpa sama tinggi dēngan bahu — Lari buat satu bulatan bērkēliling Akela.

Bagi pĕrmulaan ini mĕmadai-lah yang ēmpat jĕnis itu dan mari-lah kita bĕrlateh, mula2-nya dĕngan pĕrlahan2, kĕmudian chĕpat2 sadikit. Lĕpas itu boleh di-jadikan dia sa-bagai pĕrmainan ia-itu Anak2 Sĕrigala yang lambat sa-kali sampai ka-tĕmpat-nya di-kira hilang satu nyawa.

### BĒRGANTI2. *Kĕtinting.*

Anak2 Sĕrigala bĕrbaris bĕrbuntut2 (pakai isharat).

Nombor 1 bĕrkĕtinting ka-satu bulatan yang di-gariskan di-atas tanah, mĕlompat di-dalam-nya sa-puloh kali, kĕmudian bĕrkĕtinting balek dan sĕntoh orang nombor 2. Ulang-lah hingga habis.

Pĕringatan.—Pĕrhatikan biar bĕtul pĕrmulaannya dan elok pĕnghabisan-nya.

### PĒRMAINAN. *Baling bola.*

Mula2-nya tunjokkan gaya yang bĕtul mĕnyambut bola kĕmudian bĕri pĕluang mĕreka mĕnyambut sa-kali atau dua kali sa-orang; lĕpas itu tunjokkan pula gaya mĕmbaling. Ageh2kan bĕberapa biji bola itu dan biar-lah Anak2 Sĕrigala itu mĕmbuat bĕberapa kumpulan sĕrta bĕrlateh sĕndiri untok bĕberapa kĕtika.

### PĒRMAINAN. *Tuju kĕlapa.*

Anak2 Sĕrigala buat satu barisan lurus, mĕreka di-gĕlarkan "kĕlapa". Guru Anak Sĕrigala dĕngan sa-biji bola lĕmbut bĕrdiri kira2 sa-puloh kaki di-hadapan barisan itu, ia mĕmbalingkan bola itu mula2-nya dĕngan pĕrlahan kĕmudian makin kuat. Anak2 Sĕrigala itu mĕsti mĕnahan bola itu dan "mĕmĕgang"-nya. Mĕreka boleh mĕnggunakan kĕdua bĕlah tangan.

Anak Sērigala yang ta'dapat mēnangkap bola itu di-tolak satu mata daripada-nya. Guru Anak Sērigala masa mēmbalingkan bola hēndak-lah mēnuju dada sa-barang Anak2 Sērigala dalam barisan itu, tidak bērsaturut dari nombor satu ka-atas, mēlainkan tuju-lah barang mana sahaja supaya tiap2 sa-orang sēntia-sa sēdia.

Sa-orang Anak Sērigala jadi "pēnghulu" kapa-da kēlapa itu, kērja-nya tukang balingkan balek bola itu jika ta'dapat di-sambut oleh "kēlapa"-nya. Sa-orang Anak Sērigala lagi jadi pēnolong-nya bēkerja untok mēngira mata. Guru Anak Sērigala (atau sa-orang Anak Sērigala) yang jadi tukang tuju itu dapat satu mata tiap2 kali ia dapat mēnuju dada "kēlapa", dan tiap2 kali bola itu dapat di-tangkap oleh "kēlapa" maka "pēnghulu" dapat satu mata.

### PĒRMAINAN. *Balam dan Bayan.*

Pack di-bahagikan kapada dua bahagian, bērator bērhadap2an dēngan "rumah" masing2 di-bēlakang-nya. Satu pehak di-gēlarkan Balam dan yang satu lagi Bayan.

Kalau Akela mēmanggil "Balam" mēsti-lah Balam2 itu pusing bēlakang dan lari ka-rumah-nya di-kējar oleh sēmuia Bayan. Mana2 Balam yang dapat di-tangkap oleh Bayan sa-bēlum sampai ka-rumah di-kira mati. Kalau di-pangil "Bayan", mē-reka pula pusing bēlakang dan Balam mēngējar-nya. Kalau di-panggil "Balong", jangan bērgērak — siapa2 yang bērgērak di-kira mati.

Pērmainan itu boleh mēambahkan rasa chēmas kalau Guru Anak Sērigala mēmanjangkan bunyi Ba

dalam pērkataan2 itu — Baaaa-lam, Baaaa-yan, Baaaa-long — supaya tiada siapa yang dapat mēng-agak apa hujong-nya.

*Tambahan.* Amaran: jaga-lah baik2 supaya jangan bērlaku kēmalangan kērana ada di-antara Anak2 Sērigala itu yang tidak mēngirakan apa2 lagi mēlainkan sa-bagai hēndak tērbang lari ka-rumah-nya dan sēlalu pula di-tolakkan dēngan kuat oleh pēngējar-nya.

## CHĒRITA.

Ujian atas budak2 bangsa Zulu (*Panduan Anak Sērigala*, hidangan yang pērtama) ada-lah suatu chērita yang elok bētul dalam pēringkat ini, istimewa pula kalau Akela dapat mēnambah-nya sadikit2 atau pun barangkali jadikan dia satu chērita yang mēngkesahkan hal sa-orang budak Zulu.

*Tambahan.*— Jikalau tuan tēlah mērasa puas hati yang budak2 tuan itu nampak-nya bērsunggoh2 dan tuan fikirkan mēreka tēlah tahu dān faham apa maana Undang2 dan Persētiaan itu, maka elok-lah dilantek akan mēreka itu pada pērjumpaan minggu hadapan. Tidak mēnjadi hal kalau mēreka bēlum lagi dapat mēmbēli pakaian-sama — di-pērchayaī mēreka bēlum lagi dapat mēmbēli-nya — yang mustahak-nya untok lantekan itu ia-lah songkok. Kalau kain leher dan simpai-nya dapat di-sertaka maka Anak2 Sērigala itu akan bērgēmbira dan mērasa dirinya tēlah bērpakaian hebat. Bagi Istiadat Mēlan-tek itu lihat-lah *Panduan Anak Sērigala*, hidangan yang kēēnam.

Hari lantekan itu boleh-lah di-jadikan sa-bagai tēmasha untok di-saksikan oleh ibu bapa, dan itu-

lah juga satu pĕluang yang baik untok bĕrjumpa dĕngan mĕreka itu sĕrta mĕnjadikan mĕreka tĕrtarek kapada Pack itu. Kalau mĕreka hadzir pada masa budak mĕmbuat Persĕtiaan-nya itu maka lĕbeh faham-lah lagi mĕreka apa yang hĕndak kita chuba mĕlakukan-nya; mĕreka akan dapat mĕmbantu akan dia sĕrta mĕnjadi lĕbeh tĕrtarek dalam kĕrja2 budak itu sa-bagai sa-orang Anak Sĕrigala. Oleh itu bĕri tahu-lah budak2 itu supaya mĕngajak ibu bapa-nya datang, atau pun tuan sĕndiri pĕrgi mĕnjĕmput mĕreka itu. Elok kalau di-ranchangkan kĕtibaan mĕreka itu pada pĕrtengahan pĕrjumpaan Pack itu supaya kĕrja2 tuan sĕdang elok jalan-nya masa mĕreka sampai, tĕtapi dalam pada itu pun hĕndak-lah Akela bĕrsedia akan mĕnĕrima kedatangan sa-orang atau bĕrdua ibu bapa dari mula2 lagi bĕrsama2 dĕngan Anak Sĕrigala — sĕlalu-nya bagitu-lah!

### Pĕrjumpaan Kĕlima

Jikalau ada ibu bapa yang datang bĕrsama2 budak2 itu, bĕri-lah mĕreka tĕmpat dudok, dan tuan jalankan pĕrjumpaan itu sapĕrti biasa, tĕtapi tĕrangkan kapada mĕreka apa2 yang di-buat itu.

Pĕpĕreksaan. (Hingga hari ini tĕntu-lah tuan akan mĕndapati hasil yang boleh di-katakan elok).

Jalan yang baik untok mĕndapat kĕchĕrgasan masa bĕrkumpul ia-lah sa-bagai bĕrikut: Guru Anak Sĕrigala bĕrdiri barang di-mana arah dalam kawasan itu dan tĕpok tangan. Kĕsĕmua Pack bĕrlari kapada-nya dan bĕrkumpul satu barisan; Kĕpala Ŕnam Sakawan bĕtul2 di-hadapan Guru Anak Sĕrigala dan yang lain2 di-kanan-nya. Bila sĕmua-nya jadi sa-

baris, Guru Anak Sērigala lari ka-tēmpat lain, tētapi Pack itu jangan bērgērak sa-hingga ia bērtēpok.

Bila ia bērtēpok, budak2 itu pun bērlari kapada-nya sapērti mula2 tadi. Kēsēmua-nya itu mēsti-lah di-buat dēngan bērlari, dan budak2 itu bēlum pun sēmpat mēluruskan barisan-nya Guru Anak Sērigala tēlah bērtēpok di-tēmpat lain pula. Ini boleh di-jadikan sa-bagai satu ujian: sa-orang jadi pēnjaga waktu dan mēlihat bērpa kali Pack itu dapat mēmbuat pērkumpulan dalam satu minit. Elok di-buat pērlawanan di-antara sa-paroh Pack dēngan yang sa-paroh lagi.

Pērmainan ini elok di-buat dalam tempoh Pack itu baharu2 tērtuboh, dan di-ulang sa-kali2 dalam tahu itu kērana ia-itu mēnggalakkan kēpantas dan kēchērgasan masa bērkumpul dan sēronok pula rasa-nya. Masa kēsampaian ibu2 bapa itu elok buat satu lagi pērmainan yang tēlah di-kētahuï oleh budak2 itu supaya tiđak payah mēmbéri kētērangan lagi di-waktu itu ia-itu pērmainan *Bērlaga kambing* (lihat Pērjumpaan Kēdua).

Lēpas itu satu pērmainan pasokan yang elok bērkēnaan dēngan simpulan2 akan mēnggēlikan hati ibu bapa dan mēmbéri pēluang kapada budak2 itu untok mēnunjokkan yang mēreka tēlah mēmpēlajari suatu pērkara yang bērguna.

### PĒRMAINAN. *Mēmbawa Gajah Pulang.*

Anak2 Sērigala bērbaris bērbuntut2 (pakai isharat), tiap2 sa-orang budak ada sa-utas tali. Di-hujong sa-bēlah sana kawasan itu, sa-bērapa jauh yang di-agakkan patut, lētakkan kērusi, satu untok satu Ėnam Sakawan, dan ikatkan sa-utas tali. (Anak2 Sērigala bēlum lagi bēlajar simpul manok). Bila

di-béri pērentah "Mulaī" Anak Sērigala yang pērtama daripada tiap2 satu pasokan lari kapada Gajah (kērusi) dan hubongkan tali-nya dēngan tali yang sudah tērikat pada Gajah itu; sēlēsai sahaja ia mēng-hubongkan tali itu ia pun mēlaung budak yang kē-dua, budak ini lari kapada kawan-nya dan hubongkan tali-nya kapada tali kawan-nya yang pērtama tadi, bagitu-lah hingga sampai kapada budak yang pēnghabisan. Kēmudian ia bērkata "Siap" dan sē-mua-nya lari mēngheret Gajah itu balek ka-tēmpat pērmulaan. Ėnam Sakawan yang mula2 bērdiri dēngan Alert di-bēlakang Gajah-nya di-kira mēnang.

Masa itu barangkali sēmua ibu tēlah sampai, jadi biar-lah mereka mēlihat sa-suatu yang sēronok dan sēnang mēmbuat-nya saperti mēnjunjong buku. Suroh bēbērapa orang Anak Sērigala bērjalan dēngan badan tēgak mēnunjong sa-buah buku (dēngan tidak di-pēgang) — bēri tiap2 sa-orang mērasa mēmbuat-nya, chuba-lah surohkan mereka dudok di-atas kērusi dan bangun bērdiri, atau dudok bērlutut dēngan buku itu maseh tērlētak di-atas kēpala-nya. Buat-lah pēringatan siapa2 yang dapat mēmbuat-nya dēngan baik kērana ia-itu jadi bantuan bagi mereka untok mēndapat Bintang Satu.

Ibu bapa sēlalu gēmar hēndak mēlihat anak-nya mēlakun, jadi bēri-lah Anak2 Sērigala itu mēmbuat satu2 lakunan yang mēnghēndaki pēnuntun2 mēm-bēri nama-nya, atau nyanyi kanak2 yang di-lakunkan, atau pun satu potongan chērita, tawarikh, atau barang apa yang di-fikirkan oleh Akela, tētapi oleh sēbab ini-lah yang pērtama kali mereka bērbuat pē-kara itu, bantu-lah mereka sa-bērapa yang patut dan jangan biarkan lama sangat untok bērsēdia.

## MĒLANTEK.

Maka di-akhir pērjumpaan itu adakan-lah isti-adat Mēlantek. Pēkērjaan Mēlantek Anak Sērigala itu ia-lah tanggongan Akela sēndiri dan ia-lah yang akan mēngērjakan-nya.

Bila tēlah tuan atorkan kēdudokan ibu bapa yang hadzir itu sa-bagai yang tuan fikirkan elok, panggil-lah Pack mēmbuat Bulatan Pack dan jalankan Lantekan itu. Istiadat itu buat-lah sa-bērapa rengkas yang boleh supaya Anak2 Sērigala itu tidak tersalah faham apa yang di-buat-nya itu, dan tuan sēndiri pun hēndak-lah dēngan gaya bērsahaja supaya mēreka tidak mērasa chuak. Maka lēbeh mēnasabah pada masa itu biarkan mēreka mēngikut akan tuan mēnyēbut Undang2 dan Pērsētiaan itu. Lan-tek budak2 itu sa-orang sa-orang sa-kali, dan chuba mēnjadikan tiap2 sa-orang itu mērasa bahawa satu pērkara yang sangat pēnting sēdang di-lakukan.

Sēkarang bērhak-lah mēreka mēmbuat Laung To' Guru dan khabarkan-lah kapada mēreka apa ērti-nya dan tunjokkan gaya mēmbuat-nya. Akhirnya mēreka mēmbēri hormat dēngan chērgas sērta boleh-lah pulang.

Kalau ada ibu bapa yang hēndak bērchakap2 dēngan tuan, jangan-lah chuba di-elakkan kērana itu-lah pēluang yang kēemasan untok bēramah2an dēngan mēreka itu. Lēbeh baik di-ajak mēreka mēnanti sa-bēntar sa-kira-nya ada masa sūpaya dapta-lah mēreka bērbual2 dēngan tuan dan dēngan ibu bapa yang lain juga, dan bila mēreka pērgi ada-lah dēngan pēra-saan yang mēreka tēlah bērsukachita dan dapat bē-bērapa orang kawan baharu.

## Pérjumpaan Kēēnam

Ini-lah pérjumpaan yang pěrtama sa-bagai Anak2 Sērigala sa-jati, jadi boleh-lah tuan mulakan dēngan Laung To' Guru. Kalau bēlum lagi tuan mēnētap-kan Kēpala2 Ěnam Sakawan yang kēkal maka ini-lah masa tuan mēnētapkan-nya. Hēndak-lah di-jaga biar Anak2 Sērigala mēmbuat Laung itu sa-bagai yang tuan kēhēndaki, dan jangan-lah bimbang mēnyuroh-kan mēreka bērlateh sa-kali dua kalau bēlum chukup bētul pērbaatan-nya; pada dasar-nya mēreka-lah yang jadi pēnjaga Pack tuan itu, jadi mēsti-lah di-mulakan dēngan elok.

Pēpēreksaan dan Mēmungut yuran. (Elok tu-an mēmēreksa bēbērapa orang agak-nya di-antara Anak2 Sērigala itu yang tēlah tērfikir mēnuliskan nama di-dalam songkok-nya — Galakkān-lah pērkara ini kērana kēmudian kēlak bēsar guna-nya).

### PĒRMAINAN. *Locheng Balai Polis.*

Ěnam2 Sakawan bērbaris bērbuntut2 sa-bagai hēndak bērlari pasokan, dan tiap2 satu Ěnam Sakawan mēmbilang angka dari satu hingga ēnam. Mēreka mēngadap hala ka-hujong kawasan, dan di-hadapan tiap2 baris itu tērlētak sa-buah kērusi. Akela bērkata "Locheng Balai Polis bērbunyi satu kali" (atau pun bērapa kali yang di-kēhēndaki-nya), dan budak yang kēna nembor itu dalam tiap2 satu Ěnam Sakawan lari kēluar ka-hujong kawasan, kēlilingi kērusi tadi dan balek ka-tēmpat-nya. Bēri satu mata kapada Ěnam Sakawan yang orang-nya mula2 sam-pai.

Mēreka mēsti lari hanya bila Akela mēnyēbut pērkataan2 itu bētul2 ia-itu "Locheng Balai Polis

berbunyi.....kali". Akela boleh menyebut bermacham<sup>2</sup> perkataan umpama "Locheng berbunyi .....kali" atau "Locheng Polis berbunyi .....kali". Siapa<sup>2</sup> yang lari mengikut perentah ini di-potong satu mata daripada Enam Sakawan-nya. Kadang<sup>2</sup> Akela boleh berkata "Locheng Balai Pelis berbunyi dua belas kali". Maka hendak-lah tiap<sup>2</sup> sa-orang budak memegang tangan budak yang di-belakang-nya, dan kesemua-nya sa-kali lari pergi mengelingi kerusi masing<sup>2</sup> dan balek katempat-nya. Enam Sakawan yang mula<sup>2</sup> sampai, dengan tidak putus rangkaian barisan-nya, dapat satu mata.

#### PERMAINAN. *Arnab dan Anjing.*

Lepaskan tiga atau empat Anak Serigala (Arnab) jika boleh elok-lah dengan sa-orang Penolong Guru Anak Serigala, membuat tanda<sup>2</sup> anak panah dengan kapor di atas tanah yang akan diikuti oleh Anak<sup>2</sup> Serigala yang lain (Anjing) dengan sa-bberapa pantas kerana hendak menangkap Arnab<sup>2</sup> itu. Beri masa tiga minit kepada Arnab supaya pergi lebuh dahulu, kemudian baharu diikut oleh Anjing<sup>2</sup>. Kalau Penolong tiada, hendak-lah Akela tahu akan jalan yang diturut oleh Arnab<sup>2</sup> itu takut kalau ada berlaku kemalangan dan hendak-lah ditengaskan hal berchermat betul<sup>2</sup> masa menyebearangi jalan raya dll., kerana Anak<sup>2</sup> Serigala bila bermai<sup>2</sup> selalu jadi kurang beringat<sup>2</sup> daripada berjalan sa-orang, dan mereka itu ada-lah dalam tanggong jawab Akela sa-lama masa perjumpaan Pack.

Jika Arnab<sup>2</sup> itu tertangkap, atau pun jikalau perjalanan itu dekat sahaja, dan waktu maseh ada lagi surohkan-lah budak<sup>2</sup> lain pula membuat tanda<sup>2</sup> anak panah itu (jika boleh, pakai kapor yang lain

warna); biasa-nya Anak Sērigala ingin hēndak mēn-jadi Arnab.

Pērmainan ini akan mēngambil banyak masa pada pētang itu, tētapi tēntu-lah ada sadikit lagi masa untok suatu chērita yang baik. Akela boleh mēmileh satu2 potongan daripada *Buku Hutan*. Mēreka patut tahu chērita2 itu sa-bērapa chēpat yang dapat. Ta'lama kēmudian Anak2 Sērigala itu akan mēmpēlajari Tarian2 Hutan pula dan mēsti-lah lē-beh dahulu mēreka itu tahu dēngan tērang akan chērita-nya.

Laung To' Guru.

### Pērjumpaan Kētujoh

Laung To' Guru. Pēpēreksaan. Mēmungut Yuran.

PĒRMAINAN. *To' Aki*.

Anak2 Sērigala bērkumpul mēmbuat bulatan bēsar. Akela mēmbēri bērbagai2 pērentah, tētapi pērentah bēsar. Akela mēmbēri bērbagai2 pērentah, tētapi pērentah2 itu ta'boleh di-turut mēlainkan kalau di-dahuluï oleh pērkataan "Kaṭa To' Aki.....". Anak Sērigala yang bērgērak masa di-bēri pērentah yang tidak di-dahuluï oleh pērkataan itu di-kira mati; buat-lah hingga sēmua Anak Sērigala itu mati atau pun sa-hingga chukup waktu yang di-tētakan. Elok juga kalau di-gilir2kan Kēpala Ēnam Sakawan mēmbēri pērentah itu.

KĒRJA-BINTANG. *Bēndera2*.

Anak2 Sērigala sēlalu mēnggēletek hati-nya oleh mēlihat bēndera bērkibar, jadi kalau Akela dapat mēngadakan satu bēndera Pērsēkutuan dan Union

Jack (dan bēndera Nēgri juga jika mustahak) untok ranchangan hari ini maka tēntu-lah tidak susah bagi-nya hēndak mēnarek hati mēreka itu.

Tērangkan apa dia bēndera2 itu, bagaimana ia sēntiasa di-muliakan dan sa-hingga had mana pēngor-banan askar2, kēlasi2 dan orang2 awam supaya bēn-dera-nya kēkal bērkibaran dalam masa pēpērangan; banyak orang yang hilang jiwa-nya kērana mēmpēr-tahankan bēndera itu daripada tērlēpas ka-tangan musoh.

Sēgala bēndera ada-lah di-gunakan sa-bagai tanda kēsukaan atau sa-bagai alamat kēdukaan. Ba-nyak chērita yang boleh di-chēritakan kapada budak2 itu sama ada yang bētul2 bērlaku atau tidak, dan mē-reka tēntu gēmar mēndēngar-nya.

*Bēndera Pērsēkutuan*.—Jangan lupa mēnyēbut-kan kapada Anak2 Sērigala ia-itu chabang2 pada binatang dan bēlang2 merah puteh itu ia-lah mēnunjokkan 'sa-bēlas buah nēgéri dan jajahan. Warna merah dan puteh sērta biru itu di-ambil dari Union Jack. Bulan sabit mēnandakan Islam, dan bintang itu di-warnakan kuning kērana mēnandakan kēbē-saran Raja2 Mēlayu.

Bēri-lah Anak2 Sērigala itu mēlukis gambar bēn-dera2 pada kērtas tēbal puteh atau kērtas biasa.

Bila tuan fikirkan mēreka tēlah mēngērti dan ingat akan bēndera2 itu, uji-lah mēreka itu dēngan pērmainan ini.

#### PĒRMAINAN. *Pērmainan Bēndera*.

Untok pērmainan ini di-kēhēndaki-lah sa-pē-ranggu palang2 yang tērkandong dalam Union

Jack (dan bēndera Nēgri juga jika mustahak) untok ranchangan hari ini maka tēntu-lah tidak susah bagi-nya hēndak mēnarek hati mēreka itu.

Tērangkan apa dia bēndera2 itu, bagaimana ia sēntiasa di-muliakan dan sa-hingga had mana pēngor-banan askar2, kēlasi2 dan orang2 awam supaya bēn-dera-nya kēkal bērkibaran dalam masa pēpērangan; banyak orang yang hilang jiwa-nya kērana mēmpēr-tahankan bēndera itu daripada tērlēpas ka-tangan musoh.

Sēgala bēndera ada-lah di-gunakan sa-bagai tanda kēsukaan atau sa-bagai alamat kēdukaan. Ba-nyak chērita yang boleh di-chēritakan kapada budak2 itu sama ada yang bētul2 bērlaku atau tidak, dan mē-reka tēntu gēmar mēndēngar-nya.

*Bēndera Pērsēkutuan*.—Jangan lupa mēnyēbut-kan kapada Anak2 Sērigala ia-itu chabang2 pada binatang dan bēlang2 merah puteh itu ia-lah mēnunjokkan 'sa-bēlas buah nēgēri dan jajahan. Warna merah dan puteh sērta biru itu di-ambil dari Union Jack. Bulan sabit mēnandakan Islam, dan bintang itu di-warnakan kuning kērana mēnandakan kēbē-saran Raja2 Mēlayu.

Bēri-lah Anak2 Sērigala itu mēlukis gambar bēn-dera2 pada kērtas tēbal puteh atau kērtas biasa.

Bila tuan fikirkan mēreka tēlah mēngērti dan ingat akan bēndera2 itu, uji-lah mēreka itu dēngan pērmainan ini.

#### PĒRMAINAN. *Pērmainan Bēndera*.

Untok pērmainan ini di-kēhēndaki-lah sa-pē-ranggu palang2 yang tērkandong dalam Union

Jack; palang2 itu dengan sēnang boleh di-buat oleh Guru Anak Sērigala daripada kertas tēbal mēmakai dawat merah dan biru.

Kēpingan2 palang2 itu di-gaulkan. Satu2 Ěnam Sakawan di-gilir2kan mēmbuat Union Jack daripada palang2 itu dengan di-jaga lama masa mēmbuatnya itu oleh Guru Anak Sērigala. Ěnam Sakawan yang chēpat sa-kali masa-nya siap di-kira mēnang, dengan sharat bēndera itu bētul susunan-nya (garisan puteh yang lebar di-sabēlah atas dll.) Kēpingan palang2 yang di-buat itu mēsti-lah bētul su-katan-nya.

Maka pērmainan yang saperti itu boleh juga di-buat dalam masa mēngajarkan bēndera Persēkutuan dan bēndera Nēgēri.

#### PĒMAINAN. *Pētir dan Kilat.*

Anak2 Sērigala lari bērkēliling (pakai bunyi2-an kalau ada) dan bila bunyi2an itu bērhēnti Akela sēbut satu angka, maka Anak2 Sērigala itu bērhēnti dan mēmbuat kēlompok2, satu2 kēlompok mēngandongi sa-banyak bilangan yang di-panggil itu. Siapa2 yang tētinggal di-kira mati sēmua-nya sa-kali, sēbab itu kalau ada yang mēnempel kēmudian hēndak-lah ditolakkan. Bunyi2an itu di-tēruskan, atau kalau tiada bunyi2an, baki Anak Sērigala itu hēndak-lah lari bērkēliling lagi dan satu angka lain pula di-panggil — bagitu-lah sa-tērus-nya hingga tinggal dua orang sahaja.

Untuk pindaan dalam pērmainan ini boleh juga di-gunakan tiupan2 whistle mēngantikan panggilan angka, dan chara ini sangat-lah bērguna kalau kita tiada mēmpunyai bunyi2an.

## PAKAIAN MĚNYAMAR.

Bagi pěrmulaan-nya těntu-lah barangkali Anak2 Sērigala itu tidak pandai měmakai pakaian samaran, akan tětapi bila měreka tahu měnggayakan-nya gě-mar-lah měreka akan pěrkara ini, sěbab itu běri-lah pěrtolongan kalau di-kěhendaki oleh měreka itu.

Běri běběrapa kěping surat khabar dan sadikit tali kapada tiap2 satu Ěnam Sakawan; surohkan pěrgi ka-sarang masing2 měmakaikan sa-orang atau běr-dua Anak Sērigala měnjadi sa-bagai sa-jěnis binatang dalam hutan. Běri tempoh kira2 sa-puloh minit untok měmakai2 ini, kěmudian bariskan sa-mula binatang samaran itu dan pileh yang baik sa-kali. Jangan lupa měmběri sorak kapada yang měnang.

## CHĚRITA.

Kalau ada masa, běri-lah satu chěrita běrkěnaan děngan bulan bintang pada běndera pěrsékutuan. Jika kěna gaya měnchěritakan-nya těntu-lah budak2 itu sérōnok měnděngar-nya.

Laung To' Guru.

## MĚSHURAT KĚPALA2 ĚNAM SAKAWAN.

Barangkali tuan tělah měmileh Kěpala2 Ěnam Sakawan yang tětap, jadi adakan-lah Měshurat Kěpala2 Ěnam Sakawan ia-itu měshuarat yang sa-habis2 tidak rěsmi, dan běrbedza daripada Pěrsidangan Kěpala Patrol (Court of Honour). Kěpala Patrol banyak běrtanggong jawab yang těrtěntu, dan Kěpala Ěnam Sakawan tiada langsung tanggong jawab-nya. Kěrja-nya hanya untok měmbantu Anak2 Sērigala yang lěbeh kěchil bila2 mustahak, dan měnjaga Ěnam Sakawan-nya supaya elok těrator pada hari2 pěrjum-paan..

Mēshuarat itu mēngambil masa bēberapa minit sahaja dan tiada banyak pērkara yang hēndak di-rundingkan. Bēri tahu Kēpala2 Ěnam Sakawan itu apa yang di-harapkan daripada mēreka dan bagaimana tuan hēndak mēlihat yang mēreka itu bērguna dsb., dan buat-lah mēshuarat itu sa-chara tidak rēsmi dan sa-chara bērkawan2.

Kēmudian kēlak bila Kēpala2 Ěnam Sakawan itu tēlah bērtambah mahir boleh-lah bērchakap dēngan mēreka bērkēnaan dēngan mēlagang ranchangan dan lain2 masaalah.

### Pērjumpaan Kēdēlapan

Hari ini kita akan mēnchuba sa-tēngah daripada kērja2 Bintang Satu yang ranchak ia-itu sapērti kē-tinting, lompat katak, tunggang buyong dan baling bola. Mula2 buat Laung To' Guru dan Pēpērekisan kēmudian bēri tahu budak2 itu apa yang akan dibuat oleh mēreka itu.

Kalau Akela sa-orang pērēmpuan, ini-lah masanya sēmuia kērja hari itu di-pulangkan kapada Guru Anak Sērigala laki2. Ia akan mēnunjokkan kapada Anak2 Sērigala bagaimana mēmbuat tunggang buyong dēngan kēmas, dan gaya yang bētul sa-kali pada pērmulaan dan pēnghabisan-nya; bagaimana gaya mē-lētakkan kaki dēngan ringan-nya pada pēnghabisan lompat katak, dan lain2 pētua yang dapat mēmbantu Anak Sērigala itu supaya boleh mēmbuat kērja2 ini dēngan chērgas dan sēnang. Akela itu boleh mē-nolong dēngan kata2 yang mēmbērangsangkan sērta mēngambil pēringatan mana2 budak yang di-agakkan tēlah chukup pandai untok lulus dalam ujian. Jangan bēputus asa kalau pada hari mula2 itu tiada

sa-orang pun yang boleh měmbuat ujian itu děngan elok, budak2 kěchil biasa-nya tidak kěmas, dan ma-seh banyak masa bagi měreka itu měmbaiki pěrbuat-an-nya, dan pěnchubaan měreka yang běrsunggoh2 untok měngatasi kěsusahan2-nya itu-lah yang akan kita timbangkan baik2 sama sa-bagai hasil pěrbuatan-nya.

Di-ingatkan lagi kalau sa-kira-nya těrpaksa mě-němpoh jalan raya untok pěrgi dan balek ka-kawasan pěrmainan itu, těgaskan-lah kapada budak2 tuan supaya měreka běrjaga2 akan pěratoran dan kěsě-lamatan di-jalan raya.

### PĚRMAINAN. *Měnyěběrang jalan raya.*

Tandakan satu ruagan di atas padang měnjadi sa-bagai těmpat untok měnyěběrang jalan raya. Akela yang měnjadi sa-bagai lampu2 di-těngah simpang jalan, běrdiri měměgang satu běndera merah dan satu běndera hijau. Kalau tiada běndera, boleh di-pakai baloon atau pun sapu tangan warna. Masa Akela měngangkāt běndera hijau Anak2 Sěrigala lari běrkěliling dan lalu di-těmpat měnyěběrang jalan itu — siapa2 yang těrtangkap masa měnyěběrang itu kěra-na běndera merah tělah di-naikkan, ia di-kira mati.

### BĚRGANTI2. *Běndera.*

Ini satu pěrmainan běrkěnaan děngan běndera yang tělah di-pělajari oleh budak2 itu, jadi sa-bělum di-mulakan elok sěbutkan rengkasan pěrmainan itu saperti nama běndera, nama něgéri yang měmpunyai běndera itu dan chogan2-nya.

Běri alamat supaya pasokan2 měmbuat barisan běrbuntut2 (di-kěhěndaki měreka běrsědia bětul2 dan běrgěrak děngan pantas, jangan ada masa těrbuang bila di-běri alamat měmbuat satu2 pěchahan.)

Budak2 itu di-suroh mēbilang angka dari satu hingga ēnam, dan di-hadapan tiap2 satu pasokan ada tiga bēndera, Union Jack, Pērsēkutuan dan nēgēri sēndiri. Akela sēbut apa2 yang ada bērhubong dēngan hal satu2 bēndera itu, mithal-nya "Pangkah merah pu-teh" atau "Jalor merah puteh" atau "Puteh kuning hitam" dsb., kēmudian panggil satu angka, dan Anak Sērigala yang kēna angka itu lari ka-tēmpat bēnderanya, pileh bēndera yang di-kēhēndaki itu dan bawa lari kapada Akela. Yang mula2 sampai dēngan bēndera yang salah, hēndak-lah di-tunjokkan mana yang bētul, dan ingat-lah supaya mēngulang mēmanggil akan dia dēngan bēndera itu juga kēmudian sadikit dalam pērmainan itu. Bēndera itu lētakkan balek ka-tēmpat-nya, dan Akela sēbut yang lain pula


Jikalau dalam sēgala pērmainan jēnis ini tuan bērhēnti sa-kējap lēpas mēnyēbut gēlaran bēnda sa-bēlum mēnyēbut angka budak itu, tēntu-lah mēnjadikan mēreka tērpaku dan mēnambahkan rasa chē-mas-nya.

#### PĒRMAINAN. *Jantan mērobobkan kota.*

Pērmainan ini sangat gēmbira dan di-gēmari, bila sudah di-buat mēreka sa-kali, mēreka akan mē-minta-nya bērulang2. Hēndak-lah sēmuā-nya tahu mēnyanyikan satu2 lagu yang ranchak, dan mēnyanyikan-nya sa-bērapa kuat yang di-sukaī-nya.

Pack itu di-bahagi dua dan bērdiri bērhadap2an jauh sadikit. Budak2 itu bērpēgang tangan, satu pehak mēnjadi sa-bagai kota yang kuat pērtahanannya. Anak2 Sērigala itu mēnyanyikan lagu tadi, satu pehak hēntak kaki dan satu pehak lagi mara kapada mēreka itu dan undor balek ka-tēmpat-nya sambil mēnyanyi. Di-akhir nyayi itu, pehak yang

mara itu mēmileh sa-orang mēnjadi Jantan, dan ia kēna lari mērēmpoh tangan lawan-nya barang dimana tēmpat yang di-kirakan-nya dapat di-putuskan. Kalau ia bērjaya mēlaluī pērtahanan itu, kē-dua2 budak yang tērluchut pēgangan tangan-nya itu pērgi bērsama2 ka-pehak-nya, tētapi kalau ta' jaya ia mērēmpoh itu ia jadi tawanan dan masok ka-pehak lawan-nya. Tiada siapa pun yang boleh mē-nolong, dan Anak2 Sērigala itu hēndak-lah bērpē-gang2 tangan sa-lama bērmain itu. "Si-Jantan" ta'



boleh di-bēri masa lama2 sangat untok mērēmpoh itu — bēri-lah kira2 sa-lama mēbilang hingga "sa-puloh" dēngan bilangan lambat2. Sēkarang nyanyi itu di-ulang balek, tētapi pehak yang lain itu pula mara dan pehak-nya-lah mērēmpoh. Maka tērpu-lang-lah kapada Akela bērapa lama di-kēhēndaki-nya pērmainan itu bērjalan.

Ini-lah masa-nya Pack itu mēnjadi tērsangat hin-gar bangar — suara mēmēkek, mēnhēntak2 kaki dan sēgala pērasaan chēmas; maka kalau dapat tuan mēnjadikan mēreka diam bila tuan panggil "Pack" sa-sunggoh-nya tuan akan mērasa puas hati dēngan kēmaraan kērja2 tuan.

Laung To' Guru.

## Pērjumpaan Kēsēmbilan

Bila sudah di-buat Laung To' Guru dan Pēpē-reksaan pun sudah sēlesai, surohkan-lah Anak2 Sērigala itu mēmileh satu pērmainan untok mēmula-kan kērja hari ini kērana hingga sēkarang banyak-lah sudah pērmainan yang di-kētahuī-nya.

### SĒNAMAN.

Sēnaman2 jēnis yang bētul, sangat-lah mustahak bagi budak2 yang sēdang naik, dan kalau kēna gaya mēnjalankan-nya sēronok sangat-lah kapada budak2 itu dan mēreka akan mēnhuba dēngan sa-habis2 daya-nya.

Sēnaman2 yang di-chadangkan oleh Lord Baden-Powell sa-bagai yang tērsēbut dalam *Panduan Anak Sērigala*, hidangan yang kēlima bēlas, ia-lah pērmulaan sēnaman yang baik sa-kali, dan kalau tuan tē-rangkan sadikit bērkēnaan dēngan sēnaman itu bagai-mana ia mēmbantu kita mēnjadi bēsar dēngan lurus dan tinggi sērta mēnjadikan urat2 daging yang tēgap, tidak bērgēlambir, maka faham-lah kēlak budak2 itu apa yang akan di-buat-nya dan apa sēbab di-buat. Jaga baik2 supaya jangan ada budak2 yang mēnjadi tērlampau tērok; lēbeh baik buat sēnaman2 itu dēngan mudah dan tidak banyak ragam sa-kira2 dapat di-lakukan oleh tiap2 sa-orng budak itu. Jangan sa-kali di-ejek atau di-tērtawakan sa-sa-orang budak yang ta'bētul atau ganjil pērbuatān sēnaman-nya kērana ia akan mēnjadi malu dan hasil-nya kēlak boleh mēnimbulkan pērkara yang burok kalau ia di-main2kan bagitu. Yang baik-nya ia-lah puji sa-sa-orang budak itu bila2 yang boleh dan bēri pērang-sang pada sa-panjang masa.

## PĒRMAINAN. *Tinggalkan lantai.*

Anak2 Sērigala itu sēkarang sēdia akan mēmbuat satu pērmainan yang ranchak, jadi bēri-lah mēreka bērmain barang bēbērapa minit.

*Kaedah-nya.*— Pērmainan ini kēna buat dalam rumah. Anak2 Sērigala bērjalan bērsepah2 dalam bilek itu. Bila Guru Anak Sērigala mēmbunyikan whistle dēngan satu tiupan yang pendek, sa-orang pun tidak boleh mēmijak lantai lagi — mēsti-lah naik ka-atas bangku atau meja dsb. Siapa yang kēmudian sa-kali mēninggalkan lantai, nama-nya akan di-panggil.

## BĒRGANTI2. *Mēngikatkan kain leher.*



Ini satu lagi pērmainan yang pantas, tētapi boleh di-ulang2 kalau suka.

Anak2 Sērigala di-bahagikan kapada dua pasok-an bērbaris bērbuntut2; masing2 kētua pasokan mē-mēgang sa-hēlai kain leher yang tērlipat mēmanjang. Akela ada di-hadapan mēreka bērdiri tangan chēkak pinggang. Orang nombor 1, bila di-bēri pērentah “Mulaï” mēsti lari ka-hadapan dan mēngikatkan kain leher ka-tangan Akela, kēmudian lari balek dan sēn-toh orang nombor 2; nombor 2 ini lari pērgi mēm-buka ikatan kain leher itu dan bawa balek kapada nombor 3 yang akan mēngulang pērbuatan nombor 1 tadi. Bagitu-lah sampai habis. Mēngikatkan kain leher itu pakai-lah simpulan buku sila (atau bila mē-reka sudah bēlajar, simpul manok) sahaja. Pasok-an yang habis dahulu dan bērdiri dēngan barisan yang baik sa-kali di-kira mēnang.

## KĒRJA TANGAN.

Kērja tangan itu telah di-i'tiraf di-mana2 pun tersangat besar guna-nya dalam pēnghidupan budak2 kērana ia-itu mēngajar akan mēreka dalam bērbagai2 pērkara — sabar, mēnumpukean fikiran, chērmat, mēmērentahkan diri, dan ia juga mēnjadi satu pintu jalan kēluar bagi gambaran otak dan rasa ingin hēndak mēmbuat itu ini. Maka banyak-lah yang boleh di-buat oleh Pack itu mēngikut jalan ini; walau pun hasil-nya yang mula2 agak kurang elok, akan tētapi tidak bērapa lama kēlak chontoh2 barang yang elok akan dapat di-buat dan di-pērtunjokkan oleh Anak2 Sērigala itu. Dalam pada itu jangan-lah di-pandang sa-mata2 tēntang elok-nya bēnda yang di-buat itu mēlainkan hēndak-lah di-lēbehkan tēntang pēnchu-baan dan fikiran yang di-tumpukan kapada-nya.

Kotak2 korek api boleh di-gunakan dēngan bērbagai2 chara untok kērja ini, bagitu juga anak2 korek api, sumbat2 botol, kērtas2 tēbal dsb.



Bagi pēnchubaan Pack itu yang mula2 sa-kali elok di-pileh sa-suatu yang mudah — mithal-nya jam kertas tēbal, boleh di-buat dēngan chēpat dan boleh di-jadikan satu daripada alatan Pack itu. Kalau Akela dapat mēngadakan satu chontoh yang boleh di-tiru oleh budak2 itu maka boleh-lah ia mēnjadi bantuan yang bēsar kapada mēreka itu.

Untuk mēmbuat jam di-kēhēndaki-lah ada kērtas tēbal, gunting, kapor warna dan paku payong yang hujong-nya bērbēlah dua boleh di-lipatkan. Jam2 itu boleh di-buat bērkongsi oleh satu2 Ėnam Sakawan, atau oleh tiap2 tiga orang budak, yang baik sa-kali boleh di-simpan untuk pērgunaan Bilek (Den) itu. Chontoh-nya itu biar tērgantong dan Sērigala2 Tua hadzir bērsama2 mēmbantu dan mēnasihatkan mēreka itu, tērutama sa-kali tēntang yang payah saperti mēmasangkan jarum2-nya. Ini-lah masa yang di-kēhēndaki Akela mēnggunakan kēbijakan-nya supaya tiap2 sa-orang budak ada bēkērja, sama ada mēmbuat jarum tambahan atau mēmbuboh warna pada-nya, jadi mēreka sēntiasa sahaja sibok. Jaga pula tēntang mēmbuangkan sēgala sampah sarap, dan kumpulkan sēmua jam itu supaya dapat di-lihat bēramai2.

Laung To' Guru.

### Pērjumpaan Kēsapuloh

Laung To' Guru. Pēpēreksaan. Mēmungut yuran.

Pēpēreksaan hari ini buat lain sadikit daripada biasa, surohkan Kēpala2 Ėnam Sakawan mēmēreksa Ėnam Sakawan lain. Barangkali pēpēreksaan-nya lēbeh kēras!

## PĒRMAINAN. *Angin bētiup.*

Sa-orang Anak Sērigala di-pileh mēnjadi Naga dan bērsarang di-pēnjuru kawasan itu. Anak2 Sērigala yang lain mēnjadi angin dan bēgērak pērlahan2 ka-sana ka-mari dalam kawasan itu. Sa-orang pun ta'boleh bērdiri diam sahaja.

Bila Akela mēmbēri pērentah "Angin bētiup ka-utara", sēmuia Anak Sērigala lari ka-utara sampai ka-sēmpadan yang tēlah di-tandakan. Naga itu mēnchuba mēnangkap sa-bērapa orang Anak Sērigala yang dapat, dan mana2 Anak Sērigala yang dapat di-tangkap-nya masok ka-pehak Naga itu dan mēnangkap yang lain2 bila di-bēri pērentah angin itu bētiup ka-arah lain pula.

## PĒRMAINAN. *Pēnchuri.*

Ini sa-jēnis pērmainan yang mēnhēmaskan dan di-gēmari oleh Anak2 Sērigala sērta bērguna pula kērana tiap2 sa-orang Anak Sērigala itu dapat pēluang mēnjadi "Si-Anu."

Sēmuia Anak Sērigala itu mēmbuat satu bulatan bēsar, kēchuali sa-orang mēnjadi pēnchuri, bērdiri di-luar. Sa-orang daripada Anak Sērigala dalam bulatan itu di-pileh dēngan sulit mēnjadi sa-orang pēladang. Pēnchuri tidak tahu siapa yang tēlah di-pileh itu, masok ka-dalam bulatan dan mēngambil sa-biji "Rambutan"; ia kēna kēluar balek mēngikut jalan ia masok tadi juga. Kērja Pēladang itu ia-lah hēndak mēnangkap Pēnchuri itu, tētapi ia boleh mēnangkap hanya pēnchuri itu tēlah mēngambil Rambutan. Pēnchuri itu mēsti-lah bēringat2 dan Pēladang itu mēsti mēnchuba mēmbuat muka sadin supaya jangan di-kētahuï oleh Pēnchuri sa-hingga tiba masa-nya. Jika Pēnchuri itu dapat lari kēluar, ia di-bēri pēluang mē-

churi sa-kali lagi; kalau ia tertangkap, ia boleh mē-mileh sa-orang lain mēnjadi Pēnchuri pula.

## KĒRJA-BINTANG.

Khabarkan kapada Anak2 Sērigala itu bahawa tuan hēndak mēnengok sa-takat mana pintar-nya mēreka itu dalam hal mēngingati kērja2 yang sudah di-laluï-nya — tuan hēndak mēnengok siapa yang maseh ingat akan simpulan2 dan siapa yang tahu hal bēndera2. Bēri mēreka itu kira2 sa-puloh minit pērgi ka-sarang-nya dēngan tali dan bēndera2 untok bērlateh sa-mula. Kēpala2 Ěnam Sakawan mēstilah mēnjadikan diri-nya bērguna di-waktu itu dan atorkan siapa2 yang pandai dalam Ěnam Sakawan-nya bagi mēmbantu mana2 yang bēlum chēkap. ▶

## PĒRMAINAN. *Soalan.*

Ini boleh di-jadikan ujian bagi kērja-bintang yang baharu lēpas mēreka bērlateh tadi. Maka hēndak-lah di-buat satu daftar siapa2 yang tahu bētul.

Surohkan Anak Sērigala itu dudok dalam satu bulatan bēsar dēngan Guru Anak Sērigala bērdiri di-tengah2. Ia mēmējamkan mata dan bērpusing kēlliing dēngan pērlahan2, kēmudian sambil mata-nya pējam lagi, ia mēnunjok kapada sa-orang Anak Sērigala dan mēnyoal mithal-nya: "Bagaimana rupa bēndera Pērsēkutuan?" atau "Apa simpulan kamu pakai bagi mēngikat bungkus?" (Anak Sērigala itu mēmbuat simpulan itu). Kalau panjang sangat masa-nya hēndak mēngētahuï ada-kah tiap2 sa-orang tahu sēmua-nya, maka di-akhir pērmainan itu bolehlah tuan uji sēmua sa-kali Anak Sērigala itu mēmbuat simpulan buku sila dll.; kalau mēreka tahu bētul2 boleh-lah di-kira lulus.

Lēpas daripada dudok bērlama2an ini budak2 itu akan bērsēdia untok satu2 kērja yang lēbeh hidup.

PĒRMAINAN. *Pētir dan kilat.*

Mainkan sa-kali sahaja. (Lihat Pērjumpaan kētujoh).

PĒRMAINAN. *Mēnyembar topi.*

Untok pērmainan ini pēchahkan Pack itu ka-pada dua barisan bērdiri bērhadap2an, jarak-nya ēnam kaki atau lēbeh. Bilang angka dari kanan masing2 pasokan. Lētakkan satu bēnda (sa-elok2-nya topi Guru Anak Sērigala) di-tēngah2 antara kē-dua barisan itu. Guru Anak Sērigala sēbut satu angka. Kēdua2 Anak Sērigala yang kēna angka itu mēnjawab dan kēluar dēngan tujuan hēndak mēng-ambil topi itu sērta mēmbawa-nya balek ka-tēmpat masing2. Tētapi bila sa-saorang tēlah dapat mēmē-gang atau mēnyēntoh topi itu, ia boleh di-“chuit” oleh lawan-nya dan mēsti-lah ia mēlētakkan topi itu ba-lek di-tēngah2, dan kēdua2-nya balek ka-tēmpat ma-sing2. Sa-kira-nya pula sa-orang dapat mēnyembar topi itu dan sēmpat mēmbawa-nya lari balek ka-tēm-pat-nya dēngan tidak kēna chuit maka pasokan-nya dapat satu mata. Mēreka yang di-sēbut angka-nya ta’boleh mēluru mēmbabi buta sahaja mēngambil topi itu, mēlainkan hēndak-lah kēluar dēngan pantas, ma-sing2 mēmērhatikan lawan-nya, dan dēngan jalan tipu muslihat chuba mēnyembar topi itu di-hadapan mata lawan-nya sērta mēlompat balek ka-tēmpat-nya. Guru Anak Sērigala hēndak-lah mēngira mata.

Chērita.

Laung To’ Guru.

## Pérjumpaan Késabělas

Untuk mēngubah rasa, hari ini bila sélésai mém-buat Laung To Guru dan Pēpēreksaan, mulakan-lah kérja dēngan suatu pérmainan sényap. Banyak jénis pérmainan mēngintai yang boleh di-buat. Ini satu daripada-nya:

### PÉRMAINAN. *Mowgli dan Bagheera.*

Dalam pérmainan ini tidak boleh lēbeh dari-pada ēnam atau dua bēlas orang yang mēngambil bahagian. Sa-orang Anak Sērigala (sa-elok2-nya sa-orang Kēpalā Ēnam Sakawan) mēnjadi Bagheera ia-itu Harimau Kumbang, yang mēnchadangkan hēndak mēmbēri latehan mēngintai kapada Mowgli. Bagheera bērdiri mēngadap kēluar di-hujong kawan-san, dan Mowgli ia-itu sēmua Anak2 Sērigala yang lain, bērator sa-baris mēmbēlakang kēluar kawasan di-hujong sa-bēlah lagi. Bila di-bēri pērentah "Mulaï" sēmua Mowgli itu pun mula-lah bērgērak mēnuju ka-pada Bagheera dēngan mēnjengket mēlangkah pan-jang2 sa-bērapa pantas yang boleh; tiap2 sa-kali gērak buat-lah bēbērapa langkah sahaja. Tujuan-nya ia-lah hēndak pērgi sa-bērapa rapat kapada Bagheera sa-hingga dapat di-sēntoh bēlakang-nya dēngan tidak kēlihatan kapada musoh waktu dalam hutan. Bag-heera hēndak-lah pusing kēliling sa-bēntar bēbērapa kali yang di-sukai-nya, dan pada masa ia bērpusing itu kalaū ada nampak kapada-nya Anak2 Sērigala yang bērgērak mara, ia pun mēnunjok akan dia dan bērtēriak "Mowgli, aku nampak awak bērgērak, pērgi balek". Anak Sērigala itu kēna-lah balek ka-tēmpat-nya dan ulang sa-mula kērja-nya.

Pérmainan itu bérjalan terus sa-hingga Mowgli bérjaya mĕnyĕntoh Bagheera. Kĕmudian ganti dĕngan Bagheera lain.

## BĚRGANTI2. *Monyet2.*

Ēnam2 Sakawan bérbaris berbuntut2. Tiap2 sa-orang Anak Sērigala bĕrgilir2 lĕtakkan songkoknya tĕrbalek di-atas kĕpala dan mĕrangkak ka-hujong sa-bĕlah sana sĕrta balek ka-pasokan-nya, sa-bagai monyet. Ēnam Sakawan yang mula habis dan dudok mĕnchangkong dĕngan songkok di-pakai bĕtul2, mĕnang. Kalau songkok jatoh masa mĕrangkak tadi di-potong satu mata tiap2 sa-kali jatoh.

## BĚRGANTI. *Pĕrkhabarān.*

Tujuan pérmainan ini ia-lah hĕndak mĕlihat adakah dapat Anak2 Sērigala itu mĕmbawa pĕrkhabarān dalam otak-nya dan mĕnyampaikan-nya dĕngan bĕtul. Kita ta'tahu ēntah bila2 kita di-kĕhĕndaki mĕmbawa satu2 pĕrkhabarān yang sangat mustahak kapada doctor atau polis, maka wajib sangat-lah kita ingat akan pĕrkhabarān itu dan boleh mĕngulang tiap2 sa-patah pĕrkataan yang di-bĕri kapada kita. Kalau kita bĕrlateh akan pĕrkara ini masa jadi Anak Sērigala tĕntu-lah tidak-payah hĕndak mĕngingatkan-nya dan boleh jadi dĕngan sĕbab elok-nya pĕringatan kita itu dapat mĕyĕlamatkan jiwa sa-saorang manusia atau pun mĕnangkap sa-orang pĕnchuri dan sa-bagai-nya.

Pĕchahkan Anak2 Sērigala itu bérator mĕnjadi bĕbĕrapa kumpulan (sa-orang daripada satu Ēnam Sakawan) pada bĕbĕrapa tĕmpat atau pĕrhĕntian mĕngikut satu lorong, lĕbeh elok kalau lorong itu mĕlengkong. Nombor 1 daripada tiap2 Ēnam Saka-

wan tinggal bersama2 Guru Anak Sērigala yang akan mēmbēri satu pērkhabarān kapada mēreka dēngan mulut; pērkhabarān itu mēsti di-ingati dan di-bawa -nya dēngan bērlari kapada kawan-nya di-pērhēntian yang pērtama (tēntu-lah tidak boleh di-dēngar oleh orang lain). Orang2 di-tēmpat pērtama ini lari dēngan pērkhabarān itu ka-pērhēntian yang kedua dan sampaikan kapada kawan-nya; bagitu-lah sa-tērus-nya hingga orang yang akhir sa-kali lari balek dēngan pērkhabarān itu kapada Guru Anak Sērigala. Pērkhabarān yang bētul yang mula2 sampai di-kira Ėnam Sakawan-nya mēnang.

Kita tēlah mēmbuat tiga jēnis pērmainan yang ranchak, jadi mari-lah kita buat pula satu pērmainan yang sēnyap sadikit.

### PĒRMAINAN. *Angkat Awang*,

Pērmainan ini kēna buat dalam rumah. Bahagikan Pāck kapada dua pasokan, masing2 dudok bērhadapan2an pada meja panjang. Sa-kēping wang shiling sa-puloh sen bērikan kapada salah satu pasokan itu. Ahli2 pasokan yang mēnērima wang itu mēnyembunyikan tangan di-bawah meja. Wang itu dēngan bērsulit2 di-masokkan ka-dalam gēnggaman salah sa-orang daripada-nya. Bila pasokan ini mēngatakan yg mēreka sudah siap, maka kētua pasokan lawan-nya pun bērkata “Angkat Awang”.

Maka sēmua tangan yang di-sēmbunyikan di-bawah meja tadi pun di-lētakkēn di-atas meja dēngan tērgēnggam dan buku-nya ka-atas. Kētua itu mēnyurohkan lēpas sa-orang sa-orang pula mana2 budak yang di-fikirkan-nya *tiada* mēngēnggam wang itu

mēnarek sa-bēlah atau kēdua bēlah tangan-nya. Kalau ia bērjaya mēngosongkan meja itu daripada tangan yang tiada mēnggēnggam wang dan tinggal tangan yang bērisi wang itu sahaja, maka pehak-nya dapat satu mata dan mēnērima wang itu; pērmainan itu di-tēruskan sapērti mula2 tadi, hanya kētua pasokan yang satu lagi pula mēnyēbut "Angkat Awang" itu. Sa-kira-nya kētua itu mēnyuroh tarek sa-suatu tangan yang mēngandongi wang itu, maka pehak-nya kalah sērta lawan-nya dapat satu mata pula. Kalau pasokan yang mēmēgang wang itu mēnang, mēreka dapat pēluang mēmēgang wang itu lagi sa-kali dan pērmainan itu di-tēruskan. Tiap2 sa-kali tukar, hēndak-lah kētua-nya pun bērtukar pula.

Untuk mēnambahkan sēronok-nya pērmainan ini boleh-lah di-ansor mēragam2kan-nya bila budak2 tēlah mēngērti chara yang mudah itu.

Bila di-bēri pērentah "Angkat Awang!" sēmua gēnggaman tangan di-angkat lurus ka-atas dan nanti di-situ hingga dapat pērentah lain. Kētua itu boleh mēmbēri salah satu daripada pērentah2 yang bērikut:

1. "Hēmpaskan" maka hēmpaskan-lah tapak tangan ka-atas meja. Bunyi mēnghēmpaskan tangan itu barangkali boleh mēnhilangkan bunyi wang itu masa kēna meja, tētapi hēndak-lah di-jaga baik2 supaya jangan ia tērpēlanting masa mēnghēmpaskan tangan itu. Biarkan tangan2 itu di-atas meja sa-hingga di-suroh tarek oleh kētua sapērti dahulu.

2. "Lētakkan". Gēnggaman tangan itu turunkan ka-atas meja, kemudian buka pērlahan2, nampak jari2 itu macham mērangkak sa-hingga tapak tangan rata di-atas meja. (Mēreka yang tiada mēng-

gēnggam wang hēndak-lah pandai2 mēnggayakan sa-  
olah2 wang itu ada pada-nya supaya mata pehak  
lawan-nya tērlēpas daripada mēmandang tangan  
kawan-nya yang mēnggēnggam wang itu yang mēn-  
chuba mēnjaga biar wang-nya tidak bērbunyi.  
Wang itu boleh di-pēgang dēngan sa-barang gaya —  
di-chēlah jari, atau antara ibu jari dēngan tapak ta-  
ngan, kalau suka).

3. "Kētokkan". Gēnggaman tangan itu tu-  
runkan ka-atas meja dan buka, hujong2 jari tērlētak  
di-atas meja itu dan kētok2kan. (Boleh juga di-  
ganti dēngan "Lubang Kētam" yaani jari2 itu diam  
sahaja, tidak di-kētok2kan).

4. "Pēmidang". Gēnggaman tangan itu biar-  
kan di-atas, dan pusingkan bēlakang tangan ka-hada-  
pan (mēnghala kápada lawan). Buka gēnggaman  
itu pērlahan2. Kētua pasokan lawan mulaī mēnyu-  
roh tarek' tangan lēpas satu satu. (Boleh juga di-  
buat lain2 pērentah).

Bila pērmainan ini sudah di-mainkan bēberapa  
kētika, ada satu pēratoran yang elok di-buat bagi  
Anak2 Sērigala yang tajam pēndēngaran dan otak-  
nya ia-itu di-bēri kēbēnaran kapada budak2 yang la-  
in daripada "kētua" mēmbēri pērentah, akan tētapi  
pērentah-nya itu tidak boleh di-turut; kalau ada yang  
mēnurut pērentah orang lain daripada "kētua" itu  
maka kalah-lah pehak yang mēnurut itu. Maka  
dalam hal ini ada-lah bērkēhēndakkan tiap2 sa-orang  
Anak Sērigala sēntiasa bērjaga2 dan dapat mēmēren-  
tahkan diri-nya. Kalau "kētua" pēlēsu itu pandai  
mēnggayakan diri-nya dan kēna gaya pērentah-nya

boleh jadi dapat mēmpērdayakan walau pun Anak Sērigala yang tajam sa-kali otak dan pēndēngarannya.

## MĒNARI.

Sēkarang kita akan mēnchuba Tarian Hutan yang pērtama. Jangan-lah risau bērkēnaan dēngan hal ini kērana sēgala sharat-nya ada pada kita — budak2 itu banyak mēmpunyaï gambaran otak, mē-reka itu memang bērkēhēndak, dan sēmua-nya tēlah bērtambah biasa dēngan suasana Hutan.

Tari Bagheera ia-lah yang elok sa-kali di-mula-kan kērana ia-itu mudah dan mēnyukakan. Kētē-rangan-nya boleh di-dapati dalam *Panduan Anak Sērigala*, hidangan yang kētiga. Sa-bēlum mēngajarkan-nya kapada Anak2 Sērigala, pērkatakan-lah dahulu rengkasan chērita itu dēngan mēreka, kēmu-dian sēbutkan bahawa mēreka akan mēlakunkan chē-rita itu. Buat satu pērtunjokan — atau kalau Pēno-long tuan pandai, surohkan-lah ia mēnchontohkan-nya — supaya tuan masok tērus ka-dalam sēmangat chērita itu dan mēnjadikan dia sapērti ia2 bētul. Kēmudian ajarkan-lah dan surohkan budak2 itu mēm-buat-nya sa-kērat2 dēngan lambat, tētapi tidak mē-ngada2; lēpas itu bagi kali yang pēnghabisan buat-lah dari mula hingga akhir, buat bērsama2 mēreka sa-panjang masa tarian itu.

## Pērjumpaan Kēdua Bēlas

Laung To' Guru. Pēpērekshaan. Mēmungut yuran.

PĒRMAINAN. *Orang Mēlayu dēngan Portugis.*

Anak2 Sērigala itu di-pēchahkan kapada dua pasokan. Satu kawasan yang luas di-tētapkan mēn-

jadi medan pēpērangan dan asingkan kapada dua bahagian. (Untuk jadi sempadan antara dua bahagian kawasan itu boleh gunakan jalan dēnai, atau satu garisan yang di-tandakan dengan kapor atau tali dipakukan ka-tanah). Di-sabēlah mēnyēbēlah, kira2 tiga puloh ela dari sempadan itu lētakkan anggaran satu dozen barang — songkok, atau unchang kachang atau pun kēratān2 kayu; bēnda2 ini di-mithalkan sebagai tēmpat simpanan pēluru. Sa-orang pēngawal dibēri bērkawal di-hadapan bēnda2 itu, dan ia mēsti sēlalu ada sa-kurang2-nya tiga langkah dari bēnda2 itu, mēlainkan kalau ia mēngējar musoh. Anak2 Sērigala yang lain bērpēchah bērsepah2 di-kawasan itu, sa-tēngah-nya di-bēri kērja oleh kētua pasokan untok bertahan, dan sa-tēngah-nya untok mēnyērang. Bila di-bēri alamat, maka kedua2 pehak mēnyērang sērēntak. Tujuan mēnyērang itu ia-lah hēndak mēngambil sēmua pēluru kēpunyaan pehak lawan-nya dan mēmbawa-nya balek ka-kawasan-nya. Mēreka itu boleh di-tawan dengan jalan di-sēntoh pada masa mēreka di-dalam kawasan musoh, *kēchuali* kalau mēreka tēlah bērjaya mēngambil satu2 bēnda itu, bolehlah mēreka balek mēmbawa bēnda itu dengan sēlamat ka-kawasan-nya. Tiap2 sa-kali ambil, ta'boleh lēbeh daripada satu bēnda. Orang2 tawanan ditēmpatkan di-bēlakang simpanan pēluru pehak yang mēnawan-nya. Tawanan2 ini boleh di-lēpaskan oleh kawan-nya dengan jalan mēnyēntoh akan mēreka itu. Mana2 yang di-lēpaskan mēsti-lah balek ka-kawasan-nya lēbeh dahulu sa-bēlum boleh mēnyērang lagi; masa balek itu hēndak-lah bērpēgang tangan dengan orang yang mēlēpaskan-nya; kalau tidak, ia boleh ditawan sa-mula. Pehak yang di-kira mēnang ia-lah

yang dapat mērampas sēmua sa-kali pēluru lawanya atau pun yang lēbeh banyak mēnyimpan pēluru masa di-bunyikan whistle.

### PĒMAINAN. *Jam.*

Anak2 Sērigala di-bahagikan kapada pasokan2, dan di-hadapan tiap2 satu pasokan ada tērlētak sabuah jam kērtas tēbal yang di-buat mēreka dahulu. Akela bērtēriak: "Kurang lima minit pukul tujoh", maka Anak Sērigala yang pērtama dalam satu2 Ěnam Sakawan lari kēluar dan pusingkan jarum2 jam itu mēngikut yang di-kēhēndaki sērta lari balek katēmpat-nya. Yang mula2 sampai balek sērta *bētul* waktu yang di-buat-nya itu dapat satu mata bagi Ěnam Sakawan-nya. Bila Akela sēbut waktu yang lain, Anak Sērigala nombor 2 pula lari kēluar.

### PĒMAINAN. *Bērlaga ayam.*

Dua orang Anak Sērigala dudok mēnchangkong, lutut rapat ka-dagu dan tangan mēmēlok lutut itu. Sa-kērat kayu kēchil masokkan ka-chēlah pēlipatan mēlaluī di-atas tangan. Bērkētinting dalam kēadaan yang bagitu masing2 mēnchuba mēnjatohkan lawanya, atau pun mēnjadikan-nya tersalah timbangan atau tērlēpas tangan. Bēnarkan tiga pusingan dalam satu2 pērlawanan itu.

### LOMPAT TALI.

Sa-tēngah Anak Sērigala mēndapati kērja ini sangat susah sa-olah2 tidak akan dapat mēreka bēlajar mēmbuat lompat tali itu; jadi elok-lah di-mulakan sēkarang supaya mēreka boleh bērlateh di-rumah.

Anak2 Sērigala itu jadikan pasokan2 dan satu2 pasokan bēri sa-utas tali. Tiap2 sa-orang Anak Sē-

rigala městi kēluar bērganti2 dan měmbuat lompat tali sa-puloh kali arah ka-bēlakang, kēmudian bērikan tali itu kapada orang yang mēngikut-nya.

Chērita.

Laung To' Guru.

*Tambahan*.— Minggu ini boleh-lah tuan mēngadakan pula Mēshuarat Kēpala2 Ěnam Sakawan — boleh jadi mēreka ada apa2 chadangan hēndak dikatēngahkan. Barangkali tuan hēndak mērundingkan hal Sarang dan lain2 yang harus di-chadangkan oleh mēreka untok mēndapat pērtolongan bagi mēmbuat-nya. Minggu hadapan boleh-lah tuan ulang kērja2 bintang sa-hingga had yang tēlah di-pēlajari, dan kalau tuan gunakan barang sa-puloh minit dalam mēshuarat itu untok mēreka bērlateh sēndiri dengan pērtolongan tuan maka ta'dapat tidak pada minggu hadapan sēnang-lah mēreka mēmbantu Ěnam Sakawan-nya. Ini ada-lah sa-mata2 chadangan sa-haja — kalau Akela ada la'n2 chadangan yang lēbeh mēnchēmaskan budak2 itu jalankan-lah dia dēngan tidak ragu2.

### Pērjumpaan Kētiga Bēlas

Laung To' Guru. Pēpēreksaan. Mēmungut yuran.

PĒRMAINAN. *Pētas mēlompat*.

Untok pērmainan ini di-kēhēndaki sa-biji bola sepak atau bola gētah yang bēsar. Pack di-jadikan dua pasokan, satu mēmbuat bulatan bēsar jarak-nya sa-kira2 bērtēmu hujong tangan bila di-dēpakan, satu lagi bērkumpul di-tēngah2 bulatan itu. Tujuan pērmainan ini ia-lah hēndak mēngēluarkan orang2 yang

bērkumpul di-tēngah itu dari bulatan itu sa-bērapa chēpat yang boleh dēngan jalan mēnuju akan mēreka dēngan bola di-bawah daripada lutut. Anak2 Sērigala yang di-tēngah itu kēna-lah mēlompat atau lari mēngelakkan daripada bola yang di-balingkan kapada-nya, tētapi mēreka ta'boleh lari kēluar bulatan dan ta'boleh pula bola itu di-balingkan kapada mēreka dari tēmpat yang lēbeh hampir daripada bulatan itu. Makin chēpat bola itu di-balingkan dan di-sambut sērta di-balingkan sa-mula sa-makin-lah elok-nya pērmainan itu kērana ta'sēmpat mēreka yang di-tēngah hēndak bērfikir dan juga mēnjadikan mēreka chēpat pēnat. Bila sēmua "Pētas mēlompat" tēlah kēluar, pasokan itu bērtukar tēmpat dan pērmainan itu di-ulang sa-mula. Pasokan yang dapat "mēlētupkan" pētas mēlompat itu dēngan chēpat ia-lah mēnang.

### PĒRMAINAN. *Di-bawah pintu gērbang.*

Anak2 Sērigala mēmbuat dua barisan bērdiri tērkangkang bērhadap2an, jarak-nya sa-kurang2-nya ēnam ela; kaki masing2 bērtemu dēngan kaki kawan-nya di-kiri kanan-nya. Satu pehak mēmulakan dēngan mēnggolekkan bola di-atas tanah supaya lalu di-chēlah kangkang salah sa-orang Anak Sērigala di-pehak lawan-nya. Kalau bola itu lulus maka Anak Sērigala itu di-kira mati dan pērgi ka-bēlakang untok mēnangkap dan mēmulangkan bola yang tērlēpas. Pērmainan itu di-tēruskan hingga satu pasokan habis mati.

Undang2-nya chuma bola itu mēsti di-golekkan, tidak di-balingkan, dan mēnahan-nya hanya di-bēnar-kan dēngan tangan sahaja.

## KĒRJA-BINTANG.

Biarkan Anak2 Sērigala itu bērlateh di-sarangnya sa-barang kērja-bintang yang tēlah di-buat-nya dan bēlum lagi chukup chēkap. Sa-tēngah-nya barangkali hēndak bērlateh lagi dalam simpul2an, sa-tēngah-nya dalam bēndera, yang lain boleh bēlajar mēmbacha jam, dan baki-nya boleh minta kawan-nya mēnolong dalam lompat tali atau mēnjunjong buku. Pēngētahuan Anak2 Sērigala itu sēkarang barangkali bērpēringkat2, sa-tēngah-nya tēlah pandai dalam sēmua kērja yang tēlah di-buat itu, dan sa-tēngah-nya pula maseh banyak yang akan di-pēlajari-nya, maka di-sini-lah dapat Akela mēnggunakan sēgala kēbijakan dan ikhtiar2-nya. Tiap2 sa-orang mēsti sibok dan tērtarek hati pada sa-panjang masa, akan tētapi dēngan sadikit pērtolongan daripada Kē-pala2 Ēnam Sakawan dan daripada Sērigala2 Tua maka sa-patut-nya kērja Akela itu tidak-lah bērapa susah.

Lēpas daripada bēkērja bērat bagitu maka Anak2 Sērigala itu bērsēdia akan mēmbuat sadikit gērak badan, tētapi kita tidak akan mēnukar langsong kērja2 yang akan di-buat itu. Mari-lah kita bēri mēreka itu satu pērmainan pasokan yang mēngandongi sēmua kērja-bintang yang tēlah di-pēlajari-nya. Susunan isi pērmainan itu kita pulangkan-lah kepada Akela mēnchadangkan-nya.

Mēreka akan bērsukachita mēnunjokkan bētapa elok-nya mēreka boleh mēmbuat kērja2 itu sēkarang, dan mēreka akan mērasa bahawa mēreka bētul2 bēr-ansor maju. Sēkarang mari kita buat sa-jēnis pērmainan lain pula.

## PĒRMAINAN. *Apa hēndak di-buat?*

Pērmainan ini elok di-buat dalam rumah. Mu-la2-nya surohkan dua orang kēluar dari bilek, dan masa mēreka di-luar, orang2 yang tinggal bērpakat apa-kah satu kērja yang hēndak di-suroh mēreka yang kēluar itu mēmbuat-nya.

Barangkali mēreka mēnētapkan hēndak mēnyu-roh pindahkan satu kērusi dari hujong bilek itu ka-hujong sa-bēlah lagi, atau angkat satu gambar gan-tongkan ka-tēmpat lain, atau gosok papan hitam atau pun apa2 yang di-fikirkan oleh mēreka bērsama. Kēmudian kedua orang yang kēluar tadi di-panggil masok, dan mēreka kēna mēngagak apa-kah yang kēna mēreka buat. Mēreka mēsti bērjalan mērata2 dalam bilek itu mēmbuat sēgala yang dapat di-fikir-kan oleh mēreka sa-hingga kēna sa-bagai yang di-kē-hēndaki. Dalam masa mēreka mēnchuba itu dan ini, orang2 yang lain mēnyanyikan lagu "Tēpok amai2", nyanyi itu di-kuatkan bila pērbuatan itu hampir kēna dan nyanyi pērlahan2 kalau pērbuatan-nya salah. Bila kedua pēmain itu tēlah dapat mēng-agak apa yang mēreka kēna buat, suroh-lah dua orang lain pula kēluar bilek.

Pērmainan ini boleh juga di-mainkan di-luar rumah, tētapi lain pula-lah jēnis2 kērja yang akan di-buat itu.

## PĒRMAINAN. *Pērompak tidor.*

Ini sa-jēnis pērmainan yang amat di-gēmari oleh Anak2 Sērigala walau pun ia-itu mēmaksa dudok diam bēberapa minit lama-nya.

Sa-orang Anak Sērigala yang bērtutup mata dudok di-tēngah2 kawasan mēnjaga "Unchang duit", dan yang lain2 dudok jauh2 daripada-nya. Bila Akela mēnunjok sa-orang Anak Sērigala hēndak-lah ia mērangkak dēngan sunyi sēnyap mēndapatkan Pērompak itu dan chuba mēnchuri "unchang duit"-nya. Jikalau Pērompak mēndēngar bunyi pēnchuri itu datang ia pun mēnunjok akan dia, atau pun mēnunjok ka-mana arah yang di-fikirkan-nya bunyi itu datang; kalau ia bētul, pēnchuri itu di-kira mati dan balek ka-tēmpat-nya, dan sa-orang lain pula di-tunjok oleh Akela supaya pērgi mēnchuba untong-nya. Tētapi kalau Pērompak itu silap dan tidak mēnunjok dēngan bētul kepada Anak Sērigala yang mēndatangi-nya itu, maka boleh-lah budak itu tērus mēndēkati unchang itu. Mana2 pēnchuri yang dapat mēngambil unchang itu ia pula jadi Pērompak. Ělok di-suroh Anak2 Sērigala itu bērtukar tēmpat tiap2 sakali mēnutup mata sa-orang Pērompak baharu.

### TARIAN HUTAN.

Baik di-buat Tari Bagheera sa-kali lagi dēngan lēbeh bēria2, kēmudian kalau ada masa, chuba-lah yang baharu pula ia-itu Tari Tabaqui (*Panduan Anak Sērigala*, hidangan yang kēdua). Jangan lupa mēnyēbutkan rengkasan chērita-nya dahulu, walau pun tēlah di-dēngar oleh mēreka masa bērchērita.

Laung To' Guru.

### Pērjumpaan Kēēmpat Bēlas

Laung To' Guru. Pēpēreksaan. Mēmungut yuran.

PĒRMAINAN. *Bērkumpul* (Lihat Pērjumpaan Kēlima).

Anak2 Sērigala tēlah mēmbuat pērmainan ini dahulu, tētapi kali ini mēreka tēlah mēnjadi lēbeh chērgas, ia-kah tidak!

## MĒNITI PAPAN.

Ini ia-lah satu daripada ujian Bintang Dua, akan tētapi tiada mēnjadikan halangan kalau kita masok-kan dia dalam ranchangan kita pada pēringkat ini. Kērja itu sēronok dan mēmbantu budak2 itu mēnim-bang badan dan mēnētapkan pēringatan.

Kalau di-tēmpat pērjumpaan itu ada bangku pēnimbang badan, amat-lah elok; kalau tidak, chuba-lah pinjam sa-kēping dua papan, lētakkan tinggi sa-dikit dari tanah, tētapi jangan tērlampau tinggi kē-rana pada mula-nya lēbeh baik kēmas lētak-nya dan tidak bērgoyang2 — tinggi-nya itu boleh di-tētap-kan kēmudian. Bantu mana2 yang chuak sa-hingga mēreka pērchayakan diri-nya; maka mana2 yang tē-lah ada kēpērchayaan itu bēri-lah mēmbuat yang lē-beh susah umpama mēniti sambil undor atau bērlutut sa-paroh jalan dsb.

Bila budak2 itu tēlah dapat mēnimbang dēngan sēnang boleh-lah pula di-chuba-nya yang lēbeh payah dan Akela boleh-lah mēnchari tēmpat di-luar yang di-gunakan dēngan gēmbira-nya sapērti saloran ayer mēlintangi anak sungai (kalau sungai itu tidak da-lam), pokok tumbang, tētapi jangan-lah gunakan jambatan mēlintasi jalan kēreta api!

PĒRMAINAN. *Dalam kolam, Atas tēbing.* (Lihat Pērjumpaan Pērtama).

## PĚRMAINAN. *Mēnchari běnda.*

Tunjokkan kapada budak2 itu satu běnda, mi-thal-nya sa-hēlai daun gētah. Sēbutkan kapada mēreka apa běnda-nya itu, suroh mēreka pērhatikan baik2, kēmudian katakan, "Anak Sērigala yang mula sa-kali mēndapat běnda saperti ini dan mēmbawa-nya balek ka-mari dapat satu hadiah." Biarkan mēreka lari bērtaboran, dan sēdiakan gula2 atau apa2 běnda yang sa-umpama itu untok jadi hadiah.

Pērubahan yang ta'séměna2 saperti ini boleh mēnghidupkan Pack itu, dan kadang2 hadiah yang kēchil2 itu elok hasil-nya mēnggantikan mata yang di-bēri kapada siapa2 yang mēnang.

## PĚRMAINAN. *Sarong kaki panjang.*

Sēdiakan bagi tiap2 satu Ěnam Sakawan sa-hēlai sarong kaki panjang yang bēsar (tidak koyak!) bēr-isi bērjēnis2 běnda — sa-kēping shiling sa-puloh sen, sa-kēping shiling lima sen, satu gēlang gētah, satu kotak korek api, sa-batang pencil dsb. Ěnam Sakawan bērbaris bērbuntut2 dan bilang angka. Akela yang ada mēmēgang daftar barang2 dalam sarong kaki itu mēnyēbut nama satu barang dan satu angka, maka Anak Sērigala yang angka-nya kēna panggil itu lari kapada sarong kaki-nya dan mēraba běnda2 dalam sarong kaki itu mēngambil barang yang di-sēbut nama-nya tadi dan bawa balek kapada Guru Anak Sērigala-nya. Kēmudian di-sēbut lain běnda dan lain angka pula. Ěnam Sakawan yang mula habis dan bētul sēmuua barang-nya di-kira mēnang.

*Pēringatan:* Běnda2 yang di-masokkan ka-dalam tiap2 sarong kaki itu hēndak-lah sama.

## BĒRBUAL.

Ini bukan-nya bērchērita mēlainkan ia-lah bērunding di-antara Sērigala2 Tua dēngan budak2 itu. Akela mēngēluarkan satu2 kētēangan kēmudian mēnchungkil fikiran dan chadangan2 budak2 itu. Dalam pērkara ini boleh kita gunakan hal kēbērsehan untok di-bualkan, dan kalau lēbeh dahulu kita bacha apa yang di-sēbutkan oleh Pēnaja dalam *Panduan Anak Sērigala*, hidangan yang kēsapuloh, maka tahu-lah kita bagaimana hēndak mēnērangkan isi2 kēsiha an badan kapada budak2 itu. Budak itu boleh jadi sangat tērtarek dalam pērkara2 ini — bulu2 yang halus dalam hidong-nya dan apa kērja-nya (kērana tēntu-lah ia tahu bēnda itu tēlah ada di-situ), kuman2 yang mēlēkat pada makanan jika tidak di-basoh, dan ma-kanan yang rēput di-chēlah2 gigi boleh mērēputkan gigi itu sama jika tidak di-bērsehkan. Tuan boleh mēnjadikan kuman2 itu musoh yang sa-bēnar — bahkan boleh tuan tunjokkan chontoh-nya b la ada kēlihatan! Jangan lupa mēmbēnarkan budak2 itu bērchakap mēngēluarkan fikiran-nya, kērana ia-itu boleh mēnambahkan kuat pada pēringatan-nya.

Laung To' Guru.

## Pērjumpaan Kēlima Bēlas

Laung To' Guru. · Pēpēreksaan.

Hari ini hēndak-lah di-utamakan tēntang pēpē-reksaan gigi kērana minggu lalu sudah di-bualkan pērkara ini.

## PĚRMAINAN. *Kangaroo.*

Sa-orang Anak Sērigala yang kedua bělah kaki-nya di-ikatkan děngan kain leher, běrkětinting sa-bagai kangaroo měngějar budak2 yang lain dalam Pack itu. Siapa2 yang dapat di-sěntoh-nya kaki-nya pun di-ikat dan běrkětinting běrsama2 měngějar yang lain2 itu. Bila tinggal sa-orang sahaja lagi yang tidak měnjadi kangaroo maka ia-lah měnang dan pěrmainan itu pun tammat.

## BĚRGANTI2. *Anak Sērigala yang sibat.*

Ěnam2 Sakawan běrbaris běrbuntut2, tětapi Kě-pala2 Ěnam Sakawan běrdiri jauh sa-těntang děngan Ěnam Sakawan masing2. Bila di-běri pěrentah "Mu-laü" Anak Sērigala yang pěrtama daripada tiap2 satu Ěnam Sakawan lari kapada Kěpala Ěnam Sakawan-nya dan pura2 měnggosok gigi, měmbasoh tangan, měngěrat kuku měngisap nafas panjang ikut hidong, kěmudian lari balek. Měnggosok gigi itu hěndak-lah di-buat sa-puloh kali, měmbasoh tangan itu sa-puloh kali juga. Bila ia sampai balek, Anak Sērigala yang kedua pula běrbuat bagitu; bagitulah hingga habis. Ěnam Sakawan yang mula2 habis dan dudok měnchankong di-kira měnang.

## KĚRJA-BINTANG. *Sěmboyan semaphore.*

(Di-agakkan yang Akela tělah běrsatuju děngan Guru Pěngakap bahawa Pack ini akan měnggunakan Semaphore, dan tuan tělah pun mutalaah *Panduan Anak Sērigala*, hidangan yang kěsabělas, yang měngandongi banyak nasihat yang běrguna běrkěnaan děngan Semaphore dan Morse, bagitu juga běběra-pa pěrmainan sěmboyan).

Pelajaran sēmboyan sēlalu mēnjadi batu halangan dalam hal kēmajuan Anak2 Sērigala untok mēndapat Bintang Dua. Jadi walau pun di-hadapan kita ma-seh banyak masa lagi, elok-lah juga kita mulakan sē-karang dēngan pērlahan2 tētapi tētap.

Sa-bēlum mēmulakan-nya tērangkan-lah apa yang di-katakan semaphore itu, dan apa sēbab-nya ia mustahak sērta bagaimana bērguna-nya mēngētahuī bahasa dēngan sēmboyan ini. Sa-sunggoh-nya — walau pun pērkara ini ta' payah di-sēbutkan — barang siapa yang hēndak mēngajarkan-nya mēsti-lah ia sēndiri tahu akan dia.

Pada mula-nya jangan-lah di-chuba hēndak mēngajar banyak2 sangat, mēmadaï-lah Anak2 Sērigala itu tahu sadikit sahaja dahulu — kata-lah pusingan yang pērtama — dēngan halus. Bila huruf2 yang sadikit ini tēlah di-kētahuī bētul2, boleh-lah di-jadi-kan pērkataan2, di-sēmboyankan, dan di-bacha supaya dapat mēnjalankan pērentah2 dēngan sēmboyan itu.

#### PĒMAINAN. *Pop Musang Mēlompat.*

Anak2 Sērigala mēmbuat bēbērapa bulatan kē-chil bērpēgang tangan tiga2 orang, di-tēngah tiap2 bulatan itu ada sa-orang mēnjadi musang. Sa-orang lagi bērdiri di-tēngah2 kawasan mēnjadi musang tua. Sēmua-nya sa-kali mēnyanyikan lagu ikan kikek sam-bil bērpēgang2 tangan mēnari bērkēliling2. Bila dibēri pērentah "Pop!" sēmua musang dalam bulatan itu lari kēluar mēmbuat satu bulatan di-tēngah ka-

wasan bersama2 musang tua, dan ménari sa-kali kēliling mēngikut lagu yang di-nyanyikan itu. Bila disebut "Pop!" semua musang lari sa-mula ka-sarangnya (bulatan2 kēchil), siapa yang tētinggal di-luar ia pula jadi musang tua. Musang2 itu bērtukar tēmpat dēngan orang2 yang mēmbuat bulatan, dan pērmainan di-tēruskan.


*Tambahan.*—Masa yang maseh tinggal lagi kira2 ēmpat puloh minit lama-nya itu boleh-lah kita gunakan bagi Kērja Tangan; sa-lama itu banyak juga yang dapat di-kērjakan kalau chēpat mēmulakan-nya. Di-chadangkan biar budak2 itu mēmbuat chontoh pērkakas daripada kotak2 korek api dan kērtas. Kalau dapat tuan tunjokkan satu chontoh yang tēlah siap, tēntu-lah dapat budak2 itu mēnchontohnya.

Alatān yang mustahak ia-lah kotak2 korek api, cardboard nipis, kērtas perang atau kērtas balut dingding atau pun kērtas warna, gunting, pērēkat dan sadikit sumbat botol atau manek2 untok di-jadikan tangkai.

Yang pērtama sa-kali hēndak di-buat ia-lah suroh budak2 itu mēnētapkan apa bēnda yang hēndak di-buat-nya, kēmudian bērikan-lah apa2 alatan yang di-kēhēndaki-nya bagi bēnda itu. Tiap2 satu Ņam Sakawan bēri barang dua tiga bilah gunting dan sadikit pērēkat dll. lagi supaya dapat mēreka mēmbuat dēngan sa-bērapa chēpat. Barangkali banyak pērtolongan dan nasihat yang di-kēhēndaki oleh mēreka,

tērutama sa-kali tēntang tērtib mēlēkatkan satu2 ba-hagian bēnda itu dan juga mēnyukat mana2 tēmpat yang hēndak di-sukat.

Di-bawah ini ada bēbērapa jēnis pērkakas yang boleh di-buat oleh budak2 itu.



Kalau barang2 itu ta'sēmpat siap, boleh-lah su-rohkan mēreka mēnyiapkan-nya di-rumah atau pun tētāpkān satu masa yang lain.

## Pérjumpaan Kéénam Bělas

Laung To' Guru. Pěpěrekšaan. Měmungut yuran.

### PĚRMAINAN. *Kata Yaakub, Kata Yahya.*

Pérmainan ini berasal dari Africa Sělatan. Anak2 Sěrigala bérator bérbaris2, antara satu baris děngan baris yang lain biar jauh2 sadikit. Pěngadil běrkata, "Kata Yahya sěntoh merah", maka městilah děngan sěrta měrta sěmuia Anak Sěrigala itu běrlari pěrgi měnyěntch apa2 běnda yang běrwarna merah yang ada kělihatan di-situ. Yahya boleh juga běrkata "Sěntoh puteh" atau "hijau" atau "kayu" atau pun apa2 yang těringat oleh-nya. Sa-kali2 pěngadil boleh běrkata, "Yaakub sěntoh biru", maka městilah tiap2 sa-orang Anak Sěrigala běrdiri těgak dan tidak běrgěrak. Mana2 Anak Sěrigala yang běrgěrak bila Yaakub yang běrkata, ia hilang satu mata. Mana2 Anak Sěrigala yang běrgěrak kalaun měnyěntoh satu2 běnda pada hal ia boleh měnyěntoh běnda itu děngan tidak payah běrgěrak sapěrti měnyěntoh songkok hijau-nya atau lain2, hilang juga satu mata.

Di-akhir pérmaiňan itu di-jumlahkan kěsěmuia mata yang hilang, dan Anak Sěrigala yang sadikit sa-kali hilang mata-nya di-kira měnang.

Kalau běnda2 yang akan di-sěntoh itu jauh těmpat-nya maka Anak Sěrigala yang lambat sa-kali sampai balek hilang satu mata.

### KĚRJA-BINTANG.

Minggu lalu tělah kita mulakan měnhantar khabar děngan sěmboyan dan tělah měnyalakan gam-

baran otak budak2 itu. Maka jangan-lah kita lupa akan mustahak-nya mēngēkalkan kēgēmaran mēreka dalam pērkara ini — sa-tēngah-nya chēpat pandai dan sa-tēngah-nya agak lambat sadikit. Jangan-lah bimbangkan hal ini, tētapi kēkalkan-lah mēnarek hati mēreka dēngan jalan mēnggunakan sēmboyan itu dalam pērmainan dan pērlawanan. Chu-ba-lah masokkan satu kērja sēmboyan sa-kurang2-nya bērsēlang minggu walau pun ia-nya tidak tērkandong dalam ranchangan2 itu. Sa-tēngah Pack chukup pantas maju-nya dan sa-tēngah-nya pula kēna bēransor2 pērlahan2. Maka walau apa pun yang tuan buat ikut-lah chogan-kata yang mēnyēbut — bērgērak-lah ka-hadapan dēngan mēmpēlajari sa-kurang2-nya satu huruf sa-minggu.

Ini ada dua pērmainan sēmboyan:

### *Pokok2 Sēmboyan.*

Ēmpat atau lima pokok kayu di-bēri nama dēngan satu2 huruf daripada pusingan yang pērtama. Bila Akela mēmbuat sēmboyan dēngan salah satu huruf2 itu hēndak-lah sēmua Anak Sērigala lari kapada pokok yang mēmakai huruf itu, sēntoh akan dia dan lari balek ka-tēmpat masing2.

### *Pērkhabarān bisu.*

Akela sēmboyankan satu pērkataan daripada huruf2 dalam pusingan yang pērtama, kēmudian budak2 bisekkan apa pērkataan itu kapada Bagheera; kaļau hari itu Akela sa-orang sahaja yang ada suroh-lah budak2 itu mēnuliskan-nya pada kērtas.

**PĒRMAINAN.** *Bērlaga kambing.* Lihat Pērjum-paan kēdua).

## PĒRMAINAN. *Mēmbawa khabar.*

Anak2 Sērigala tēlah mēngētahuī daripada kērja2 kita yang tēlah lalu ia-itu mēreka harus kēna mēmbawa apa2 khabar yang mustahak pada bila2 masa sahaja, dan sa-bahagian bēsar dalam pērkhabaran ini tērgantong di-atas pēringatan-nya yang bētul; jadi ini ada satu lagi pērmainan mēmbawa khabar yang di-tambah dēngan halangan2 dan banyak yang hēndak di-ingat.

Ada bantuan-nya kalau tuan atorkan pēnolong2 pada bēbērapa tēmpat bagi mēmērhatikan jalan yang di-laluī oleh budak2 itu dan mēmbēri pērtolongan kapada mēreka jika mustahak.

Lagangkan satu jalan yang mudah yang akan di-ikut oleh budak2 itu; jalan2 itu biar-lah mēlaluī bērbagai2 tanda alam saperti masjid, jam tinggi, pēti surat dan lain2 yang ada di-daerah tuan itu. Yang hēndak qj-buat oleh budak2 itu ia-lah mēlihat dan ingat bēbērapa pērkara yang bērhubong dēngan bēnda2 itu umpama pukul bērapa jam itu masa ia lalu di-situ, bērapa orang ada di-masjid masa itu dll., tētapi hēndak-lah di-bēri juga kapada mēreka satu pērkhabaran yang mēsti di-ingat-nya sa-panjang2 masa itu. Pērkhabaran itu biar-lah yang mudah sahaja kērana banyak lagi yang lain2 yang mēsti di-ingat oleh mēreka itu.

Maka pērmainan ini akan bērtambah chēmas lagi kalau sa-bēlum mēreka bērtolak tuan buatkan satu chērita bahawa tēmpat2 yang akan di-laluī oleh mēreka itu ada bērbagai2 mērbahaya yang mēsti di-kalahkan, mithal-nya jam tinggi itu mēnjadi tēmpat sēnapang jēntēra musoh, pēti2 surat sa-bagai tēmpat

musoh mēngēndap dsb. Kalau mēreka ingat hal tiap2 satu-nya itu ērti-nya musoh itu tēlah di-kalah-kan-nya. Di-sini boleh-lah Akela mēnggunakan sa-pēnoh2-nya akan kēpintaran otak-nya supaya mēn-jadikan pērmainan itu sa-bērapa sēronok yang boleh. Maka supaya jangan mēnjadi kēlam-kabut, elok-lah di-pēchahkan budak2 itu dan mulakan pērjalanan-nya dari bērbagai2 tēmpat, sa-paroh-nya dari pēr-mulaan jalan itu, sa-tēngah-nya dari hujong dan yang lain dari pērtēngahan jalan. Yang mula2 sampai dēngan jawapan2 dan pērkhabaran yang bētul di-kira mēnang.

### PĒRMAINAN. *Pokok kayu.*

Untuk pērmainan ini hēndak-lah Pack itu di-bahagi dua dan tinggalkan sa-orang mēnjadi pēngēm-bar. Satu bahagian mēnjadi pokok, dan mēsti-lah mēreka tahu yang pokok kayu *tidak boleh* bēr-gērak. Mēreka bērdiri kaki tērkangkang dan bēr-pēlok tuboh, buat dua barisan bērhadap2an. Di-bēlakang tiap2 satu pokok itu ada sa-orang orang liar bērsēmbunyi mēnanti hēndak mēnangkap pēngēmbara yang lalu dēngan tidak bēringat2 di-si u. Orang liar itu dudok bērlutut dēngan sa-bēlah ta-nagan-nya mēmēmēgang batang kayu (kaki), dan tangan yang sa-bēlah lagi bebas. Kēpala-nya boleh di-jongolkan sadikit kēluar ikut rongga batang pokok (chēlah kangkang) itu. Orang yang jadi pēngēm-bar tadi kēna bērjalan mēlaluī lorong antara kedua barisan pokok tēmpat orang2 liar bērsēmbunyi itu, dan ia mēnchuba hēndak sampai ka-hujong lorong itu dēngan tidak di-sēntoh oleh orang2 liar itu. Orang2 liar itu hanya boleh mēnghulorkan tangan-nya yang bebas dan tidak boleh mēnolakkan pokok

kayu itu. Sa-bberapa kali pēngēmbara itu kēna sēntoh dalam pērjalanan-nya itu sa-banyak itu-lah ditolak markah daripada-nya. Sudah itu pileh pula pēngēmbara yang lain dan pēngēmbara yang mula2 tadi mēnggantikan-nya jadi pokok atau orang liar.

### PĒMAINAN. *Bēri bantal* (*cushion*).

Mainkan-lah sa-kali sahaja untok tiap2 sa-orang bērgērak barang sa-minit dua. Anak2 Sērigala lari bērkēliling (mēngikut bunyi2an kalau ada) dan masa itu bērgilir2 mēmbērīkan bantal kapada orang lain. Barang siapa yang tengah mēmēgang atau mēnyēntoh bantal itu masa bunyi2an itu bērhēnti (atau dibunyikan whistle) di-kira mati.

Chērita.

Laung To' Guru.

### Pērjumpaan Kētujoх Bēlas

Laung To' Guru. Pēpēreksaan. Mēmungut yuran.

Hari ini biar-lah Baloo pula mēmbuat pēpēreksaan untok mēngubah rasa; barangkali ada satu2 pērkara lain yang hēndak di-pēreksa-nya.

### PĒMAINAN. *Telephone*.

Ēnam2 Sakawan dudok bērbuntut2 (hēndak-lah di-bēri alamat bērkumpul untok mēlihat yang mēreka maseh boleh mēlakukan-nya dēngan chērgas), bilang angka hingga 6. Akela mēnyēbut angka mithal-nya Pinang 4623. Sēmuia Anak Sērigala yang bērangka sapērti itu mēsti-lah bangun, lari mēngēlliagi satu panchang, lari balek ka-tēmpat-nya dan tērus dudok. Ēnam Sakawan yang mula dudok sēmuia-nya dapat satu mata. Kalau angka yang di-

sébut itu mithal-nya Mélaka 1212, maka këna-lah mëreka yang bërangka sapërti itu lari dua kali. Jangan lupa mënyébutkan siapa yang mënang, dan yang lain mëmbéri sorak.

PÉRMAINAN. *Dalam kolam, Atas tëbing.* (Lihat Pérjumpaan Përtama).

### KËRJA-BINTANG.

Tëlah lama Pack itu tidak mëmbuat simpulan2. Mëreka itu tëntu-lah tahu bëtul akan simpulan2 bagi Bintang Satu, jadi mari-lah kita mulakan simpul manok. Kalau mëreka tërganggu2 nampak-nya mëmbuat buku sila dan bunga gëti, suroh-lah bërlateh sa-këjap, dan supaya kërja itu hidup rupa-nya buat-lah përlawanan2. Simpulan2 itu boleh di-buat di-bélakang, di atas këpala, dëngan pëjam mata atau sambil bërbaring dll. Elok pula di-pëchahkan Pack itu supaya sa-tëngah-nya boleh mëmbuat semaphore dan sa-tëngah-nya mëmbuat simpulan2, këmudian bërtukar.

### LARI PASOKAN. *Pijak batu.*

Bagi tiap2 satu Ńnam Sakawan di-këhëndaki ada dua këping kërtas yang chukup bësar sa-kira2 kaki Anak Sërigala yang di-lëtakkan di-atas-nya tidak këluar mëngënaï tanah. Ńnam2 Sakawan bërbaris bërbuntut2 dan këpingan2 kërtas itu tërlëtak rapat di-hadapan-nya. Këpala Ńnam Sakawan bërdiri di-sabëlah Ńnam sakawan-nya, dan Anak Sërigala yang di-hadapan sa-kali mulaï bërdiri di-atas kërtas itu — sa-bëlah kaki pada sa-këping kërtas. Anak Sërigala ini mëngangkat kaki kiri-nya bërdiri mënimbang badan di-atas sa-bëlah kaki; Këpala Ńnam Sakawan ubah kërtas bëkas kaki kiri itu satu

langkah ka-hadapan. Anak Sērigala itu mēlētakkan balek kaki kiri-nya ka-atas kērtas itu dan mēngangkat kaki kanan-nya, sambil itu Kepala Ěnam Sakawan mēngubah pula kērtas bēkas kaki kanan itu sa-langkah ka-hadapan bagi tēmpat Anak Sērigala itu mēlētakkan kaki kanan-nya. Buat-lah bagitu hingga sampai ka-tanda pēnghabisan. Kēpala Ěnam Sakawan lari balek dēngan kērtas2 itu dan buat sapērti mula2 tadi kapada Anak Sērigala yang kedua, hingga-lah habis sēmua-nya. Mana2 Anak Sērigala yang mēlētakkan kaki di-atas tanah atau salah timbang badan-nya masa bērdiri sa-bēlah kaki itu hilang satu mata bagi Ěnam Sakawan-nya. Ěnam Sakawan yang mula2 habis dēngan tiada hilang satu mata pun di-kira mē-nang.

PĒRMAINAN. *Bisa.* (Lihat Pērjumpaan Kētiga).

PĒRMAINAN. *Tēka-tēki Bisu.*

Pērmainan ini mēmbawa kapada mēlakunkan satu2 lakunan yang tidak mēmbuat pērsediaan. Anak2 Sērigala itu di-bahagikan kapada dua pehak — satu pērgi ka-hujong kawasan, dan pehak yang tinggal mē-nētapkan satu pērkataan untok di-lakunkan dēngan bisu supaya orang2 yang mēlihat lakunan itu dapat mēnēka apa pērkataan di-lakunkan itu, mithal-nya pērkataan “pintu”. Bila pērkataan itu tēlaht di-tētapkan maka di-hantarkan sa-orang pērgi mēmbéri tahu pehak yang di-hujong kawasan itu bahawa pērkataan yang di-tētapkan itu bunyi hujong-nya “tu”. Maka pehak ini pun bērpakat-kah mēmikirkan apakah pērkataan itu, boleh jadi *hantu*, *batu*, atau *kutu*; kata-lah mēreka mēmikirkan pērkataan itu “hantu”, mēreka pun datang ka-tēngah kawasan dan mēlakunkan dēngan bisu sa-suatu chērita hantu. Bila pehak

yang tinggal tēlah dapat mēnēka bahawa pērkataan yang di-lakunkan itu tidak bētul, mēreka pun mēnyēbut *bish* bēbērapa kali. Pēlakun2 itu pērgi balek dan mēmikirkan pērkataan lain pula yang hujong-nya “tu” lalu di-lakunkan. Bila mēreka tēlah dapat mē-lakunkan pērkataan “pintu” maka pehak yang tinggal tadi pun bērtēpok, dan pērgi ka-hujong kawasan mēnantikan giliran hēndak mēlakun pula.

Laung To' Guru.

### Pērjumpaan Kēlapan Bēlas

Pada bahagian “Ranchangan2” dalam kitab ini tēlah di-sēbutkan bagaimana mustahak-nya sa-kali sa-kala Pack itu mēmbuat sa-suatu kērja yang bēr-lainan daripada biasa: Kita sēntiasa bēringat2 supaya jangan tērpērosok ka-dalam lubang atau pun budak2 itu mēnjadi jēmu; maka daripada jalan hēndak mēngelakkan pērkara itu ia-lah kadang2 di-buat Pērjumpaan Khas Pack (Special Pack Meeting) ia-itu lain sa-kali rasa-nya dan boleh mēnjadi sa-bagai pē-nawar yang mēnyēgarkan tiap2 sa-orang dalam Pack itu.

Ini ada satu chontoh Ranchangan yang tēlah di-chuba dan di-dapati bērjalan dēngan chukup elok bagi Pērjumpaan Khas Pack. Kērja-nya mudah tēta-pi chukup bagus dan sēnang di-jalankan.

Mēlawat ka-Kuala Lumpur.

Pada masa Anak2 Sērigala itu sibok bērsēdia kē-rana Pērjumpaan Pack yang biasa, Akela pun mē-manggil akan mēreka itu mēmbuat bulatan dan mēm-bēri tahu bahawa mēreka akan mēmbuat satu pēr-

jalanan angan2 pērgi mēlawat ka-Kuala Lumpur. Maka tēntu-lah mēnjadi tērlalu hingar bangar sa-kē-jap itu. Akan tētapi bila Akela bērtériak "Pack!" mēreka pun akan diam sa-mula dan pērsēdiaan untok pērjalanan itu pun di-siapkan.

Ada-kah mēreka mēmpuyaï wang untok mēmbēli ticket? Ia, tiap2 sa-orang ada wang dalam ko-chek-nya atau pun di-gēnggam-nya ērat2.

Akela mēngatakan tēntu-lah mēreka itu kēna mēmbawa bēkal nasi dalam tin rokok, jadi ia pun mēmbēri budak2 itu sa-orang satu tin dan sa-orang sa-utas tali sēbab barangkali ada guna-nya kēmudian.

Sēkarang mēreka tēlah siap akan bērtolak, maka Akela pun mēmbawa akan mēreka itu ka-tēpi kawan-san lalu di-chēlah dua panchang yang jadi sa-bagai pintu masok ka-station. Di-sini sēmuu wang-nya di-sērahkan kapada Akela untok mēmbēli ticket, dan kēreta api pun bērjalan-lah. (Pērmainan. *Naik Kēreta Api*, ia-itu sa-jēnis dēngan pērmainan "Ikut Kēpala"; bērjalan mēmbongkok mē-lalui lubang gēlap, bērdiri diam masa bērhēnti di-station dll.). Akhir-nya mēreka di-suroh buat satu bulatan dan bērdiri diam kērana tēlah sampai ka-Kuala Lumpur. Tētapi alang-kah bising-nya di-situ bunyi kēreta yang bērkēliaran pērgi balek tērutama sa-kali motor car; maka Akela bērtanya kapada Anak2 Sērigala itu kalau2 mēreka tahu bērjēnis2 bangsa motor car yang lari sapērti angin laju-nya itu. (Pērmainan. *Mēnyēbut bangsa motor car*. Sēmuu Anak Sērigala bērdiri. Tiap2 sa-orang jadi motor car dan di-suroh mēmileh dalam hati bangsa motor car yang ia jadi itu. Kēmudian Akela mēnunjok sa-orang daripada-nya; bila di-tunjok sahaja ia pun mē-

nyēbut huruf awal nama motor car-nya. Yang lain sérēntak ményēbut nama motor car itu, dan kalau bétul tēkaan mereka itu, ia pun dudok ménchang-kong. Buat-lah bagitu hingga sémua-nya dudok).

Kémudian Akela bérkata, "Sékarang kita akan përgi ka-Kébun Binatang (Zoo) dëngan bus." (Naik bus — lari sa-kali kéliling kawasan itu). Tétapi pada masa mereka sampai ka-Kébun Bintang itu, sémua binatang yang ada di-situ têrsémbunyi oleh pokok2 atau masok ka-dalam sarang dan gua-nya masing2, jadi këna-lah Anak2 Sërigala itu përgi mérata2 ménchari akan mereka itu. Përmainan. *Ménchari binatang.* Nama2 bëbërapa jénis binatang têrtulis pada bëbërapa këping kertas di-sémbunyikan mérata2 ka-wasan itu). Oleh sëbab Anak2 Sërigala mëmpunyaï mata yang tajam maka sa-bëntar sahaja dapat-lah di-chari-nya kësémua binatang yang têrsémbunyi itu. Sékarang waktu makan tengah hari pun tiba, maka Akela ménchadangkan sémua-nya dudok dan makan nasi bëkal-nya. Bila sudah makan, Akela bërtanya, "Apa hëndak kita buat pada tin têmpat nasi ini?" Anak2 Sërigala ménjawab, "Champakkan ka-dalam tong sampah." (Përmainan. *Tuju lubang.* Pack jadikan dua pasokan, bërdiri bërbaris berhadap2-an kira2 sa-puloh kaki jarak-nya; di-hadapan pasokan masing2 ada satu bakul sampah. Tiap2 sa-orang bërgilir2 ménchampakkan tin ka-dalam bakul sampah pasokan-nya.

Akela bérkata pula, "Nampak-nya têmpat ini têlah kamu këmaskan, dan barangkali ada di-antara kamu yang maseh lapar lagi, ini ada sadikit roti untok kamu sémua." (Sémua-nya bërsorak kësukaan.)

Kēmudian oleh sēbab sēmua-nya bērasa haus, mēreka pun minum "orange crush." (Pērmainan. *Pop.* Buat satu bulatan. Tiap2 sa-orang bērgilir2 mēmbuat bunyi "pop" dēngan mēmasokkan jari tē-lunjok ka-dalam mulut sērta tēkankan ka-pipi sambil tolakkan kēluar dēngan pantas dan kuat. Siapa2 yang salah gilir mēmbuat pop itu di-gēlarkan botol pēchah).

Lēpas itu mēreka pērgi ka-Dewan Bandaran, di-sana ada kēlihatan jam tinggi. Dēngan bērgilir2 mē-nyēbutkan kapada Akela pukul bērapa waktu itu. (Pērmainan. *Chērmin mata.* Empat buah kērusi di-lētakkan tērbalek di-atas tanah jadi sa-bagai dua pasang chērmin mata. Akela bērdiri di-bēlakang chērmin mata itu mēmēgang sa-buah jam. Anak2 Sērigala bērdiri dua baris bērbuntut2 di-hadapan chērmin itu. Bila di-bēri pērentah "Mulai" kēdua2 Anak Sērigala yang di-hadapan sa-kali mērangkak lalu di-chēlah chērmin mata itu, mēlihat jam di-tangan Akela dan mēmbisekkan kapada-nya pukul bērapa waktu itu. Siapa yang bētul suroh bērdiri di-kanan dan yang salah di-kiri Akela. Kēmudian orang yang kēdua pula bērbuat bagitu; bagitu-lah hingga habis. Yang salah itu di-gēlarkan "mata kabor" dan kēmudian-nya di-bawa kapada tabib mata untok di-pēreksa baik2.)

Kēmudian mēreka pērgi ka-High Street, masing2 pura2 mēnjadi tukang chat, atau postman, atau pun tukang kayu dsb., dan Akela mēnēka mēnjadi apa-kah tiap2 sa-orang mēreka itu. Lēpas itu kumpulkan balek dan jadi Anak Sērigala sa-mula.

Sēkarang mēreka kēna chēpat2 hēndak naik kē-reta api balek, jadi sēmua-nya naik bus pērgi ka-

stataion. Bila sampai ka-situ, mereka kena bērjalan2 ka-kēdai yang dēkat station itu kērana hēndak mēmbēli buah tangan untok di-bawa balek, kemudian mereka dudok dalam bulatan sambil mēmbelek2 barang yang tēlah di-bēli-nya. (Pērmainan. *Buah tangan dari Kuala Lumpur*. Akela mēnunjok sa-orang Anak Sērigala dan berkata: "Saya bēlikan untok ēmak (atau adek atau kakak dsb...) satu barang yang nama-nya bērpangkalkan huruf A (atau lain2 huruf)". Kalau Anak Sērigala itu mēnjawab sa-bēlum Akela habis mēmbilang hingga lima, ia kena dudok di-luar bulatan; kalau tidak, ia dapat satu pēluang lagi).

Lēpas itu mereka pun mēngikat bungkus-an-nya masing2 dēngan kēmas (songkok di-ikat dēngan tali — simpul buku sila), kemudian masok ka-dalam kēreta api, dan dalam pējalanan balek itu Akela bēr-chērita kapada mereka itu suatu chērita yang tēlah bērlaku pada zaman dahulu di-Kuala Lumpur itu. Ini-lah lagi satu pēluang yang baik untok mēnggukan kēbijakan Akela.

Akhir-nya lēpas pējalanan yang bērsējarah itu mereka pun sampai ka-rumah dan bērada balek di-kampong.

### Pērjumpaan Kēsēmbilan Bēlas

Laung To' Guru. Pēpēreksaan. Mēmungut yuran.

PĒRMAINAN. Chuba dan reka-lah oleh tuan sēndiri satu pērmainan baharu, tētapi tērangkan-lah dahulu dalam Mēshuarat Kēpala2 Ēnam Sakawan sa-bēlum di-mainkan dalam Pack.

## KERJA-BINTANG. *Mata angin.*

Yang sēnang sa-kali mēngajarkan-nya kepada Anak2 Sērigala ia-lah dēngan jalan mēmbuat garis2 mēnunjokkan halā mata angin itu di-atas tanah, dan surohkan mēreka bērdiri pada bērbagai2 arah supaya mēreka mahir dēngan nama2 dan arah mata2 angin itu. Kēmudian garis2 itu di-sapu dan mēreka pērgi bērdiri pada satu2 arah bila di-sēbut mata angin-nya, mithal-nya Utara. Maka akan bērtambah-lah tērtarek-nya budak2 itu jikalau di-chēritakan satu2 chērita bērhubong dēngan pēngētahuan mata angin tēlah dapat mēnyēlamatkan sa-saorang pēnēroka.

## PĒRMAINAN MATA ANGIN.

(Kalau lēbeh mudah rasa-nya, boleh-lah pērmainan ini di-mainkan oleh sa-paroh daripada Pack itu, dan yang sa-paroh lagi boleh mēngulang lain2 kērja-bintang saperti lompat tali atau pun mēmbaling bola).

Bēri Anak2 Sērigala itu card yang bērtulis dēngan nama mata angin, kēchuali mata angin Utara yang hēndak tuan pēgang sēndiri. Tuan lari dan bērdiri pada sa-barang tēmpat dalam kawasan itu, kēmudian Anak2 Sērigala itu mēlihat card-nya masing2 dan lari ka-mana arah mata angin yang tērtulis pada card itu, dēngan bērpandukan yang tuan jadi mata angin Utara. Pērhatikan siapa yang mula2 dapat tēmpat yang bētul. Kēmudian tuan lari pula ka-tēmpat lain dan mēreka pindah ka-tēmpat-nya yang bētul. Lēpas bēbērapa kali, card2 itu hēndaklah di-banchoh dan bērikan sa-mula. Ulang lagi pērmainan itu.

## BĒRGANTI2. Mēnjunjōng Buku.

Ēnam2 Sakawan bērbaris bērbuntut2 dan ada sa-buah buku untok di-junjong. Anak Sērigala yang pērtama hēndak-lah bērjalan ka-hadapan mēnjunjōng buku itu hingga sampai kapada suatu panchang, dan balek sa-mula ka-tēmpat-nya; Anak Sērigala yang kēdua mēngambil buku itu daripada-nya dan mēn-junjōng akan dia sērta bērjalan sa-bagai orang pēr-tama tadi. Siapa2 yang mēnjatohkan buku masa hēndak pērgi ka-panchang itu, mēsti-lah balek ka-tanda mula dan mulaī lagi; tētapi kalau jatoh dalam pērjalanan hēndak balek kēna-lah ia pērgi sa-mula ka-panchang dan mulaī dari situ.

PĒRMAINAN. *Jantan mērobobkan kota.* (Lihat Pērjumpaan Kēlapan).

PĒRMAINAN. *Pēlukis Diam.*

Ini sa-jēnis pērmainan yang bagus untok di-mainkan oleh ēnam2 Sakawan dalam sarang-nya. Satu2 ēnam Sakawan di-bēri sa-kēping kērtas lukisan yang bēsar dan sa-batang pencil.

Akela ada satu daftar nama barang2 yang biasa di-lihat dan mudah mēlukis-nya umpama meja, bē-rus gigi, pipe, buku dsb.. Sa-orang Anak Sērigala daripada tiap2 satu ēnam Sakawan lari kapada Akela yang mēmbēri tahu mēreka dēngan suara pērlahan2 bēnda yang pērtama dalam daftar itu yang akan di-lukis oleh mēreka. Mēreka pun lari balek ka-sarang masing2 dan mulaī mēlukis—dēngan tidak bērkata2 barang sa-patah pun, masa itu Anak2 Sēri-gala yang lain dalam ēnam Sakawan-nya mēneka apa-kah bēnda yang di-lukis-nya itu. Mēreka tērus-kan mēnēka-nya sa-hingga tēkaan-nya itu bētul, dan

pēlukis itu ta'boleh bērchangkap mēlainkan mēnggeleng2kan kēpala sahaja kalau tēkaan itu tidak bētul. Ia kēna mēnēruskan kērja mēlukis itu makin bērtambah2 tērang rupa-nya sa-hingga mēreka kēnal akan bēnda itu. Bila ada sahaja sa-orang yang mēneka dēngan bētul ia pun bērkata "Bētul" maka Anak Sērigala yang bētul itu lari kapada Akela mēngambil tahu apa pula bēnda yang akan di-lukis. Ěnam Sakawān yang mula2 habis nama2 dalam daftar itu di-kira mēnang.

Satu chērita pendek.

Laung To' Guru.

### Pērjumpaan Kēdua Puloh

Laung To' Guru.

Sa-bēlum mēnēruskan kērja2 pētang ini, chubalah uji siapa yang elok sa-kali pēringatan-nya dēngan jalan mēnyuroh Anak2 Sērigala itu mēngingati satu kumpulan angka mithal-nya nombor telephone di-Balai Polis, kēmudian di-akhir Pērjumpaan hari itu, ia-itu sa-tēlah mēreka mēnggunakan banyak masa mēmbuat kērja2 lain yang harus boleh mēnyēbabkan lupa akan angka2 itu, tanya-lah balek siapa yang ingat.

Sambong-lah dēngan Pēpēreksaan dan Mēmungut yuran.

### MĒNAPAK.

Anak2 Sērigala gēmar sangat mēmbuat kērja mēnapak dan sa-olah2-nya mēreka tidak akan jēmu mēmbuat-nya. Bēri-lah kapor warna kapada pasokan arnab, dan kalau sa-orang Guru Pēngakap atau

Kēpala Troop boleh pērgi bērsama2 mēreka itu boleh-lah di-tunjokkan-nya bagaimana chara hēndak mēnyēmbunyikan surat, dan mēmbuat kēsan2 pēlēsu.

PĒRMAINAN. *Pērmainan Kim.* (Lihat Pērjumpaan Kēdua).

PĒRMAINAN. *Tolakkan Dia.*

Untuk pērmainan ini di-kēhēndaki satu pēntas yang rēndah dan dua kērat kayu. Dua orang Anak Sērigala bērdiri di atas pēnatas itu bērhadap2an. Masing2 mēmēgang kayu-nya di-hujong kiri kanan dan silangkan kayu itu di-hadapan-nya supaya bērtēmu dēngan kayu lawan-nya. Bila di-bēri pērentah "Mulaï" masing2 pun mēnolakkan kayu lawan-nya dēngan tujuan supaya lawan itu tērkēluar dari pēntas itu. Mēnolakkan lawan itu hanya boleh di-buat dēngan kayu itu.

(Kalau mēnggunakan sa-kēping papan sahaja, hēndak-lah hujong papan itu di-pēgangkan oleh dua orang Anak Sērigala supaya jangan bērgoyang).

PĒRMAINAN. *Mail Udara.*

Ēnam2 Sakawan bērbaris bērbuntut2, dan tiap2 sa-orang di-bēri sa-buah kapal tērbang kēertas mēngikut warna ēnam Sakawan-nya. Hēndak-lah tuan sēdiakan kapal2 tērbang itu sa-bēlum mēmulakan pērmaianan ini. Tiap2 sa-orang Anak Sērigala itu ia-lah sa-bahagian daripada satu angkatan kapal2 tērbang yang mēmbawa mail udara dan mēsti-lah mēmbantu mēnyampaikan surat2 ka-sēluroh bahagian dunia. Di-tēngah2 kawasan itu tērlētak bēbērapa timbunan card, satu timbunan untuk satu ēnam Sakawan dan sa-rupa warna-nya dēngan warna kapal tērbang itu. Tiap2 sa-kēping card ada bērtulis

nama satu mata angin. Akela tetapkan satu tempat jadi Utara, kemudian angkatan kapal terbang itu pun mula-lah bergerak. Pemandu nombor 1 daripada tiap2 satu Enam Sakawan pun lari keluar, ambil sakeping card daripada timbunan card-nya, dan hantarkan katempat mata angin yang tertulis namanya pada card itu, kemudian balek katempat-nya. Bila sudah sahaja nombor 1 itu mengambil card dan lari kaarah mata angin-nya nombor 2 pun lari pula katimbunan card-nya. Pemandu2 itu tidak dikehendaki menanti sehingga orang dihadapan-nya sampai balek baharu ia lari, guna-nya supaya kapal2 terbang itu tidak berhenti2 berlari merata2 kawasan itu.

Bila semua card itu telah di-hantarkan, maka Akela pun memerlukan timbunan card di-tiap2 mata2 angin itu. Jikalau ada yang salah, Akela dapat menentukan dalam Enam Sakawan mana ada yang tidak tahu mata angin dengan melihat warna card itu, maka satu mata akan di-potong daripada Enam Sakawan itu bagi tiap2 satu kesalahan-nya.

### PERADUAN. *Mémakai.*

Tiap2 sa-orang Anak Sērigala berdiri dan meletakkan songkok, kain leher, kemeja, kasut dan sarong kaki di-hadapan masing2. Bila diberi perintah "Mulaī" semua-nya mulai memakai, dan yang mula sa-kali siap serta kemas sa-kali rupa-nya dikira menang.

### PERMAINAN. *Raja Suran.*

Buat dua garisan, satu di-hujong sebelah sana dan satu lagi di-hujong sebelah sini kawasan itu. Semua pemain, kecuali sa-orang, hendak-lah masok

ka-bélakang satu daripada garisan itu, dan di-bélakang garisan yang lagi satu itu kosong. Pemain yang sa-orang tadi ia-lah Raja Suran, bérdiri di-tengah2 kawasan. Bila di-béri alamat mémulakan pérmainan itu, hēndak-lah ségala mēreka yang di-bélakang garisan tadi lari ka-bélakang garisan yang satu lagi. Raja Suran chuba ménangkap akan mēreka itu sa-bērapa ramai yang dapat. Ia mēsti ménangkap sa-orang itu dan mēnyēntoh kepala-nya sērta bērkata, "Tuan di-tabalkan jadi Raja". Pemain yang kēna tangkap itu pun jadi Raja bersama2 dan mēmbantu ménangkap. Dalam masa itu pēmain2 yang lain undor dan mara di-antara kēdua garisan itu, akan tētapi sa-orang pun tiada boleh kēluar dari satu2 garisan tēmpat ia sampai, mēlainkan bila garisan yang satu lagi tēlah kosong. Dan sa-saorang pēmain yang tēlah kēluar kēdua bélah kaki-nya dari satu2 garisan itu mēsti-lah tērus ka-hadapan, tidak di-bēnarkan undor balek ka-dalam. Raja2 itu boleh bērgērak mērata2 kawasan itu, tētapi tidak di-bēnarkan masok ka-bélakang garisan. Bila sēmua-nya tēlah di-tabalkan pérmainan itu pun tammat.

Sēkarang lihat-lah siapa yang ingat akan angka yang di-béri masa mula2 Pērjumpaan tadi.

Laung To' Guru.

### Pērjumpaan Kēdua Puloh Satu

Laung To' Guru. Pēpēreksaan. Mēmungut yuran.

Untuk mēngubah rasa, surohkan-lah Kēpala Ėnam Sakawan mēnjalankan Pēpēreksaan hari ini.

PĚRMAINAN. *Telephone.* (Lihat Pěrjumpaan Kětujoh Bělas).

Hari ini mulakan děngan pěrmainan pasokan ia-  
itu jěnis yang běrkěhěndakkan banyak pěrgěrakan  
yang tělah di-pělajari oleh Anak2 Sěrigala itu.

Kěmudian těrus buat satu lagi pěrmainan yang  
pantas supaya měreka běrgěrak měrata2 kawasan itu.

PĚRMAINAN. *Pětir dan Kilat.* (Lihat Pěrjumpaan Kětujoh).

PĚRMAINAN. *Dalam Kolam, Atas Těbing.* (Li-  
hat Pěrjumpaan Pěrtama).

Sěkarang mari-lah kita jadikan měreka diam sa-  
běntar.

### KĚRJA-BINTANG.

Anăk2 Sěrigala itu tělah měngěluarkan banyak  
wap dan těnaga tětapi kita běrkěhěndakkan banyak  
lagi yang tinggal untok kěrja sěmboyan Semaphore  
yang měmakai banyak těnaga. Hingga masa ini ba-  
nyak-lah sudah yang boleh měnghantar sěmboyan dan  
měmbacha pěrkataan2 yang mudah kěrana měreka  
sangat těrtarek hati dalam pěrkara ini sěrta sělalu pula  
běrlateh sěndiri lain daripada hari2 Pěrjumpaan.  
Chuba-lah buat pěrmainan "Kědai Semaphore."  
Bila2 měnghantar sěmboyan chuba-lah ingatkan dan  
suroh Anak2 Sěrigala měngingati akan pětua2 ini:  
gunakan gělaran khas bagi tiap2 satu huruf; buat  
bětul2 kědudokan tangan dan běndera sěrta gaya běr-  
diri; lěbehkan běrlateh měmbacha daripada měng-  
hantar kěrana měmbacha itu di-dapati lěbeh payah;

dan akhir sa-kali biar-lah kērja itu mēnchēmaskan dan mēnarek hati. Mengapa tidak di-chuba mēning-galkan satu pērentah *rabsia* dēngan alamat semaphore dalam Bilek Pack itu sa-kali?

### PĒRMAINAN. *Kēdai Semaphore.*

Untok pērmainan ini tiap2 satu Ěnam Sakawan mēmileh satu jēnis kēdai. Satu Ěnam Sakawan boleh jadi kēdai barang makan, satu lagi kēdai ikan, dll. Masing2 pērgi ka-satu pēnjuru yang di-tētak-kan bagi-nya sērta mēngatorkan barang2 yang hēndak di-jual-nya.

Akela mēmbēri alamat dēngan sēmboyan apa2 barang yang di-hēndaki-nya daripada mana2 kēdai itu, kēmudian ia mēmbilang hingga sa-puloh. Kalau orang kēdai itu dapat sampai kapada Akela dēngan barang yang bētul sa-bēlum habis bilangan-nya, maka ia di-bayar harga bēnda itu dēngan sa-kēping wang ēmas (potongan daripada cardboard). Ěnam Sakawan yang banyak sa-kali dapat "Wang" di-akhir pērmainan itu mēnang. Anak2 Sērigala dalam Ěnam Sakawan itu mēsti bērgilir2 mēnjawab akan sēmboyan2 Akela.

Kalau tuan suka, pērmainan ini boleh di-jalankan dēngan chara lain. Tiap2 satu Ěnam Sakawan mēmpunyaï kēdai yang sa-rupa jēnis-nya, dan mana2 kēdai yang chēpat sa-kali mēnghantarkan barang bila di-sēmboyankan maka ia dapat bayaran.

### PĒRMAINAN. *Jam.*

Kalau2 ada siapa2 yang bēlum chēkap mēmbacha jam dan lupa pula hēndak mēmpēlajari-nya maka gērakkan-lah mēreka itu dēngan pērmainan ini.

Anak2 Sērigala itu di-jadikan dua pasokan, dan di-hadapan masing2 pasokan lukiskan bēsar2 gambar satu muka jam di atas tanah. Anak Sērigala yang pērtama dalam tiap2 pasokan mēmēgang sa-pasang jarum jam, satu panjang untok mēnēntukan minit dan satu pendek bagi mēnēntukan jam. Jarum2 ini boleh di-buat daripada potongan kērtas tēbal. Akela, bērkata: "Kurang sa-puloh minit pukul ēnam", maka kēdua2 Anak Sērigala yang pērtama daripada ma-sing2 pasokan lari kēluar dan mēlētakkan jarum2 itu pada muka jam-nya tēntang waktu yang di-kēhēndaki itu. Kēmudian lari balek dēngan jarum2 jam itu, bērikan kapada orang yang kēdua; bila Akela bēri satu waktu yang lain, Anak Sērigala yang kēdua ini lari kēluar mēmbuat waktu itu kēmudian balek sapērti orang yang pērtama tadi. Anak Sērigala yang mula mēmbuat waktu itu dēngan bētul dan sampai balek ka-pasokan-nya dapat mata bagi pasok-an-nya.

### PĒRMAINAN. *Mēnangkap tongkat.*

Satu bulatan mēngadap ka-dalam. Sa-orang Anak Sērigala bērdiri di-tēngah mēlētakkan tapak tangan-nya di atas sa-batang tongkat pēngakap yang pendek supaya tidak tumbang. Tiba2 ia mēngangkat tangan-nya daripada tongkat itu dan sambil ia mēngangkat tangan itu di-panggil-nya nama sa-orang Anak Sērigala. Yang kēna panggil itu mēstilah lari ka-tēngah mēnchuba mēnangkap tongkat itu sa-bēlum ia tumbang. Kalau ia bērjaya, ia pula bērdiri di-tēngah mēndirikan tongkat itu, dan pērmainan itu di-tēruskan. Kalau ia gagal, budak yang mula2 tadi juga mēndirikan tongkat itu dan mē-